

WANTOK

NIUSPEPA BILONG YUMI OL PAPUA NIUGINI STRET - 26 YIA NAU

36 pes

Namba 1,156

Wik i stat long Fonde, Ogas 22, 1996

50 toea

Hidden Veli papagraun askim CRA long baim ol K4 milien kompensesen mani

OL PAPAGRAUN bilong Hidden Veli gol projek long Wau, Morobe provins i askim nau CRA kampani long baim ol K4 milien, long ol bagarap i kamap long bus graun, wara na abus bilong ol.

Oi i mekim dispela askim bihain long ol i harim olsem CRA laik salim Hidden Veli long K50 milien, na narapela kampani i ken go het long projek ya.

Olsem na askim bilong ol em long kampani i mas salim projek long K54 milien. Na K4 milien bilong dispela prais i mas go long ol papagraun.

Oi tripela asples i kamap papa long dispela hap graun we Hidden Veli i sanap. Ol dispela asples o kien em Winima an Kwembu bilong Biangai na ol Nautis kien bilong Watut. Oi i kamapim askim bilong ol

ARI GUH DANDEE na YAKAM KELO i raitim

tu olsem ol i mas kisim liklik pe long ol bagarap we i kamap long graun ya na i no gat gutpela wok tru i kamap long en.

Wanpela insait ripot i tokaut olsem dispela askim bilong ol papagraun ya i stap pinis long gavman bai lukluk long en na stretim. Bai ol dipatmen bilong Envairomen na Konsevesen, Wota Risoses na Mains na Petroleum bai glasim ol samtng na bagarap long Hidden Veli. Na bihain stretim dispela askim bilong ol papagraun.

Minista bilong Maining na Petroleum, John Giheno i bin mekim wanpela lukluk raun i go long Hidden Veli long Ogas 14. Na lukim wanem

kain bagarap em wok bilong main i kamapim long laip na sindaun bilong ol pipel long hap.

Bihain em bungim ol papagraun, na askim ol noken wari sapos CRA kampani i lusim Hidden Veli gol projek. Bikos dispela wok bilong painim gol long hap i kisim planti ya. Na nogat wanpela developmen i kamap. Bikos CRA i lusim bikpela mani na i no kisim gutpela bekim. Na tu ol papagraun i wet longpela taim na nogat developmen i kamap long eria bilong ol.

Mausman bilong ol papagraun olsem Rex Mauri, Kaibe Mauri na Ben Joseph i tokim Minista Giheno olsem ol i amamas long CRA i lusim Hidden Veli. Tasol bikpela askim bilong ol, we ol bai sanap strong long en em, CRA mas salim

projek long K54 milien. Na K4 milien bilong dispela mani mas go bek long ol papagraun.

CRA i save poroman wantaim narapela bikpela ovasis maining kampani long painim gol na kopa insait long Papua Niugini. Kampani ya em RTZ. CRA em bikpela maining kampani bilong Ostrelia. Na het opis bilong em i stap long Melbon, Ostrelia. RTZ em Inglen kampani na het opis bilong em i stap long London.

Wok poroman bilong tupela long PNG i bihainim bikpela bilong gol na kopa tupela i painim. Sapos gol na kopa i bikpela inap long kamapim wok maining, bai tupela i go het na kamapim maining olsem Pogera na Panguna.

I go moa long pes 2

Bogenvil na Nu Briten kisim bikpela hap bilong Ostrelia bas

OSTRELIA i daunim pinis helpim em i save givim long ol arapela kantri long mak bilong 10 pesen. Tasol ol liklik Pasifik Ailan kantri olsem Papua Niugini bai kisim gutpela sapot yet long sait bilong mani.

Ripot bilong dispela i bin kam aut bihain long Praim Minista, John Howard i tokaut long baset o mani plen bilong Ostrelia long yia. 1997 long Tunde, Ogas 20.

PNG bai kisim yet K331.3 milien long ol wok developmen long 1996 na 1997. Bikpela hap bilong dispela mani bai go long bringim bek sevis long Bogenvil ailan. Na tu long stretim Is Nu Briten bihain long maunten paia i kamap long 1994.

Long dispela K331.4 milien, K146.6 milien bai go long sapotim nesenel baset, na K160.8 milien dola bai go long ol developmen wok.

Olgeta helpim mani em Ostrelia i save givim long ol liklik Saut Pasifik Ailan kantri i kamap long K429.7 milien dola olgeta.

Na mak bilong mani PNG i kisim i kam long Ostrelia i winim tru ol arapela liklik ailan kantri.

Helpim i go long ol arapela liklik ailan kantri i kamap long K133.9 milien olgeta. Bikpela helpim mani i go long ol ailan kantri olsem Fiji, husat bai kisim K19.8 milien, Vanuatu bai kisim K13.2 milien, Western Samoa bai K12 milien, Solomon Ailans bai kisim K11.8 milien, Tonga bai kisim K10.7 milien, Kiribati bai kisim K10.7 milien, na Nauru bai kisim K6.5 milien.

Kanage kalap long Air Niugini balus long Mosbi Siti na go long koi ples Goroka. Balus i tekov na plai antap and skai. Em nau Kanage sindaun tingting i go na tingting i kilim em. Na em i singautim meri i wok long balus (ea hostes) i go na askim em: Yumi sindaun long balus a? Dispela em i balus o? Wokmeri bilong balus lukluk strong long Kanage na bekim: Yes, dispela em i balus. Yumi stap long balus. Tasol Kanage i no wanbel long wokmeri bilong balus. Olsem na Kanage i tokim em: O sori tumas, mipela bilong ples i save long plane tasol ya. Oi lain long ples bilong Kanage i no save long Tok Pisin em balus na balus long tok Inglis em plane. Kanage i no luksave olsem plane na balus i wanpela samtng tasol na i no tupela wantaim. Bara Vins, GOROKA



Steamships HARDWARE

PLIS RIPOT



WEWAK-Is Sepik: Polis long Wewak i wok long sekap nau long wanpela birua we 4-pela man i repim wanpela meri long wik. Ekting Provinsal Polis Komanda, Sief Inspekta Raphael Huafolo, long dispela wik i tokaut olsem birua ya i kamap long las wik Sarere long Wariman DPI stesen, samting olsem 10 kilomita ausait tasol long Wewak taun. Wewak polis i tokaut olsem 4-pela man i kisim meri ya long Dagua maket taim meri ya i wok long kros wantaim wanpela arapela meri long bikos long wanpela famili hevi. Polis i tok 4-pela man ya i kisim meri ya i go long Wariman. Na wanpela bilong dispela 4-pela man i repim meri ya. Bihain meri ya i toksave long man bilong em long birua i kamap long em. Na man bilong em i givim ripot long polis. Tasol polis i tokaut olsem meri ya i no luksave long pes bilong dispela 4-pela man na tu i no inap tokaut long wanem kain ka 4-pela man ya i yusim long kisim em i go long Wariman we wanpela bilong ol i repim em. Sief Inspekta Huafolo i tok polis i wok long sekap long dispela birua. Na i luk olsem ol bai holim pasim dispela 4-pela man.

BULOLO-Morobe: Brens bilong Papua Niugini Benking Koporesen (PNGBC) i bungim birua long wok bilong ol raskolman taim ol stilim moa long K8,000. Provinsal Polis Komanda, Sief Inspekta Awan Sete, i tokaut olsem wanpela 8-pela memba raskol geng i yusim sampela raifol na wanpela pistol na kamapim dispela stil pasin long dispela wik Mande. Sief Inspekta Sete i tok dispela 8-pela man i bilas gut tru na haitim ol sotgan long ol beg na go insait long benk. Em i tok taim ol i stap insait long benk, ol i rausim ol gan long beg na odaim olgeta kastoma long slip long ploa. Em i tok tupela bilong ol i kalap i go insait long kaunta na kisim mak bilong mani inap long K8,391.90. Na bihain tekov i go ausait na kalap long wanpela waitpela Toyota Hailaks ka na ranawe. Bihain polis i painim dispela ka long wanpela liklik wara we i stap klostu.

MOSBI-Nesenei Kapitel: Waigani Nesenei Kot long dispela wik i kalabusim 4-pela yangpela man long sas bilong mekim pretim man na stil. Kot i salim 4-pela yangpela man ya i go long kalabus klostu tupela na hap yia olgeta. Dispela 4-pela yangpela man ya, kot i autim nem bilong ol olsem, Loda Moisa, 16 krismas, Onawa Mova, 17 krismas, Gimson Gabriel na Ambrose Eida, tupela wantaim 19 krismas, kot i painim olsem ol i asua long wokim dispela trabel o stil pasin long Hiritano Haiwe long Janueri 17 long dispela yia. Bikos long krismas bilong Moisa, Jas Sition Passigan, i rausim tupela krismas long kalabus taim bilong em. Na odaim olsem Moisa i mas sevim 5-pela mun na wanpela wik long Badili Salvesev Ami senta. Tripela wan trabel bilong Moisa bai spenim 5-pela mun na wanpela wik long Bomana haus kalabus wantaim tupela yia long probesen.

45 meri resis long 1996 Hiri Kwin taitel

KOMITI bilong Hiri Hanenamo Resis makim long kisim 20 nem tasol bilong ol yangpela meri. Tasol nau em 45 meri olgeta bilong ol Moto Koitabu ples i givim nem pinis long 1996 Hiri Hanenamo Resis. Dispela em resis bilong lukim husat bai kamap Mis Hiri bilong dispela yia. "Dispela em i gutpela. Bikos em i soim olsem ol pipel i luksave long Hiri Tred na Hiri Moale Festival. Na tu stori bilong Hiri Tred we ol tumbuna bilong Hiri save senisim samting namel long ol yet mas go daun long ol pikinini," Sue Darby i tok.


Darby em i wanpela memba bilong Hiri Moale Festival komiti. Na bin wok wantaim Red Kros Mis PNG Resis long 12-pela yia nau.

Komiti go pas long Hiri Hanenamo i tok long bipo wanwan ples save givim nem bilong ol lain long resis long las minit. Tasol long dispela yia, ol i givim nem kwik. Wanpela mausman bilong Nesenei Kapitel Distrik Komisen, Boio Suria i tok ol bai glasim ol dispela 45 meri na makim 20 tasol long resis long winim Mis Hiri Hanenamo taitel.

Meri husat i winim Hiri kwin taitel bai kamap

• **Raithan: Lagatoi bilong ol Rea Rea pipel em ol i wokim pinis, na seil ausait long ples bilong ol.**

• **Aninit: Siaman bilong Hiri Moale Festival komiti, Adira Gumasa i sekanim na tenkim bikman bilong ples Rea Rea long pinisim kwik Lagatoi bilong ol.**



4-pela Lagatoi bai sel long Hiri Moale Festival

PIPEL bilong ol Motu Koitabu ples i redi pinis bikpela kanu bilong ol, em ol i kolim Lagatoi, long 1996 Hiri Moale Festival. Festival bai kamap long mun Septemba long independens wiken.

Siaman bilong Hiri Moale Festival komiti, Adira Gumasa i mekim dispela toktok, bihain long lukluk raun bilong em long ol Motu Koitabu ples, are long Mosbi siti.

Ol pipel bilong ples Gorohu na Rea Rea i pinisim Lagatoi bilong ol. Tasol ol pipel bilong Boera, Tubuseria na Gaire i no yet. Tasol ol i promisim Siaman Gumasa olsem kanu bilong ol bai pinis na redi long taim bilong festival.

Long festival bilong dispela yia, Mista Gumasa i tok ol pipel bilong Mosbi siti, na ol turis bai lukim 4-pela bikpela lagatoi, we bai seil long Ela Bis.

Ol Hiri Lagatoi em ol bikpela kanu stret we long tumbuna taim, ol Motu Koitabu pipel save pulapim wantaim graun sospen na arapela samting. Na seil i go long sait bilong Galp provins. Na senis wantaim ol pipel long hap long saksak, buai, purpur, na ol arapela samting.



Mis NCDC, na resis long Mis PNG taitel. Fopela meri husat i bin winim Hiri kwin taitel long bipo na kamap Mis NCDC long resis long

Mis PNG taitel em Boni Moi, Hane Karai, Bani Bau, na Imanakone Sioa, Mis Sioa i winim Mis PNG taitel bilong dispela yia.

Gutbai HMPNGS Aitape

Long taim Papua Niugini i bin kisim independens i bin gat planti manmeri husat i bin wok hat tru long helpim kantri long kisim independens na dispela ol manmeri i bin kisim sampela kain namba long kantri na tu long Misis kwin, Elisabet da seken. Namba olsem memba bilong Britis empaia (MBE) o nait ov da Britis empaia (KBE). Dispela ol namba em i bilong luksave long hatwok bilong ol i bin givim i go long kamapim dispela kantri, Papua Niugini.

Yumi amamas long dispela namba gavman na kwin i givim long ol manmeri long kantri. Tasol yumi olgeta i lus tingting stret long sampela samting webai i bin helpim ol dispela manmeri long wokim wok bilong ol long kamapim dispela kantri, Papua Niugini. Samting olsem ol sip, kar, haus na ol balus.

Long dispela wik Papua Niugini i lusim wanpela nambawan sip bilong Papua Niugini, HMPNGS Aitape. HMPNGS

IVAN BAYAGAU i raitim

Aitape em i wanpela sip we kantri bilong yumi i bin gat long taim yumi kamap independens we gavman bilong Australia i bin givim long Papua Niugini long wokim wok bilong em wantaim Papua Niugini difens fos (PNGDF).

Planti manmeri bilong ol nambis ples long Manus i go long Bougenvil na Vanimo i go long Samarai bai tingim HMPNGS Aitape. I tru olsem sip ya i bilong difens fos we ol i bin yusim long wokim lukautim solwara bilong yumi tasol i bin wokim sampela wok bilong gavman olsem helpim ol manmeri bilong nambis long lusim ples long taim bilong bagarap olsem guria, maunten paia o graun bruk.

Dispela sip i gat bikpela stori we wan wan manmeri bai stori long em tasol sore tru, gavman bilong Papua Niugini yet i no tingim dispela helpim bilong sip

we ol bin gat mani long lukautim em.

Long taim Difens Fos i bin rausim namba bilong HMPNGS Aitape long 1985, gavman i bin givim dispela sip i go long Nesenei Musiem na At Galeri long lukautim tasol Nesenei Musiem i bin gat hevi long lukautim lapun sip ya.

Dispela tingting bilong bod membas bilong Nesenei Musiem long wokim sip i daun long solwara em wanpela bikpela disisen ol i mekim.

Planti biknem manmeri i bin sore nogut tru long sip tasol i bin nogat we long kipim dispela sip.

Tasol em i gutpela disisen bikos nau rip bai gro long en we bai pulim ol pis wantaim sak long kam stap long sip. HMPNGS Aitape i nau silip daunbilo long solwara i no longwe long Ela Bis insait long Mosbi na ol daiva i bin putim mak long en we sapos ol manmeri i laik lukim ken i go daun na lukim.

Papagraun askim CRA long baim ol kompensesen mani

i kam long pes 1

Na sapos gol na kopa long graun i no bikpela, tupela i ken lusim wok ya na painim nara-pela hap.

CRA kampani i laik stopim wok bilong em long Hiden Veli we em i wok long painim gol long sampela krismas i kam nau.


Kampani i bin go insait long Hiden Veli long 1989. Na stat long painim gol. Tasol nau yet nogat wok maining tru i kamap yet.

CRA i laik lusim Hiden Veli bikos em bai lusim bikpela mani tru long karimaut wok painimaut long Hiden Veli. Na tu em bai lusim moa mani yet na maining tru bai i no inap kamap hariap.

Hiden Veli eria i bin kisim nem olsem i gat gol long 1920, taim ol waitman i bin go long en namba wan taim. Ol i painim das bilong gol na save olsem dispela hap i gat gol.

Long 1920 inap 1940 bikpela wok painim gol i kamap we planti lain waitman i go insait long Wau Bulolo eria long painim gol. Bihain long 1940, i bin gat Wol Woa 2 na wok bilong painim gol i go daun.

Long 1964, ol saveman bilong glasim ol graun na painim ol mineral i raun gen na luksave olsem Hiden Veli i gat gol i stap. Olsem na wok i go bek isi isi inap 1989 CRA kampani i karim ol masin i go insait na sekim aninit bilong graun wantaim ol drill masin bilong em.



HMPNGS Aitape i wok long go daun isi isi long bik solwara.

WANTOK

All departments, Phone: 325 2500 - Fax: 325 2579
P.O. Box 1982, Boroko, NCD, Papua New Guinea

Published Weekly, Thursday, for

Word Publishing Company Pty. Ltd.

Printed and Published by Anna Solomon of Bittern Place, Gordons, at Alottment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and Group Editor in Chief: Anna Solomon.

Advertising Manager: James Dellela
Editor of Wantok: Leo Walfwa

Advertising Deadlines:
Display bookings and Camera ready copy: Tuesday midday.
Classified advertising: Wednesday 2pm.

Papers distributed by air throughout PNG. Available by airmail subscription within Papua New Guinea and overseas

Australia and New Zealand Representatives: Tonkin Media Pty. Ltd. P.O. Box 101, Avoca Beach NSW, 2251 Australia. Sydney, James Tokin, (043) 851746. Melbourne, Glen Smith, (03) 8072311.

Word Publishing Co. Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of Word Publishing Company Pty. Ltd. and are set out in full on the reverse side of its official Display Advertising Booking Form.

WANTOK

NIUSPEPA BILONG PAPUA NIUGINI STRET

HMPNGS Aitape no kisim rispek

SAMTING bilong sore na wari ya. Nem bai stap long tingting tasol ai no inap lukim dispela samting.

Em nau, long dispela wik Tunde, ol gavman atoriti i planim olupela navi sip, HMPNGS Aitape long solwara ausait tasol long Mosbi siti.

Dispela navi sip, long laip taim bilong en, i mekim planti na bikipela wok long kantri. Australia i givim dispela navi sip long PNG olsem wanpela Independens De presen na i sevim PNG Difens Fos long 10-pela yia olgeta.

Tasol long dispela wik Tunde, ol atoriti i planim em i go aninit long solwara bihain long em i bagarap na i slip sore antap long solwara arere long bikipela sipbris long Mosbi siti.

Bikipela sore na wari i olsem i nogat wanpela gutpela samting o seremoni i kamap long tok gutbai long sip ya pastaim long salim em i go aninit long solwara. PNG Difen Fos i no mekim wanpela samting long givim gan salut. Nogat.

Dispela i soim ples klia olsem mipela i nogat rispek na luksave long ol samting we i givim bikipela helpim na sevis long kantri. Wankain olsem olupela Haus ov Asembli long dauntaun Pot Mosbi we paia i kukim i no longtaim i go pinis. Gavman i toktok long lukautim dispela haus tasol nogat wanpela samting i kamap.

Bipo long HMPNGS Aitape i go aninit long solwara long malolo, i nogat wanpela gad ov hona o militari gan salut. Olsem wanem, ol atoriti bilong PNG Difens Fos i slek o wanem? Dispela em mak bilong nogat rispek? Ating sip ya i mas wanpela sip nating ya?

Mipela i mas givim gutpela luksave long ol historikal samting we mipela i gat insait long kantri. Wanpela gutpela samting long mekim em long lukautim ol dispela samting na i no long bagarapim. Mipela i mas i gat amamas long ol dispela samting. Bikos amamas bilong mipela long lukautim ol historikal samting bai soim ol pikinini na tumbuna bilong mipela bilong tumora long ol samting i sevim kantri long tude.



Ol lapun bilong Tusbab Hai skul...

• Dispela em i no ol wait-gras bikman nating. Nogat. Em ol namba wan lain studen bilong Tusbab Hai skul long Madang. Ol i skul taim skul i op long 1946. Na long stat bilong dispela mun, ol i kamap tu long amamasim 50 krismas bilong hai skul.

Papa bilong kantri na nau Gavana bilong Is Sepik, Sir Michael Somare i bin kamap bihainim askim bilong skul bod. Na stap insait tu long dispela bikipela amamas. Foto: Ben Taumai.

Pipel laik bagarapim Pangu Pati - Haiveta

LIDA bilong Pangu Pati na namba tu praim minista na bos bilong mani insait long kantri, Chris Haiveta i tokaut pinis olsem sampela lain i wok long train hat long bagarapim gutpela sindaun bilong Pangu Pati.

Mista Haiveta i tok olsem bihain long wanpela edvetismen i kamap long Post Courier niuspapa long namba 14 de bilong mun Ogas, 1996. Dispela edvetismen i toktok makim maus bilong presiden bilong Pangu Pati long Morobe provins, Mista John Wia. Edvetismen i toktok long People's Progress Party (PPP) wantaim lida bilong ol, Sir Julius Chan.

Mista Haiveta i tok Mista Wia i tokaut pinis olsem em i no putim dispela edvetismen. Em i tok olsem narapela man putim na yusim nem bilong Mista Wia. Em i tok ol i save husat man i putim dispela edvetismen na Mista Wia i tok long kisim em i go long kot. Mista Haiveta tok tu olsem Pangu Pati tu ting-

ing long kisim sampela kain eksen long man ya.

Em i tok Pangu Pati i bin putim aut wanpela edvetismen tasol long ol niuspapa namel long tupela wik i go pinis. Dispela edvetismen i gat nem bilong 5-pela lida bilong pati. Mista Haiveta em wanpela, na ol narapela em Pate Wamp, presiden bilong Pangu Pati, Sir Pita Lus, namba tu pati lida long Momase, John Giheno, namba tu lida long Hailans, na Arnold Marsipal, namba tu pati lida long Ailan rijon.

"Pangu Pati nem mas noken pas wantaim dispela edvetismen. Ol lida bilong pati (Pangu) i no bin givim tok orait long em (edvetismen) i kamap long pepa," Mista Haiveta tok.

Em i tok olsem edvetismen i gat tok giaman na i no makim toktok bilong pati. Em tok tu olsem em i amamas long wok bilong PPP.

Mista Haiveta tok tu olsem Sir Michael Somare i wanbel wantaim

em long pasin pati i kisim long rausim em long pati.

Em tok lo bilong pati i tok klia long pasin Sir Michael i mekim long kamapim nupela grup na em i nogat kros long dispela.

Mista Haiveta tok olsem Mista Somare yet i bin risain long Pangu Pati long March 10, 1993. Tasol taim Mista Haiveta kamap lida bilong pati, em singautim Sir Michael long kam bek long pati. Tasol taim em i go pas long kamapim nupela grup ol i kolim Nesenel Alaiens, olgeta lida bilong pati i bung wantaim na rausim em.

Em tok tu olsem Pangu Pati i sanap strong yet. "Pangu Pati i sanap strong. Mipela save mekim disisen bihain long kisim luksave long olgeta lida bilong pati," em i tok.

Mista Haiveta tok olsem Pangu bai strong yet long karimaut wok bung wantaim PPP long strongim nesenel gavman inap long bikipela ileksen long 1997.

Dauli Tisa Koles i mas stap-papagraun

OL papagraun bilong Dauli Tisa Koles i laikim gavman long noken pasim tisa kolis long wanem kolis i save karim plenti halivim i kam long eria blong ol na tu long sauten hailens provins.

Robert Tia, man i makim maus bilong olgeta papagraun long Dauli i tok olsem em i kirap nogut tru long harim olsem gavman i wok long tingting long pasim dispela kolis aninit long wanpela nupela program blong edukeisen diptamen. "Dauli i stap olsem wanpela tisa kolis insait long 30 yia nau na mi laikim gavman long tok aut klia long wanem as tingting long gavman long pasim dispela kolis," mista Tia i tok.

Mista Tia i tok olsem kolis i kamapim plenti ol tisa na tu ol sampela skul pikinini i kisim gutpela halivim i kam long ol dispela lain na sapos kolis i pas bai ol pipel i kisim taim tru.

Em i tok long ol lain papa blong em wantaim ol arapela lain i bin mekim bikipela hatwok tru long karim dispela kolis i kam long Awaba long Westen provins, na na bai hat wok blong ol i bai go nating. Em i tok sapos ol papa i no bin kisim bikipela mani long salim dispela graun blong ol long guttaim long wanem nambawan tingting blong ol em long karim dispela skul i go kamap long hap, wei ol pipel na skul pikinini i ken kisim gutpela sevis. "Mipela ol papagraun i luksave long wanem kain halivim dispela kolis i save givim mipela na mipela i no save bagarapim ol samting i stap long dispela kolis," em i tok. Em i tok olsem sapos gavman i laik pasim dispela kolis na yusim dispela hap graun long ol arapela wok bisnis, bai ol pipel blong em i mas stap insait wantaim long kain wok olsem.

Mista Tia i tok tu olsem gavman i mas skelim gut wanem samting em i laik wokim na glasim Dauli wantaim ol narapela kolis bipo long ol i pasim kolis.

Em i tok gavman i noken kalap na wokim wanpela disisen long wanem bai i gat kik bek we gavman i bai kisim taim long stretim ol heve. Mista Tia i salim tok i go long olgeta 9 pela memba long provins long toktok egensim tinting blong edukeisen dipatmen long noken pasim Dauli Tisa kolis, long wanem em i wanpela kolis tasol i stap long sauten hailens.

WANTOK

NIUSPEPA BILONG OL PNG STRET

P O Box 1982 BOROKO
Telepon namba: 3252500
Feks namba: 3252579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

TOR TOO

TORO I GO DALIN LONG BAS-STOP NA WETIM BAS LONG GO LONG SO-GRAUN...

PLANTI MAN TRU I WETI STAP...

MI SANAP LONG FRAN... MI BAI PES MAN TRU LONG KALAP... HE HE HE!



TORO TASOL I SANAP LONG FRAN STRET...

NAU BAS BILONG SO I KAM NA OLGETA I MUMUTIM I GO... TORO I GO PAS NA SANAP LONG DUA NA BLOKIM DUA I STAP...



OL MAN I BELHAT NA PUSIM TORO I GO INSAIT... NAU OLGETA MUMUTIM I GO INSAIT...



OL I PUSIM TORO I GO YET NA PUSIM EM I KAMAUT LONG WINDUA...



YUMI GO WE? 1997 Nesenel Ileksen Kempen

10. Inap long mi ken giamanim ol ileksen opisal na vot planti taim?

Sapos yu wanpela man o meri husat i save giaman na vot planti taim long ileksen, yu mas save olsem yu no trikim ol ileksen opisal, yu trikim yu yet. Yu mas save olsem yu wanpela bilong ol lain husat i salim kantri bilong yumi PNG long ol dok long dispela kain sting pasin.

11. Bipo long wanpela man o meri i kamap memba bilong nesenel palamen, em i mas i gat planti bisnis na mani. Dispela tingting i stret o nogat?

Dispela kain tingting i no stret. Long kamap memba i no bilong ol bisnis lain tasol. Em samting bilong olgeta manmeri. Planti taim ol kendidet i inap long mekim gutpela wok lida i save lus long ileksen bikos ol i nogat mani na kaikai long baim vot bilong ol pipel.

12. Olgeta kantri long wok i gat fridom olsem mipela long PNG long votim ol lida na gavman bilong ol o nogat?

Sampela kominis kantri long wol, ol pipel i nogat fridom olsem PNG long votim ol lida na gavman bilong ol. Long kain kantri ol ami i ronim olgeta wok long gavman na wok bisnis, ol pipel i bihainim laik bilong ol bos tasol. Sapos ol i laik bikhet bai strongpel paip bilong gan i wokabaut long ol. Hia long PNG, mipela i laki lain. Plis noken pilai nabaut long pawa bilong yu, nogut bihain bai yu sori.

13. Na bai mi votim wanem kain lida?

Glasm ol kendidet gut. Na yu yet i mas tingting stret. Dispela kendidet em man o meri bilong ol pipel o nogat? Em inap long kamap wanpela gutpela lida bilong sevim kantri na ol pipel bilong PNG o nogat? Sapos yu votim wanpela lida husat i go long palamen na stilim mani bilong ol pipel na mekim paul pasin, orait dispela i klia piksa olsem ol lain husat i votim em i wankain olsem lida bilong ol.

Nogat wanpela man o meri i bosim yu. Tupela samting, yu kirapim PNG o yu salim PNG long vot bilong yu.

• Dispela em i laspela hap rit bilong wanpela Tok Pisin buk "YUMI GO WE? 1997 Nesenel Ileksen" em Katolik Komisn bilong Pis, Jastis na Developmen (CCJPD) i bin putim aut long Trinde Julai, 1996.

Senis long Divine Word Institut long bipo na nau

DIVINE Word Institut long Madang i stap olsem 25 krismas, stat long Katolik hai skul i go inap em i kamap institut inap tude. Na em i sanap olsem wanpela Katolik misin skul.

Skul ya i bin stat long wok bung bilong ol Divine Word Misinari, Holi Spirit Sista, Maris Bruter na planti arapela wok misin manmeri long kain kain hap bilong wol.

Tingting bilong putim skul i kamap long 1967 taim tripela ausait kampani wantaim helpim bilong ol woka long Wewak na arapela long Enga na Pater Rudy i bin statim wok bilong brukim graun na stretim. Ol i sanapim namba wan lain klasrum na Katolik hai skul i sanap. Tingting bilong kamapim yunivesiti i no kamap bikos gavman i no givim helpim long mani.

Katolik hai skul i op long 1968 wantaim tupela gret 7 klas na tripela tisa. Ol tripela tisa ya em Pater Ken Feehan (hetmasta), Pater Don O'Conner na Mis Collen Boyle. Sista Inez na Sista Josepha i joinim ol long 1969. 101 skul pikinini insait long Madang provins i statim namba wan skul.

Moa stadi long skul i kamap long 1977 na tingting bilong statim teseri o institut i kamap. Long dispela taim bikpela miting i kamap na ol i opim skul ya long olgeta manmeri tu bilong arapela sios. Ol i lukluk long givim ol kos we i no gat long arapela koles na yunivesiti bilong Papua Niugini na tu givim moa skul antap long ol kos we i stap pinis long arapela skul o institut long PNG.

Olsem na long 1979, 17 studen i go insait na wokim namba wan metrikulesen (gret 11). Tupela krismas bihain, ol studen i go het na wokim kos long Komyunikesen Ats na Bisnis Stadi. 13 manmeri i greduet o pinis long 1982. Bihain long dispela, ol kos na pro-

... Divine Word skulim studen wantaim kristen pasin

grem i go moa.

Katolik Hai skul na Divine Word Institut em Katolik skul na skul i save ron bihainim-lo na tingting bilong sios long givim edukesen long ol manmeri.

Nem Katolik i min olsem olgeta hap (universal). Olsem na Katolik Hai Skul i save kisim ol studen i kam long olgeta hap bilong Papua Niugini long hap we ol Divine Word misinari na Holi Spirit Sista i save wok long ol.

Nau Divine Word Institut i save kisim ol skul manki i kam long olgeta hap bilong Papua Niugini. Na tu long arapela hap bilong kantri. Dispela em bikos skul i opim dua i go moa long planti manmeri moa i kam long skul. Olsem na long 1993, ol studen i kam long 10-pela kantri ausait long Papua Niugini. Na skul i save kisim ol studen husat i kam long arapela lotu o misin na tu ol studen husat i gat narakain skin kala long mipela PNG.

Ripot bilong Pater Jorgen Ommerborn SVD long 1993 Silva Jubili bilong skul, em i tok i gat wanpela tingting long stap insait long Divine Word Institut famili. Dispela tingting em long dispela nem, "Divine Word". Nem stret bilong Katolik hai skul i go long Divine Word Institut. Dispela nem em progrem. Em i sanap long wanpela wei bilong laip. Kristen memba bilong Divine Word Institut i mas gat laikim long Divine Word, Jisas Kraus, husat i soim em yet long pasin bilong groa long wok strong na givim em

yet. Na long was gut long laip bilong ol na wok bilong ol long Divine Word.

Dispela skul long tude yet i wok long kisim bikpela helpim bilong em i kam long ol Divine Word misinari long PNG na arapela kantri long sait bilong mani na arapela helpim bilong mekim skul i ron gut na moa yet. Ol i save givim helpim i go pas long Divine Word Institut na bihain ol i lukluk long arapela projek bilong ol.

Long yai 1993, Divine Word

stadi. Dispela em ol yunivesiti kos.

Planti husat i no bin save gut long dispela skul i save ting olsem skul ya i skulim ol manmeri long kamap pater, bruder, sista na o ol wokmanmeri bilong misin.

Tasol ol arapela husat i save long nem Divine Word i save olsem skul ya i save givim tu Nesenel Hai skul na Yunivesiti kos.


Divine Word Sekenderi i bin sensim nem i go long Divine Word Institut taim nesenel gavman i kamapim lo olsem olgeta hai skul i mas kisim ol studen bilong ol insait long wanem provins ol i stap long en. Olsem na ol i pasim hai skul long 1981 na statim Institut.

Ol namba wan memba long Edministresen bilong Divine Word Institut em ol Divine Word misineri na Holi Spirit sista. Inap tude, i nogat wanpela bilong ol dispela lain i stap long edministresen bilong skul moa. Pater Kenneth Feehan SVD tasol i stap long edministresen olsem siaman bilong Bod ov Trastis.

Long 1990, olupela Edukesen minista

Utula Samana i bin tok long Divine Word Institut i mas olsem yunivesiti. Haia Edukesen i givim Nesenel Skolasip (Natschol) long 1991. Tasol Yunivesiti bilong Papua Niugini i no luksave long dispela taitel o nem, Divine Word Institut olsem yunivesiti.

Inap dispela yia long las mun, Prais Minista Sir Julius Chan i tokaut olsem Divine Word Institut i ken kamap yunivesiti.



Max Manimbi, wanpela olupela studen husat i bin pinis wantaim Digri long Bisnis stadi.

Institut i bin kamapim Silva Jubili o bikpela amamas de bilong tingim bek laip bilong dispela skul i kam inap nau. Pastaim tru em dispela skul i stat olsem Katolik hai skul. Em i ron i nap long 14 krismas olgeta. Na bihain em i senis go kamap olsem Institut we ol studen i wokim Metrikulesen Yia wantaim olsem gret 11 na gret 12. Antap long dispela, ol i wokim tu Diploma kos long wok bisnis o akaunten, raitim nius o nius ripota na relijes

Divine Word kamap yunivesiti

DIVINE Word Institut long Madang i kisim nem yunivesiti pinis long dispela mun. Prais Minista Sir Julius Chan i tokaut olsem Divine Word nau i ken kamap nupela yunivesiti.

Dispela em namba 15 krismas bilong Divine Word Institut long kamap na i stap bihan long ol Divine Word Misinari i bin kamap long wok misin bilong ol insait long Niugini na statim.

Sir Julius Chan i tokaut olsem Divine Word i gat pinis ol lo na level bilong skul long kamap wankain olsem tupela bikpela yunivesiti long Papua Niugini na Pasifik Edvenstis Koles. Yu i gat luksave pinis long kamapim ol yumen risoses bilong dispela kantri wankain olsem arapela yunivesiti na koles, em i tok.

Nogat wanpela samting bai sanap long rot bilong mekim Divine Word i kamap praivet Katolik misin yunivesiti skul, em i tok. Planti olupela studen na ol tisa bilong skul ya i amamas tru long harim dispela nius.

Dispela nem yunivesiti i min olsem skul i ken kisim moa mani i kam long gavman long ronim ol progrem bilong em na tu opim ol klasrum na ol samt-

ing bilong yusim long skul i go bikpela.

Divine Word Institut i save holim skul bilong Bisnis stadi, Komyunikesen stadi na Relijes stadi. Nau em i laik putim progrem kos long menesmen, etiks na turism.

Prais Minista i amamas tru long gutpela rekot bilong ol studen long i no save kamapim wanpela bikpela trabel long kantri na tu em i save kamapim ol gutpela niusmanmeri na akaunten manmeri long wok.

Prais Minista i tok kantri bilong mipela i laikim ol gutpela savemanmeri na tu i mas gat gutpela pasin bilong bihainim na mekim samting. Dispela em Divine Word i bin kamapim long ol studen bilong em na Prais Minista i amamas tru.

Prais Minista i no tokaut long wanem nupela samting bai skul i kisim ol mekim, tasol em i tok bai i gat ol nupela salens.

Presiden bilong skul Pater Jan Czuba i tok skul bai wok hat long holim ol dispela mak na level na lo bilong skul long redim ol gutpela studen i go aut olsem gutpela yumen risoses na olgeta manmeri i mas kisim helpim long dispela skul.

LONG ELA BIS BIABIA I OPIM SELEBRESEN BILONG HIRI MOALE...



TASOL BIABIA I LUS TINGTING OLSEM EM DANIS ANTAP LONG PATA PATA...



NAU EM DANIS WANTAIM WANPELA HIRI MOALE KWIN...



EM DANIS IGO LONG ARERE STRET NA LEX BILONG EM I ABRUS NA BAGA HETWIN IGO DALIN...



Warapen askim raskol lain long sevim kantri

EDDIE SAUNDERS i raitim

WANPELA askim i go aut nau long olgeta raskolman long wariwan provins na ples insait long Papua Niugini long stopim raskol pasin na wokbung wantaim long helpim na sevim kantri.

Dispela askim i kam long wanpela biknem olupela raskolman, Steven Warapen, bilong Dagua eria long Is Sepik provins.

Mista Warapen i tokim Wantok long Sande Ogas 18, 1996 long Mosbi olsem em i lusim Wewak na kam long Mosbi long lukim na toktok wantaim Praim Minista Sir Julius Chan. Em i tok long lukim na toktok wantaim Sir Julius i bihainim tupela pas we em i bin stap yet long Boram haus kalabus long Wewak na raitim na salim i kam long em (Sir Julius).

Steven Warapen, dispela biknem olupela raskolman we planti raskolman i save kolim em papa, i bin pinis kalabus long Julai 24 bihain long em i spenim 19 krismas long klostu olgeta haus kalabus insait long kantri.

Tasol emi senisim laip bilong em na kamap gutpela memba bilong komyuniti na sosaiti. Na em i statim wanpela asosiesen aninit long astingting bilong helpim olgeta raskolman na manki na ol eks kalabusman na meri i ken sindaun gut long komyuniti na mekim ol liklik wok long helpim ol yet, komyuniti na kantri.

Dispela asosiesen bai lukluk long kamapim ol eks-raskol na prisina rihebilitesen senta insait long olgeta provins.

Mista Warapen i tok olgeta raskolman na manki bilong Hailans, Momase na Papua rion i harim na bihainim tingting bilong em. Na em i gat bikipela bilip olsem tingting bilong em bai karim kaikai. Bikos em i kisim bikipela sapot long ol planti biknem raskolman long olgeta hap bilong kantri.

Long sait bilong tupela pas we em i bin salim long Praim Minista Sir Julius, Mista Warapen i tokim Wantok olsem em i no amamas long sir Julius na gav-

man bilong em.

Em i tok em i no amamas bikos praim minista i no bekim dispela tupela pas ya we em i askim long kisim helpim long statim na ranim dispela impoten program. Bikos long luksave bilong em olsem wanpela olupela biknem raskolman, em i gat bilip olsem dispela program i ken daunim hevi bilong lo na oda insait long kantri.

Em i tok namba wan pas em i bin raitim na salim long Februari 13 na namba tu pas long Epril 2 long dispela yia pastaim long em i pinis kalabus long namba 24 de bilong las mun (Julai).

"Mi bai i gat bikipela amamas sapos praim minista i bekim tupela pas bilong mi. Sapos mi no kisim bekim bilong tupela pas ya, dispela bai no inap helpim mi long wok mi laik kirapim," Mista Warapen i tok.

Bikipela tingting bilong Warapen i olsem em i laik lukim yet praim minista. Bikos em i luksave olsem tingting bilong em bai givim bikipela helpim tru long gavman long daunim hevi bilong lo na oda insait long kantri.

"Planti raskolman insait long kantri em ol i pikinini bilong mi. Sapos gavman i helpim na sapotim mi na mi mekim samting, ol pikinini bilong mi bai harim na bihainim tingting bilong mi," Warapen i tok.

Em i tok gavman i nogat gutpela yut polisi long helpim ol yut aninit long astingting bilong daunim lo na oda hevi insait long kantri. Em i tok gavman i gat tasol polisi bilong baim gan long ovasis kantri na givim pawa na tokorait long polis long kilim ol yut.

Mista Warapen i tok tu olsem gavman i nogat gutpela rihebilitesen polisi o program bilong ol kalabusman na meri.

"Mi bin wanpela trupela raskolman tasol nau mi senisim laip na pasin bilong mi pinis. Mi laik lukim olsem gavman i mas helpim olgeta eks kalabusman na meri na ol manki long samting mi laik statim. Dispela lain em ol as bilong trabel long dispela kantri," em i tok.

Minista Barter sekap long ol provins

MINISTA bilong Provinsal na Lokol Gavman, Peter Barter, long nau yet i stap insait long wanpela bikipela wok long go aut long wanwan provins na sekap long ol wok na samting bilong rifom sistem bilong gavman i ron olsem wanem.

Mista Barter, bihain long gavman i kisim em i kam bak long kabinet na givim em wok minista, i go aut long planti provins pinis long sekap na luksave long ol hevi na arapela samting rifom sistem i bungim.

Bihain long gavman i singautim em na em i lusim wok olsem gavana bilong Madang na kisim wok olsem minista, Minista Barter i kam inap long pinis bilong dispela wik, bai go aut pinis long 13-pela provins insait long kantri. Long ol wik i go pinis, Minista Barter i go aut long Wes Nu Briten, Is Nu Briten, Nu Ailan, Manus, Morobe, Isten Hailans, Simbu, Oro, Milen Be, Westen, Enga na Gulf. Long dispela wik em i go aut long Isten Hailans, Madang, Sandaun (Wes Sepik),

GODFRIED YASSAFAR i raitim

Is Sepik, Westen Hailans, Sauten Hailans na Sentral provins.

Planti provins Mista Barter i go aut na sekap long go het bilong rifom sistem, em i painim aut olsem i gat sampela hevi i wok long stopim ol wok i kam aninit long rifom sistem long ron gut.

Sampela bikipela hevi Mista Barter i luksave em long i nogat gutpela fanding long sait bilong mani i kam long gavman, i nogat inap wokmanmeri long mekim wok, i nogat inap infrastraksa na i nogat gutpela wokbung i stap namel long sampela nesenel memba wantaim ol provinsal gavana bilong ol.

Long kibung bilong palamen long mus i go pinis (Julai), Minista Barter i givim wanpela ripot long ol wok kamap bilong rifom sistem.

Insait long dispela ripot, em i tokaut long palamen olsem ol bikipela hevi i stap long provins na

distrik levol long mekim wok bilong rifom sistem em i nogat inap mani, i nogat inap na gutpela infrastraksa na gutpela pablik sevis masineri (wokmanmeri) long karim aut wok.

Em i tokim tu palamen olsem arapela hevi i stap long wok bilong stretim pablik sevis. Wok bilong stretim pablik sevis, em i tok, em long apinim ol wokmanmeri olsem ol distrik edministreta, tresera na ol opisa long provinsal na distrik levol wantaim.

Em i tok bikos dispela wok i no kamap kwiktam na pinis, ol opisa bilong pablik sevis i slek o isi isi long mekim wok. Na dispela i mekim ol wok i no rong gut o kamap kwiktam.

Wanpela arapela hevi, Mista Barter i bin tokim palamen, em i nogat gutpela awenes program na ol arapela samting long tok klia na skulim ol pipel long trupela astingting bilong rifom sistem. Em i tok planti opisa bilong pablik sevis tu i no klia gut long rifom sistem.

Is Sepik asembli tokorait long moa lokol levol gavman

IS Sepik provinsal asembli i warkurai na tokorait pinis long kamapim 4-pela lokol levol gavman insait long 6-pela distrik insait long provins.

Dispela 6-pela distrik insait long provins long nau yet em ol open ilektoret bilong nesenel palamen.

Rijinol memba na gavana bilong provins, Sir Michael Somare, i tokaut long dispela tokorait bilong provinsal asembli taim em i opim wanpela ples balus long Gegerobi long Midel Sepik eria insait long Wosera/Gawi distrik.

Gavana Sir Michael i tokaut long Gegerobi olsem provinsal asembli i tokorait long 5-pela distrik, Angoram, Wewak, Yangoru/Saussia, Maprik na Wosera/Gawi long i gat wanpela moa lokol levol gavman long surukim namba bilong lokol levol gavman i go antap long 4-pela. Long nau yet, wanwan bilong ol

dispela 5-pela distrik i gat tripela lokol levol gavman.

Sir Michael i tok Ambunti/Drekikir bai i gat 5-pela lokol levol gavman. Em i tok namba 5 lokol levol gavman bai kamapim Hansten Rens eria.

Aninit long Seksen 27 bilong Ogenik Lo bilong Provinsal na Lokol Levol Gavman, dispela disisen o tokorait bilong Is Sepik provinsal asembli i mas go long Minista bilong Provinsal na Lokol Levol Gavman Afeas olsem wanpela rekomendesen.

Taim minista i kisim dispela rekomendesen, em bai putim i go long Nesenel Eksekutiv Kaunsil (NEC) long sindaun na paitim toktok na skelim na wokim disisen. Sapos NEC i oraitim, disisen bilong Is Sepik provinsal asembli gat karim kaikai. Sapos NEC i no oraitim, em bai nogat.

Gavana Somare i tokaut tu olsem Wewak taun bai stap

wankain yet aninit long Wewak Taun Komisn we i wanpela lokol levol gavman aninit long Seksen 26 bilong Ogenik Lo bilong Provinsal na Lokol Levol Gavman.

"Kamapim ekstra lokol levol gavman i gutpela. Bikos dispela bai helpim long bringim developmen i go aut long ol rurel eria insait long provins. Dispela i bihainim ol polisi bilong nupela rifom sistem," Gavana Somare i tok.

Taim em i opim ples balus long Gegerobi, Sir Michael i givim tok amamas bilong em i go long ol pipel bilong Gegerobi long hatwok bilong ol long karim aut wok long wokim ples balus. Bikos long eria bilong ol, i nogat rot i go aut long Wewak/Maprik Haiwe.

Tasol em i tokim ol pipel bilong Gegerobi olsem gavman bilong em i makim mani pinis long wokim rot i go long eria bilong ol.

Bai wasim long kol wara



TU MINIT TINGTING

EM I PASIN bilong ol manmeri na ol enimal na ol binatang long wok aninit long wanpela lida sapos ol i stap o ol i wok insait long grup. Famili i gat bosman, na viles na gavman na skul tu, na woksop na ami na Sios na bodi bilong yumi yet. Sapos yu brukim haus bilong ol anis, bai yu painim planti tausen i ron nabaut, na wanpela kwini i bosim ol.

Lida o bosman o papa o hetman em i gat wok long stiam wok bilong grup bilong em bai ol samting i ron gut. Gutpela lida i save trenim ol yanpela long kamap wina. Em inap stretim ol manmeri i kalapim lo na bringim ol i kam bek. Gutpela lida i save strongim bel bilong ol pipel bai ol inap mekim kain wok ol i no laikim. Gutpela lida i save sapotim arapela pipel.

Long taim Jisas i makim Pita i hetman bilong lain bilong em long Matyu 16:18, na givim ki bilong

kingdom bilong heven long em, em i tokim em bai Seten yet bai wok egens long em. Tasol Jisas i promis bai em i sambai long Pita inap long de bihain tru. Olgeta lida i laikim tumas long kisim sapot long wok bilong ol.

Insait long Sios na gavman, oltaim i gat sampela lain pipel i save egensim kain kain lo na lida. Planti ol i yangpela tisa o studen husat i no save olgeta long winim wan toea long wok bilong ol.

Ol studen i laik joinim ol protes mas; em i pasin bilong groap bilong ol. Inap nau long laip bilong ol, ol i bin kisim olgeta samting fri, na ol i no save givim planti samting. Ol i no lida.

Lida em i man o meri i sanap we ol pipel inap sut long em. Em i sanap ples klia. Planti pipel i save sutim tok long ol lida, tasol long taim ol yet i kamap lida, ol i no laik

OL LIDA

bai ol arapela i sutim tok long ol. Tasol nau ol i kisim bekim bilong ol.

Wanpela saveman bilong raitim stori, nem bilong em Mark Twain, em i bin rait olsem long papa bilong em: "Long taim mi liklik boi, mi ting papa bilong mi i winim olgeta man long strong na save bilong em.

"Long taim mi gat 10-pela krismas, mi painimaut olsem: i gat wan wan samting papa bilong mi i no save long en.

"Long taim mi stap long hai skul, mi save lap long sampela pasin na tingting bilong papa. Em i no save long planti nupela samting.

"Bihain mi winim skul pinis, na mi marit na mi kirapim famili, mi painimaut olsem: papa bilong mi

em i save long planti samting yumi no inap painim insait long ol buk.

"Long taim mi gat 40 krismas na papa bilong mi i lapun pinis, mi painimaut olsem: papa bilong mi em i winim olgeta arapela man long laip bilong mi. Mi pre bai mi inap kamap gutpela man olsem papa."

Yu lukim! Bihain long 40 yia tasol, Mark Twain i lukim papa bilong em i lida tru.

Stap gutpela lida em i wanpela hatwok tru - na yu bai no kisim planti tenkyu long wok bilong yu. Gutpela lida i no save bikmaus na patim na tok nogut long ol wokman bilong em. Nogat. Gutpela lida i save givim gutpela tingting stia long yumi. Em i lukim kainkain save i hait insait long yumi. Na em i pulim i kam ausait. Lida tru em i mekim yumi ting yumi poroman bilong em na i no wokboi. Bihain lida tru i bin grisim na pulim na




FRANK MIHALIC i raitim

subim na skulim ol man o meri na ol i kamap wina, ol i save tok olsem: "Mipela i bin win long strong bilong mipela yet."

Lida i lap na em i amamas. Long kain taim olsem em yet i win. Kas bilong em! Em i bin haitim gut wok lida bilong em.

700 sios meri bai toktok long pinisim Bogenvil hevi



• Ol meri lida bilong Bogenvil i bung na toktok long gutpela sindaun. Bung i kamap long Buka long Jun. Long dispela taim, ol meri lida bilong Niugini allan rijon i sindaun wantaim susa bilong ol long Bogenvil. Na helpim long painim gutpela rot long sindaun amamas long ples. Nau yet ol meri Bogenvil i redi long wankain bung nau.

...bung bai kamap long Arawa long Ogas 25

WANPELA bikpela sios bung bilong ol meri long Arawa, sentrel Bogenvil bai i lukim moa long 700 meri bilong allan i kamap wantaim na tilim tingting, prea long taim painim gutpela sindaun long Bogenvil.

Ol meri long bung bai kam long Katolik, Seven De Edventis, Yunaited na ol Pentekostel sios long allan yet. Bung bai stat long Ogas 25 na pinis long namba 31 de. Sista Lorraine Garasu, husat i holim wok olsem seketeri bilong ol Katolik meri long provins, na Pasto Emily Sairon bilong Yunaited Sios long Bogenvil yet bai go pas long holim dispela bung.

Sista Lorraine i tok tingting na plening bilong dispela bung i bin stat yet long mun Julai bilong las yia. Na nau ol wok rere i go het gut long holim dispela bung long Arawa.

Em i tok ol i askim pinis ol meri husat i stap long ol eria we ol Bogenvil Revolusinari Ami i lukautim. Na ol meri ya i tok ol i amamas long kamap tu long dispela bung. Sista Lorraine i amamas tru long kisim tokorait na sapot bilong BRA,

VERONICA HATUTASI i raitim

PNG sekyuriti fos na Bogenvil Trensisenel Gavman long holim dispela bung long Arawa. Sista Lorraine i tok moa olsem 500 meri bai kam long ol arapela distrik long Bogenvil. Na narapela 200 meri bai kam long sentrel Bogenvil eria yet.

I gat tripela astingting long holim dispela bung. Hia em ol dispela astingting:

• Bungim wantaim na kirapim na strongim tingting bilong ol meri long Bogenvil long stap insait long wok bilong pinisim hevi na painim trupela gutpela sindaun insait long Bogenvil allan;

• Bilong strongim na givim luksave long ol meri bilong save long rait bilong ol; na

• Kamapim ol plen na program bilong painim gutpela sindaun long Bogenvil, bai ol meri i ken go hetim gutpela wok namel long ol sios insait long allan bilong stretim dispela hevi.

Sista Lorraine i tok ol meri i redi pinis. Na ol i laikim dispela bung i mas kamap gut na karim kaikai.

Em i tok ol sios yet long allan i kamapim bikpela tingting long holim dispela bung. Na dispela tu em i namba wan taim bilong ol sios long allan long wok bung wantaim long dispela kain samting olsem hap long helpim bilong ol long piri-isim trabel na kamapim bek gutpela sindaun long allan.

Ol sios yet i bungim mani long kamapim dispela bung na bikpela hap helpim i kam long Yunaiting Sios long Ostrelia. Bai i gat tripela meri bilong Ostrelia na 4-pela meri Bogenvil yet i kamap na toktok long dispela bung. Long tripela lain bilong Ostrelia, tupela i bilong Yunaiting Sios na wanpela i bilong Katolik Sios. Gavman i no givim ol wanpela helpim wantaim mani.

Sista Lorraine i bin tok ol meri long Bogenvil i gat luksave long ol samting i kamap insait long ol komyuniti. Olsem na nau em i taim bilong stap insait long ol wok we gavman na ol sios i wokim long bringim gutpela laip gen long allan. Sip MV Sankamap bai kisim ol meri long lusim Buka i go long Arawa long Ogas 21 long stap long kibung ya.

Modilon haus sik gat 5-pela moa bod memba

MODILON haus sik long Madang i makim pinis 5-pela moa nupela memba long bod bilong em. Dispela nau i apim namba bilong ol bod memba i go long 9-pela olgeta. Ol nupela bod memba em Keven Murray, Jack Abegul, Dick Bart, Maureen Hill na Susan Baniaw.

Helt Minista Philemon Embel i bin kamap long Madang long las wik. Na lukim Jastis Andrew Woods, husat i save stap long Madang, i oraitim 5-pela nupela memba bilong haus sik. Minista embel i tokim olgeta bod memba olsem aninit long ekt o lo i lukautim wok bilong ol pablik haus sik, ol bod memba ya i gat olgeta pawa long wok bilong ronim hau sik.

Em i tokim ol bod memba olsem bod i gat pawa long kisim na rausim ol wokman meri, pulim moa mani i kam insait long haus sik, na long wokim ol rul em ol wokman meri wantaim sikman meri na haus sik i mas bihainim long givim gutpela sevis long pipel.

Memba bilong Madang, Stanley Pili i bin bihainim minista. Na lukluk raun long Modilon haus sik olsem wod em ol sikman meri i slip long en, haus sik stua bilong putim ol sut marasin na arapela kago o saplai, ples bilong katim sikman meri, ples bilong kisim piksa, klinik bilong ol pikinini, na ol arapela eria bilong haus sik. Modilon haus sik em i wanpela olpela haus sik tru insait long kantri. Olsem na planti samting haus sik i yusim i bilong bipo yet. Bihain long dispela lukluk raun, Minista Yama na Memba bilong Madang i go bungim Gavana George Wan, edministreta Clant Alok, na ol arapela sinia pablik sevan long lukim ol nupela bod memba bilong Modilon hau sik i kisim sia.

Martin Luther Seminari holim spesel insevis kos bilong ol pasto

KEVIN BANA i raitim

WANPELA tripela wik kos bilong greduet stadi long tioloji i bin kamap namba wan taim tru long Papua Niugini. Kos ya i bin kamap long Martin Luther Seminari, stat long Julai 23, na i kam pinis long Ogas 9.

Long dispela kos, seminari i bin askim ol pasto hsuat i bin greduet pinis long MLS yet, wantaim Batsela Digri long Tioloji long kam bek na stat kisim sampela kos, we bai sut long mak bilong Mastas Stadi program.

Dispc:a Mastas Program em Wartberg Seminari long Dubuque, Iowa, Evanjelikekl Luteran Sios long Amerika, i bin statim na ronim namba wan taim long dispela yia.

Dispela kos i sut stret long 12-pela greduet pasto. Tasol planti i bin harim na laik stap insait tu. Olsem na namba i go antap tru olsem 30.

Bikos long dispela, Din ov Stadis i bin katim na kamapim tupela grup. Namba wan grup, em bilong ol tisa bilong tripela seminari, husat i bin bung long tupela wik tasol na i go. Namba tu grup i bilong ol pasto bilong ol kongrigesen, hai skul saplin, tisa bilong ol sios institusen na sampela moa.

Leksera o isa bilong dispela kos em profesa Jim Bailey. Em i wanpela nu Testamen tisa. Na save tis long Wartberg Seminari long Yunaited Stet ov Amerika long lanti yia nau.

Em i kam long Papua Niugini wantaim meri bilong Judy. Na i stap long samting olsem tripela mun tasol na bai go bek long USA long mun Septemba.

Dokta Marcus Felde, misinari bilong Evanjelikel Luteran Sios bilong Amerika na Don ov Stadis nau long MLS i tok, dispela greduet program i bin kamap bikpela long ol trening we bipo, ol i save givim ol olsem tiolojikel o skruim save bilong ol pasto.

Dokta Felde i skruim tok olsem planti pasto i no save go long ovasis long mekim greduet stadi bilong ol long kisi Mastas Digri. Long wanem em bai kos bikpela mani tumas. Dispela em i wanpela hevi we Luteran Sios i tingting strong tru long kamapim wanpela greduet stadis program hia tasol long Papua Niugini.

Dokta Felde i tok moa olsem ol studen husat bai stap insait long dispela kos bai kisim bikpela hap bilong en long PNG yet. Na husat i pinisim olgeta 9-pela kos long PNG, ol i ken go pinisim Mastas ov At (MA) long wanpela ful yia stadi long USA.

Bihainim dispela program long olgeta yia, wanwan profesa o tisa bilong Wartberg Seminari bai kam na kisim wanpela o tupela yia wik kos long PNG. Insait long ol dispela kos, ol studen bai ritim ol buk long redim ol yet. Na pinisim wok bilong ol tu wantaim longpela ripot pepa em ol yet bai raitim, Dokta Felde i tok.

Namba wan man long painim rot na kamapim dispela plen, em Dokta Duane Priebe, wanpela profesa o tisa bilong Wartberg Seminari long USA. Em i mekim dispela plen bihain tasol long em i mekim tupela de lukluk raun i kam long PNG long 1994 na 1995, na tis wantaim MLS.

Karkar ailan bai gat vokesinel senta nau

BEN TAUMAI

LONG namba wan taim bai ol pipel bilong Karkar Ailan long Madang i gat wanpela vokesinel senta bilong skruim save bilong ol yangpela manmeri.

Dispela vokesinel senta bai sanap klostu long Cosmos Komyuniti skul long ples Ngor, wantaim sapot i kam long Memba bilong Sumkar na Woks Minista Peter Yama.

Mista Yama i givim pinis K29,000 long wokim dispela nupela skul. Mani ya i kam long Rurel Eksen Program fari bilong memba.

Long Ogas 11, Minista Yama i bin kamap long ples Ngor. na b rukim graun long soim stat bilong wok long nupela skul ya. Ripot i kam long las wik i tok wok bilong kliam eria em skul bai sanap long en bai stat long dispela wok.

Long taim Minista Yama i brukim graun,

em i tok dispela skul i no bilong ol pipel bilong Ngor tasol. Nogat. Em i tok dispela skul bai helpim olgeta yangpela manmeri long ailan long skruim save bilong ol. Dispela em long ol wok olsem kapenta, mekanik, samapim klos laplap, kukim kaikai na sampela moa.

Nau yet ol papama long Karkar ailan save salim pikinini bilong ol i go skul longwe long Bau na Talitik Vokesinel senta.

Karkar ailan i gat moa long 45,000 pipel. Na moa long 20,000 yangpela manmeri long ailan bai skul long dispela vokesinel senta o skul.

Minista Yama i givim promis olsem neks ya em bai givim mani gen bilong sanapim sampela moa klasrum bilong skul ya. "Neks ya bai mi givim mani gen ... olsem na noken wari long mai bilong provinsal na lokol lebel gavman," em i pinisim tok olsem.



• Minista Yama (lephan0 na mama bilong graun em skul bai sanap long en i planim kokonas long makim stat bilong wok long nupela vokesinel senta long Karkar ailan.

Mis Nu Ailan askim ol Lihir meri long sapotim wok bilong Red Kros

WOK bilong Red Cross i laikim sapot bilong olgeta meri insait long wanwan komyuniti.

Mis Nu Ailan, Tanya Mossman, husat bai resis long 1996 Mis PNG Kwik taitel i mekim dispela toktok, taim em i go lukim ol mama na wokmeri long Lihir Gol projek, insait long Nu Ailan provins.

Mis Nu Ailan i bin bungim sampela meri, planti em ol yangpela mama, long Palie Katolik misin, na tokim ol olsem em i tru wok bilong Red Kros i laikim mani. Tasol bikpela samting em sapot bilong ol meri.

Tanya i tokim ol mama olsem em i namba wan taim bilong em long lukluk raun long kantri, na redi long Mis PNG resis. Tasol dispela i no inap las taim bilong em long mekim kain wok olsem. Bikos em bilip ol pipel long Lihir ailan i ken helpim opis bilong Red Kros long Nu Ailan provins. Na Red Kros i ken givim gutpela helpim long ol trangu pipel husat i laikim helpim.

Long wanpela belo kaikai wantaim moa long 50 wokmeri bilong Lihir gol main, Mis Nu Ailan i askim ol meri long givim em sapot long wok bilong Red Kros long bungim mani insait long provins.

Em i tok planti taim em i bungim bai go long Red Kros long helpim ol trangu manmeri na pikinini.

Long resis bilong winim Mis PNG taitel, em i tok, i no we yu luk smat, husat em wanwan meri i resis i wok long ol. Tasol bikpela samting em ol i mas save gut long kantri bilong ol, na tu long ol arapela kantri. Bikos dispela bai helpim ol long givim moa gutpela taim ong helpim ol trangu pipel husat i laikim tru helpim.

Madang plis helpim ol CIS opisa

DEPUTI Seketeri bilong Madang, David Mullul i askim ol opisa bilong CIS na plis fos long Madang long wok bung wantaim. Na sevim ol pipel bilong kantri wantaim bikpela amamas long wok bilong ol.

Mista Mullul i mekim dispela toktok taim em i kisim ples bilong deputi gavana, Mathew Gubag. Na pasim tupela wik woksop bilong ol plis opisa o komanda, husat i askim ol opisa bilong CIS long kam stap insait tu long en.

Insait long dispela woksop, ol opisa i lainim long kisim gen gutpela tingting long wok bilong ol olsem lida. Na wanem kain pasin o piksa ol i mas soim olsem lida, taim ol i mekim wok bilong ol.

Wanpela biknem helpim grup bilong Ostrelia, Ausaid i helpim long ronim dispela woksop. John More na Nigel Horgan i go pas long ronim dispela woksop, wantaim sapot bilong Inspekta Wampe. Ol tripela ya i kisim tu sapot i kam long wanpela Ausaid saveman long Madang plis fos, John Woodburn.

Dispela em i namba tu taim bilong ol plisman long Madang i helpim ol CIS opisa long provins long stap insait long woksop o kos bilong ol long Madang.

Tripela CIS opisa husat i kamap long woksop, olgeta em ol inspekta. Nem bilong ol em Andy Sisipa, Linus Sievoly na Leo Naifiku.

Ol plisman husat i kamap long woksop em 10-pela olgeta, em ol inspekta na sinia sajen. Ol inspekta em Joseph Noah, James Kupi, Wesley Tataega, Robert Manua, John Metu na Jacob Bando. Na sinia sajen em Steven Kaipa, Joseph Jangumai, John Anton na Pious Melchior.



The **STIHL** Product Range available from Exclusive Distributors

UMW Niugini Pty. Ltd.

LAE Aircorps Road
PORT MORESBY Morea Toba Road
RABAU Malaguna Road
VANIMO
LIHIR ISLAND

Phone: 472 2444
Phone: 325 5766
Phone: 982 1489
Phone: 857 1437
Phone: 986 4073

STIHL

SEINSO NA ALASKAN MILL

Wantaim STIHL SEINSO na ALASKAN MILL, you ken katim timba bilong yu long raunpela diwai na wokim haus insait long peles. Ino hevi na isi long karim raun.

Long liklik taim tasol, mipela givim spesol offa:
Ol STIHL 070 SEINSO wantaim olgeta samting:

36" Bar, Alaskan Mill
Safety Helmet wantaim Visor na Ear Muffs
Gloves, File na File Holder
Wedges, Ripping Chains
20 litres long Bar na Cutter Oil
1litre long 2 Stroke Oil
Timber Clamps.

Olgeta long K 2, 480-00* nogat sales tax.

*Istap tasol long Port Moresby, Lae na Rabaul.

Dispela na sampela kain model insait long STIHL range istap long UMW Niugini Pty Ltd na wanwan dilas long Madang, Kimbe, Manus na Kavieng.

Olsem tasol yu ken kisim spea pats sevis UMW save wokim long olgeta taim.

Porgera i pairap

PORGERA main i pairap long Fonde las wik. Ol asples i kukim sampela ka na bagarapim sampela haus na masin bilong kampani. Ol inap long kamapim bikipela bagarap moa tasol ol plisman i kam na pasim ol.

Ol ripot i tok olsem tupela asples i bin dai long ol dispela trabel. Narapela i gat kisim bagarap na i stap long haus sik.

Ol asples i no wanbel long pasin kampani i skelim mani long ol pipel na long ol arapela samting tu. Ol i askim kampani na gavman long stretim ol dispela hevi. Kampani na gavman i les long harim ol pipel.

Mi gat tupela askim. Hamas moa asples pipel long Porgera bai dai bihain gavman inap long harim singaut bilong ol pipel? Wanem taim bai gavman i stretim hevi bilong ol pipel?

Dispela singaut bilong ol pipel i no kamap aste tasol. Singaut i stat long taim main i stat i kam inap nau. Na gavman i pasim yiau na ai bilong en. Olsem ol i bin mekim long Bogenvil.

Toktok bilong kampani i swit moa long yiau bilong gavman. Taim gavman i wokhat tru long mekimsave long ol asples, kampani go het long rausim gol. Pait nau i stap namel long ol pipel na gavman bilong Papua Niugini. Olsem i kamap nau long Bogenvil.

Mi harim olsem Minista bilong Envairomen i givim oda pinis long kampani long noken skelim mani inap long taim olgeta pipel i amamas long pasin kampani i skelim mani.

I luk olsem kampani i sakim tok bilong wanpela nesanel minista. Olsem wanem? Nem bilong kantri bilong yumi em Porgera Joint Venture o Papua Niugini?

Ol dispela samting i mas stop. Sapos nogat, bai yumi bungim bikipela hevi long bihain taim. Ating Bogenvil



em inap. Yumi mas stretim Bogenvil pastaim. Noken larim ol arapela kampani i kamapim moa hevi long kantri bilong yumi.

Taim hevi i stap liklik yet, gavman i mas stretim. Noken larim gris toktok bilong kampani i paulim yumi. Plis, harim singaut na krai bilong ol pipel.

Sekim ol lida

Mi laik toktok liklik long wanpela samting em lo i tokaut long ol lida i mas winim sapos ol i laik sanap resis long nesanel ileksen neks yia.

Ilektoral Komisn i tok olsem olgeta kandidate long neks yia i mas i nogat sik long tingting bilong ol. Olsem wanem? Bai olgeta kandidate i go lukim wanpela saveman bilong sekim ol sik bilong tingting pastaim na sapos ol i kisim tokorait, em nau, ol i ken sanap o wanem?

Mi no ting wanpela memba i stap long palamen nau bai winim dispela. Bikos mi ting olsem ol i gat bikipela sik long tingting bilong ol. Dispela sik i kamap long ol kamapni bilong ovasis i kam na paulim insait long tingting bilong ol.

Ilektoral Komisn i mas tokaut klia long wanem rot i stap long glasim ol kandidate long dispela kain sik. Yumi mas kilaim ol dispela sik bipo long nesanel ileksen i kamap neks yia.

PTC yunien eksekutiv askim PTC menesmen long apim pei bilong ol wokmanmeri

OL EKSEKYUTIV bilong Pos na Telekomunikesen Wokas Yunien (PTCWU) i wok long paitim toktok nau wantaim menesmen bilong Pos na Telekomunikesen Koporesen (PTC) long apim pei bilong ol wokmanmeri bilong PTC.

PTCWU eksekutiv i laikim olsem menesmen bilong koporesen i mas apim pei bilong ol wokmanmeri i go antap long 20 pesen.

Wanpela toksave na tok klia pepa i soim olsem sapos menesmen i koporesen i go het na tokorait long dispela askim bilong yunien eksekutiv, dispela bai kosim koporesen samting olsem K8.463 milien (K8.5 milien).

Dispela toksave na tok klia pepa, menesmen akaunten bilong Telkom Hiumen Risoses, Davai Rarua, i redim na givim i go long asisten jenerel menesa bilong Telkom Hiumen Resources, L. Avosa, i tok olsem dispela 20 pesen apim pei askim bilong yunien bai putim arapela K8.5 milien i go antap long ol dinau mani we koporesen i wok long

go het yet long bekim.

Eksekutiv bilong PTCWU i tokaut olsem ol i givim toksave bilong apim pei i go long menesmen bilong koporesen long las yia. Ol i tok bihain long ol i givim notis o toksave long menesmen long las yia, i kam inap long dispela wik, eksekutiv bilong yunien i holim pinis tripela miting wantaim menesmen bilong koporesen.

"Mipela i holim namba tri miting wantaim menesmen long dispela wik Mande Ogas 19. Insait long ol dispela miting, menesmen i givim mipela gutpela bekim long dispela askim bilong mipela long apim pei bilong ol wokmanmeri," wanpela memba bilong PTCWU i tok.

Dispela memba bilong eksekutiv i tok long nau yet, menesing dairekta bilong koporesen i givim sapot na laikim olsem ol i mas stretim dispela hevi kwiktaim.

Em i tok tumora (Fraide Ogas 23) ol bai holim wanpela arapela miting gen wantaim menesmen. Em i tok insait long dispela miting ol bai toktok na luksave long wanem rot menesmen i ken kamapim mani long apim pei bilong ol wokmanmeri.

Em i tok tripela rot yunien eksekutiv bai tokaut long menesmen mekim long kamapim mani long apim pei bilong ol wokmanmeri em daunim namba bilong ol ka koporesen i gat, kirapim tingting bilong ol wokmanmeri long hom onasip skim na katim alauwens bilong ol seif na top menesmen opisa.

"Olgeta memba bilong yunien i sanap beksait na sapotim yunien eksekutiv long paitim toktok wantaim menesmen. Yunien eksekutiv i kisim sapot i kam long olgeta memba insait long kantri," dispela memba bilong yunien eksekutiv i tok.

Ol yut bai traime pawa bilong ol

YUMI man God mekim yumi olsem em yet na i givim yumi lewa olsem em yet na tingting em i blesim klostu tru olsem bilong em. Na yumi olgeta wanwan i gat wok long mekim long dispela graun long helpim wanpela na arapela. Sapos arapela brata o susa i gat hevi na wari o i traime long bagarapim sindaun bilong arapela, yumi mas helpim na stretim ol. Sapos hevi kamap long famili, ples o komyniti, yumi mas traime long givim gutpela tingting bilong yumi long stretim. Sapos yumi i no mekim, bihain bai yumi yet na kantri i bungim hevi. Bikos mipela i no mekim wanpela samting long stretim taim i stat o liklik yet.

Yumi olgeta manmeri i gat dispela blesing bilong save na tingting i stap insait long yumi. Stat yusim nau dispela blesing na pawa bilong gutpela tingting long sevim famili na olgeta pipel bilong dispela kantri i noken i gat belhevi namel long wanpela na arapela na bagarapim sindaun bilong ol yet na yumi olgeta. Glasim gut as bilong ol tingting na lo na tokaut hairap nogut bai i bringim hevi. Glasim tu ol bratasusa bilong yumi i gat krangi tingting long long bagarapim yumi na stretim ol. Tasol taim yumi laik stretim ol, yumi mas toktok wantaim belisi o laik bilong helpim ol na i no wantaim belhevi na kros tingting.

Dispela wik bai yumi glasim yut na politik. Planti manmeri seksek long kamap politisen. Tasol planti bilong ol i no luksave o save long politik na ekonomik i save wok olsem wanem na we bilong ronim kantri.

Ol yut tu long olgeta provins i tingting na sampela i pasim tok pinis long putim kandidate bilong ol long 1997 ileksen. Ol i traime long ranim kantri long tingting bilong ol. Ol yut long Lae, Morobe provins, in bin namba wan lain long tokaut long dispela long las yia. Ol i strongim tok bilong ol long stat bilong dispela yia. Mosbi siti gat dispela muvmen i kamap tu. Bilong hailans i stat long Hagen na i gat wankain samting long olgeta hailans provins. Tupela Sepik provins, Is Sepik na Sandaun na Madang tu gat i gat pinis. Niugini Ailan tasol i no tokaut yet tasol sampela tokwin i kam olsem bai i gat.

Plantu pipel i tok ol yangpela i nogat save o eksperiens long politik. Tasol sapos yumi man i gat lewa long ol pipel, save na tingting, bai yumi sindaun skelim na glasim wanem samting tru i pusim ol ynapela long i mekim kain muv. Planti toktok i save kamap olgeta taim ol lida paulim na stilim mani bilong ol pipel, pablik mani gavman i givim. Na taim ol i sasim ol, ol i no save go long kalabus. Sampela tasol i kisim taim na planti nogat. Mani i mekim haus insait pinis long lewa na tingting bilong ol lida. Taim ol mekim lo long palamen, lewa na tingting bilong ol i stap long bisnis bilong ol. Ol i mas mekim disisin i noken bagarapim bisnis bilong ol, na ol rot we bai o i kisim mani. I tru olsem dispela sik bilong paulim na stilim mani bilong ol pipel i no stap long ol lida taso, i stap tu long ol lain wokmanmeri i save lukautim pablik mani. Dispela em namba wan as bilong ol belhevi i kamap long wok politik na kantri bilong yumi nau. Olgeta manmeri i laik kamap memba long nem bilong honesti na jastis. Na ol i laik rausim gridi na stilipasin na givim sevis long olgeta pipel bai amamas. Bai ol i mekim tru dispela o nogat? Lukluk bihain, taim ol i win na kamap lida.

Yut i holim papa nau.

Planti politikal pati na memba bilong palamen na ol lain i tingting long sanap long ileksin i seksek na wari tu. Ol i wok long go raun na givim gris toktok na givim mani tu na promisis sampela bikipela samting. Tasol i luk olsem ol yut i pasim tingting pinis. I bikipela wok bilong yumi olgeta papamama, barat na susa na savemanmeri nau long helpim ol yangpela long glasim na skelim tingting bilong ol na stretim ol long sanap wantaim belisi na gutpela tingting.

GLASIM LEWA na TINGTING wantaim Eddie Saunders



RAD - TEL (PNG) PTY LTD
COMMUNICATIONS SALES & SERVICES

MOTOROLA
NOKIA
ERICSSON
NEC

Enquire for more details at:
RAD - TEL
 BRANCHES:
PORT MORESBY LAE
 Ph: 325 2555 Fax: 325 0872 Ph: 472 6203 Fax: 472 7577

Papa laikim K250,000 long lek bilong pisin

LEK BILONG WANPELA blu na yelo kala pisin balus(perot) i mekim na wanpela dokta bilong ol enimel i stap long kot long tokaut olsem em tasol i mekim na pisin ya ino inap kamapim moa pikinini.

Dispela kot nau yet i wok long kamap long Sidni, long Australia.

Papa bilong dispela pisin ya, Rogers Schlup, i askim long K250,000 long Distrik Kot long Sidni olsem dokta ya i mas baim. Long wanem em i tok olsem lek bilong Nelson(em nem bilong pisin ya) i kisim bagarap long wanem dispela i asua bilong enimel dokta ya na nau Nelson i no nap sanap gut na silip wantaim meri pisin long kamapim pikinini.

Kot i bin harim olsem dispela man pisin i nogat sem ples autsait long bodi bilong em na long kamapim pikinini wantaim meri pisin, ol i mas kamapim wanpela kain danis we ol i mas kalap long lek bilong ol.

"Bikpela samting tru em pisin man na pisin meri i mas sanap long sait wantaim, tanim liklik na putim baksait bilong tupela wantaim," toktok bilong Mista Schulp i tok olsem.

Dispela kain pasin bilong ol pisin i save givim moa hatwok long lek bilong ol pisin na i ken stap longpela taim tru inap long 10-pela minit olgeta.

Taim dispela i redi bai tel bilong tupela i pas wantaim, na tupela wantaim bai pusim hat tru long pinisim olgeta samting.

"Olsem dokta ya i no kamapim wok bilong em gut na givim stretpela marasin, Nelson i stap nating...wantaim nogat gutpela lek, dispela i mekim em ino inap sanap, nogat pawa na strong na long olgeta samting ino inap long mekim pikinini wantaim pisin meri," Mista Schulp i tok.

Long mun Oktoba 6, 1994, Schulp

i kisim Nelson i go long haus sik bilong ol enimel. Na dokta Ross Perry bai lukluk long pisin ya long han sut lek bilong em. Tasol dokta ya i kirap na brukim narapela lek bilong em na i no bin givim raitpela marasin long pinisim bagarap bilong dispela pisin ya.

Dokta Perry i givim dispela pisin husat i stap 9-pela mun wantaim marasin bilong helpim na bihain i kisim piksa long ol bun bilong em tasol pisin ya i hap indai.

Schulp i tok olsem Nelson i kalap nambaut long rum bilong dokta ya long Sidni Not Wes. Tasol dokta Perry i tok nogat long dispela.

Perry i tok olsem em i no givim wanpela marasin long Nelson taim em i kisim piksa long bun bilong em na em i no yusim bikpela fos long bagarapim pisin ya.

"Mi no nap sanap long wanem samting ya pisin ya i go long em," Schulp i tokim mejistret Terence Christie.

Mista Schulp husat i tok em i klostu tru long pisin ya, na i lukim wanem samting i kamap i no bin amamas liklik. Em i no klia gut long wanem taim stret logn Oktoba 6 em lek bilogn Nelson i bruk.

Kot i bin harim olsem dispela ol pisin balus i save kamapim pikinini olgeta taim. Na long dispela na bagarap i kamap long lek bilong Nelson, Mista Schulp i tok olsem em bai westim taim long lukautim ol pisin meri nating long dispela namba wan pisin tru.

Em i tok olsem em i lusim mani inap long K9,500 long lukim olsem Nelson bai kamap papa bilong samting olsem 6 -10 pisin long wanpela yia.

Kot ya i go het yet.

- AAP

PICK YOUR FUTURE From 55 Career Choices

The future belongs to the trained professional, and ICS has provided the proven training that has enabled millions of men and women all over the world to prepare themselves for exciting, rewarding careers in the field of their choice. WHY NOT YOU?

You can get the complete details on the ICS program that interests you. Simply fill in the coupon below (including the number of the Career Program that interests you most) and mail the entire ad to the address shown below. We'll send you your FREE ICS Career Kit. Examine it, and then decide if the ICS way—the road to a million career success stories—is the road for you. Remember, there's no obligation, so act now.

SEND FOR FREE FACTS—NO OBLIGATION



International Correspondence Schools, Dept. TTA96
Box 1900, Scranton, Pennsylvania 18501-1900 U.S.A.

http://www.icslearn.com

World's Recognized Leader in Home-Study Training for More Than 100 Years.

ASSOCIATE IN SPECIALIZED BUSINESS DEGREE PROGRAMS

- 60 Business Management
- 61 Accounting
- 80 Business Management with option in Marketing
- 81 Business Management with option in Finance
- 64 Applied Computer Science
- 68 Hospitality Management

ASSOCIATE IN SPECIALIZED TECHNOLOGY DEGREE PROGRAMS

- 67 Electronics Technology
- 63 Civil Engineering Tech.
- 62 Mechanical Engineering Tech.
- 65 Electrical Engineering Tech.
- 66 Industrial Engineering Tech.

- 01 Computer Programming in BASIC
- 07 U.S. High School Diploma
- 02 Electronics
- 05 Hotel/Restaurant Management
- 13 Professional Secretary
- 35 Travel Agent
- 14 Air Conditioning & Refrigeration
- 32 Art
- 59 Catering/Gourmet Cooking
- 23 Medical Office Assistant
- 51 Fashion Merchandising
- 33 Motorcycle Repair
- 52 Surveying & Mapping
- 22 Wildlife/Forestry Conservation
- 47 Animal Care Specialist
- 15 Home Inspector
- 24 Dental Office Assistant
- 31 Locksmithing
- 89 Small Engine Repair
- 08 Legal Assistant
- 48 Computer-Assisted Bookkeeping
- 26 Teacher Aide
- 42 Dressmaking & Design

- 87 TV/VCR Repair
- 04 Auto Mechanics
- 12 Interior Decorating
- 18 Bookkeeping
- 06 Electrician
- 03 Child Day Care
- 38 PC Specialist
- 29 Police Sciences
- 10 Private Security Officer
- 55 Diesel Mechanics
- 94 Fitness & Nutrition
- 85 Drafting
- 39 Medical Transcriptionist
- 72 Appliance Repair
- 41 Journalism/Short Story Writing
- 40 Photography
- 70 Computer-Assisted Small Business Mgmt.
- 79 Electronics Technician
- 25 Gun Pro
- 30 Floral Design
- 27 PC Repair

Get FREE Information—MAIL ENTIRE AD TODAY

Write the number of the one career that interests you _____

MR / MRS / MISS _____
(Please print clearly)

AGE _____

ADDRESS _____

POSTAL CODE _____

CITY/COUNTRY _____

PHONE _____


ICS ACCREDITATIONS AND APPROVALS

ICS is an accredited member of the Distance Education and Training Council in Washington, D.C. and is licensed by the Pennsylvania State Board of Private Licensed Schools. ICS Learning Systems has been reviewed and approved as a Certified Provider of continuing education and training programs by the International Association for Continuing Education and Training.



Z202F

WINIM SAPELA LONG K10,000 KWIKMONI KES PRAIS!



LUKLUK LONG OL LAKITOKENS INSAIT LONG KLINA BARS.

Hariap, baim Klina cut, o bar, na yu inap kamap wanpela winman, o meri insait long "Great Klina Kina Surprise."

Participating Stores:

- | | | | | | |
|--------------------|---------------------------|-----------------------------|---------------------------------|------------------------------|--------------------------|
| Jabanadi, Bulolo | Andersons, Eriku | Bintangor Trading, W/Goroka | Kabuka Trading, Dobel | Andersons S/Market, Malaguna | Family Store Town |
| Jabanadi, Mumeng | Mini S/Market, Voko Point | Bromley & Manton, Banz | Price Rite S/Market, Popondetta | PMM S/Market, Kavieng | Steamships Boroko |
| Renbo, Lae | KKB Retail, Kainantu | Best Buy, Mt Hagen | Garamut E/Prises, Wewak | TSJ S/Market, Erima | Alotau E/Prise, Alotau |
| Best Buy, Lae | Renbo, West Goroka | Best Buy, Mendi | Tang Mow, Wewak | Tabubil S/Market, Tabubil | K Mart, Kimbe |
| Steamships, Madang | Best Buy, Goroka | Bromley & Manton, Wabag | M&S Tsang S/Market, Madang | Progressive Store, Tabubil | Papindo S/Market, Gorehu |
| Steamships, Vanimo | C & L S/Market, Kundiawa | Kabuka Trading, Chinatown | Andersons S/Market, Kokopo | Stop n Shop, Waigani | |

Grace Memorial Hai skul bai pas kwik

GRACE Memorial Hai skul long Wau, Morobe provins bai bungim bikipela hevi tru. Na luk olsem skul bai pas sapos em i no kisim skul fi subsidi mani i kam long nesanel gavman.

Hetmasta bilong skul i bin tokaut long dispela long wanpela kibung wantaim ol bod memba, em i bin kamap long Ogas 8. Em i tok nau yet skul mas i gat narapela K92,000 long ronim skul i go inap long pinis bilong skul 1996 skul yia long mun Desemba. Sapos nogat bai skul i pas olgeta.

Hetmasta i tokim bod tu olsem Edukesen dipatmen insait long Morobe bai no inap kisim yet skul subsidi mani bilong

ARI GUH DANDEE i raitim

nesanel gavman. Olsem na olgeta skul insait long provins i mas pas bipo long pinis bilong skul yia.

Hetmasta i tokim bod tu olsem Edukesen dipatmen insait long Morobe i askim olgeta hai skul insait long provins long mas traime ronim skul yet inap olgeta gred 10 studen i pinisim eksaminesen bilong ol. Ekseminesen bai kamap long Oktoba 21 i go inap long namba 24 de.

Nau yet ol bod memba bilong Grace Memorial Hai skul i traime hat tru long painim sampela kain rot bilong ronim skul i go

inap long mun Desemba. Tasol ol i bungim narapela hevi tu long skul fi we planti studen i no pinisim yet.

Ripot bilong hetmasta i soim olsem inap long K2,475 skul fi em ol studen i gat olsem skul fi dinau bilong las yia.

Na narapela K13,632 bilong 1996 we ol studen i no baim yet. Na dispela em bikipela hevi tru we bod i bungim nau.

Bod i lukim olsem sapos ol i no kisim dispela dinau bilong skul fi long ol studen, skul mas pas bihain tasol long gred 10 skul eksaminesen. Bikos nogat inap mani bilong ronim skul i go het inap long pinis bilong skul yia long mun Desemba.

Paska laikim mani ripot bilong ol memba yunien

JOE KANEKANE i raitim

JENEREL seketeri bilong Papua Niugini Tred Yunien Kongress (TUC), John Paska i tokim pinis olgeta yunien lain insait long kantri long salim ripot wblong wok ol i yusim mani i kam long opis bilong em.

Mista Paska i tok em i laikim olgeta liklik yunien husat i baim membasip fi i go long TUC long bihainim dispela askim. Bikos ol memba na opis bilong indastrel rejistra i mas save long we ol yunien i mekim wok bilong ol.

Em i salim tok lukaut olsem sapos wanpela yunien grup i no bihainim dispela askim, bai TUC i rausim ol long stap aninit long lukaut bilong em.

Mista Paska i mekim dispela toktok taim em i welkamim ol nupela eksekutyutiv bilong Nesanel Kapitel Distrik Komisen Wokas Yunien long wanpela bung long stat bilong dispela mun.

NCDC Wokas Yunien i bin baim K500 membasip fi long stap aninit long lukaut long TUC.

Em i tokim ol nupela eksekutyutiv olsem em i les pinis long lukim

olsem planti man i save yusim opis bilong ol yunien long mekim stil pasin, na tu mekim wok bilong ol yet.


"Mipela long TUC i les pinis long kain pasin we ol man husat i save stap long ol yunien opis i save paulim mani, na mekim ol wok we i no bihainim laik bilong ol memba.

Mista Paska i tok tu olsem em i salim pinis wanpela pas i go long olgeta yunien i stap aninit long lukaut bilong TUC long bihainim dispela tok lukaut.

Em i skruim tok olsem wanpela wok bilong ol yunien em long rausim olgeta pasin blong stil na giaman long ol publiik opis. Na dispela tingting i mas stap strong taim ol yunien i mekim wok bilong ol.

Long sem taim nupela presiden bilong NCDC Wokas Yunien, Gabriel Kahui i tokim ol memba bilong em olsem ol eksekutyutiv bilong em i no inap laikim ol wokman long yusim yunien long karamapim ol rong pasin bilong ol.

Em i tok olsem planti taim ol wokman yet i save asua long les



• Nupela presiden bilong NCDC Wokas Yunien, Gabriel Kahui. Em i tokim ol memba bilong em olsem ol eksekutyutiv i no inap laikim ol wok-

pasin bilong ol. Na taim bos bilong ol i givim mekimsave long ol, ol i save go long yunien long helpim ol.

"Mi laik tok klia long yupela olgeta wokman olsem mipela i no inap long helpim ol les lain taim ol i kisim hevi. Mipela i gat planti wokman meri i no save mekim wok na ol i save raun nating," em i tok.

Ol nupela eksekutyutiv bilong NCDC Wokas Yunien em Gabriel Kahui, Presiden, Amos Vagi, sinia vais presiden, Maino Pala, vais presiden Sapanga Apugaha, seketeri Jeheke Suoa, jenerel seketeri Vele Laha olsem tresera, na Graham Betute wantaim John Miguel olsem tupela trasti.

Edukesen opis laikim ripot bilong subsidi

PROVINSAL Edukesen opis long Lae, i no kisim yet ol ripot bilong mani ol hai skul insait long Morobe provins i bin kisim long dispela yia. Dispela em ol ripot bilong namba wan skul subsidi we ol skul i bin yusim long wok bilong skul.

Ripot i kam long Provinsal Edukesen opis long Lae i tok wanpela bilong ol dispela skul em Grace Memorial Hai Skul long Wau. Ol i bin kisim pinis K23,233 olsem namba wan kota bilong skul subsidi. Olsem na ol i mas salim ripot long wanem rot ol i yusim dis-

pela mani i go long Edukesen opis long Lae.

Ripot i tok sapos ol i salim ripot bilong namba wan kota i go long Lae, bai ol i ken kisim namba tu kota bilong skul. Ripot ya i tok tu olsem olgeta hai skul insait long Morobe provins i bin kisim pinis namba wan kota bilong skul subsidi bilong ol. Na sampela i stat long kisim pinis namba tu kota bilong ol bikos ol i salim ol ripot bilong namba wan subsidi i go bek.

Ripot i kam long Wau hai skul i tok ol i no bin kisim wanpela

helpim o subsidi long dispela yia na i luk olsem ol bai pasim skul liklik taim tru.

Wanpela bod memba bilong Grace Memorial hai skul i tok ol i no kisim wanpela skul subsidi bilong dispela yia. Na i no long taim bai skul ya i pas.

Ripot bilong wanpela komyuniti skul long Wau i tokaut olsem ol i kisim pinis skul subsidi bilong dispela yia. Tasol mak mak bilong mani i go daun olsem na i no gutpela.

Maggi
2-MINUTE NOODLES

MONSTER WHEELS GIVEAWAY

50 MONSTER WHEELS TO BE WON!

TO ENTER, SEND COMPLETED ENTRY FORM WITH 3 EMPTY MAGGI 2-MINUTE NOODLES PACKETS IN A STANDARD SIZED ENVELOPE TO:

MAGGI 2-MINUTE NOODLES MONSTER WHEELS GIVEAWAY LOCKED MAIL BAG BOROKO N.C.D

TERMS AND CONDITIONS:

- Information on how to participate and prizes form part of these terms and conditions.
- Entry is open to all residents of PNG except employees of Nestle and their families, its associated companies and agencies.
- No responsibility is accepted for lost, misdirected or delayed mail.
- 10 Monster Wheels to be won weekly for 5 weeks. All entries must be received not later than 12:00 noon on Friday for the same week's draw under Police supervision.
- Winners will be notified by registered mail and names will be published in the Post Courier and The National every Monday.

NAME: _____

RESIDENTIAL ADDRESS: _____

SECTION: _____ **LOT** _____ **NO.** _____

STREET: _____ **SUBURB** _____


TOWN: _____ **PROVINCE** _____

PHONE: _____

6. Prizes must be taken as offered and are not redeemable.
 7. Competition commences on 15th July 1996 and closes on 23rd August 1996.
 8. In the event of any dispute the decision of the promoter (Nestle) is final and no correspondence will be entered into. All entries become the property of the promoter (Nestle).

Fast to cook, Good to eat.

SUPREME GUTPELA PRAIS



YU GAT PINIS!



Bik Bro

REBO

OL SAPOTAS BILONG VIPERS I AMAMAS NA SINGAUT...
PERS! VIPERS! VIPERS!

LONG SEKEN HAP OL NOT BEARS I PILAI STRONG TRU...
BAL I GO ALIT...

VIPERS I OVA-EKSAITED NA OL I DROPIM BAL...
G*Z!3 BLAST! TWREET!

OL NOT BEARS I WINIM SKRAM...

MAI BALL!

BIG FOWET BILONG OL KISIM NA RON...

Igo moa Neks Wik!!



SIPAK MAIK

HOI, MINISTA! WANEM TAMBAL YU MUV AUT? MI LAIK SENISIM LOK!
LOK SM

P.M. SALIM MI KAM LONG -ER- SENISIM LOK NA TOKIM MI LONG YU BAI MUV AUT LONG 24 ALAS!!
LOK SM

SAPOS YU NO MUV AUT LONG 24 ALAS, OL POLIS BAI KAM NA RAUSIM YU BAI-FOS!
OH PLUS!

HARIAP TRU EM RINGIM TAMBAL BILONG EM...
 HALO, TAMBAL... EM MI YAH MAIKY... PLUS, INAP YU... ER... HELPI MI!
 HALO! OH, YES MINISTA MAIK... SORI YU TOK GEN?

...OLSEM NA OL I RAUSIM MI LONG HAUS... ER... INAP MI KAM STAP WANTAIM YU?
 WELL, EMI ORAIT LONG MI, TASOL MI TOKIM SUSA BILONG YU PASTAIM... YU HOLD-ON...

...ER... BRATA BILONG YU MINISTA I LAIK KAM STAP WANTAIM YUMI...
NO WELL! OVA MAI DED BODI!!
!?!

Igo moa Neks Wik!!



□ Tupela twin bebi meri husat i bin kamapim bikpela nius long wol taim tupela i bin go long Ostrelia long kisim operesen long katim tupela. Taim mama bilong tupela i karim tupela, tupela i bin pas long bros. Piksa i soim mama Magdalene husat i karim Eustina na papa Henry Bossin i karim Eustochia taim oi i kam bek long PNG wantaim Ray Martin (baksait) bilong Channel 9 televisen stesin.




□ Oi danis lain bilong Kiserebada long Gabagaba long Sentrel provins i no i long pattim kundu na tromoi lek.



□ Antap: Minista bilong Edministretiv Sevises, Paul Tohian, wantaim oi bikman bilong Polis i go raun long Aviamp Ti/Kopi plentesen. Raithan: Tag bot bilong Pasifik Salvor i pulim olupela nevi sip HMPNGS Aitape i go long bik solwara aueait long Pot Mosbi na daunim i go insalt long solwara. LUKIM STORI LONG PES 2.

Oi piksa Ivan Bayagau i kain.





PNG BUSINESS



Keep up to date with the latest happenings in the business and investment sector of Papua New Guinea by reading your copy of PNG BUSINESS.

Published at the end of each month, PNG BUSINESS is distributed direct to its target market, the decision makers and looks to comment on such items as new product releases, new company openings, any new initiatives which may influence local trade, changes to key management etc...

ENSURE YOU STAY INFORMED WITH PNG BUSINESS

PROUDLY PUBLISHED BY WORD PUBLISHING COMPANY PTY. LTD.
P.O. BOX 1982, BOROKO, NCD, PHONE: 325 2500 FAX: 325 2579.

WINIM WANPELA 15 SITA ISUZU BAS

I gat tupela (2)
bas long winim.
Tupela bas
wantaim i pulap
long ol
Morobeen Sneps
Bisket na Pepsi
333ml ken dring.



Namba wan prais i kam long:



Long win yu mas baim ol samting inap long K10.00
na moa long Stop 'n' Shop o Steamships stua.



NAMBA WAN PRAIS:
WANPELA ISUZU 15 SITA
BUS I PULAP LONG
MOROBEEEN SNEPS
BISKET NA PEPSI 333ML
KEN DRING.



NAMBA TU PRAIS:
DISPELA PRAIS EM YU
BAI KISIM OL KAIKAI
LONG STEAMSHIPS
STUA INAP LONG
K250.00 MAK.

I gat tupela (2) 15 sita Isuzu Bas we i pulap wantaim ol Morobeen Sneps Bisket na Pepsi ken dring. Yu inap winim dispela prais sapos yu baim ol samting long Stop 'n' Shop o Steamship taun stua.

Joinim ol manmeri husat bai traim lak bilong ol long dispela mun na painim sans long winim wanpela gutpela na naispela Isuzu Bas we i pulap long ol Morobeen Sneps Bisket na Pepsi ken dring.

Long winim ol dispela prais, yu mas baim ol samting inap long K10.00 o moa na ol woklain bilong stua bai givim yu risit, rattim nem bilong yu antap long dispela risit na putim risit ya i go insait long bokis klostu long sekaut.

Sapos yu baim ol samting planti taim long Stop 'n' Shop o Steamships taun stua, yu bai gat planti sans long rattim nem long planti risit pepa long traim. (I nogat tambu o mak long hamas risit pepa yu ken putim i go insait long bokis).

Bal ol i pulim dispela ol risit pepa long Stop 'n' Shop na Steamships taun stua long 12:30 apinun long Sarere, Ogas 31.

Dispela laki bai pas long 12:00pm stret long Sarere, Ogas 31, 1996.

Sapos yu stap taim ol i pulim dispela ol risit pepa na ol i kism risit bilong yu, yu bai winim namba tu prais. Dispela prais em yu bai kism ol kalkal long Steamships stua inap long K250.00 mak.

(Man o meri i win i mas i gat ID kat long kism prais)

Stop 'n' Shop

W A I G A N I

Steamships

TOWN

Moa raskol pasin kamap nau long Enga

PLIS Komisen Robert Nenta i tokaut olsem Enga provins i kisim luksave long Provinsal Lo na Oda Komiti nau olsem wanpela ples bilong pait.

Dispela luksave i bin kamap long Ogas 6. Na bai stap olsem inap long Novemba 6, 1996.

Ripot i tok plis i kisim pinis moa long 100 pipel long pait namel long ol yet, bihain long sampela bagarap i kamap long Porgera Gol main long Ogas 15.

Ripot i tok moa olsem 30 man insait long ples sel i bin ranawe long 8

kllok nait long Fonde Ogas 15. Ol man long ples i bin kam na helpim lain bilong ol insait long ples sel long ranawe. Dispela em bihain long ol i givim bol kata na kru ba long lain bilong ol insait long sel long brukim sel na ranawe.

Plis ripot i tok moa olsem 106 pasin nogut i bin kamap long wik i stat long Mande Ogas 12 i kam inap long Sande Ogas 18. Na plis i bin holim pasim na sasim sampela manmeri long 25 ripot olgeta. Long Mosbi siti yet, plis i kisim ripot bilong 42 bikpela

birua, na holim pasim na sasim 13 man.

Mista nenta i askim nau ol pipel long Mosbi long lukautim ol yet. Dispela em long taim ol i draiv raun long siti. Bikos pasin nogut bilong stilim ka i kamap bikpela nau.

Mista Nenta i askim nau papa na mama bilong ol ka long putim sampela kain sekyuriti insait long ka. Dispela i min olsem taim stilman i laik stilim ka, bai alam insait long ka i krai. Na stilman i ken pret na ranawe.

Plis i holim pasim na sasim pinis tupela man

em ol i bilip i stilim sampla ka long Sabama.

Ol plisman i kisim ripot kwik na raunim ol stilman ya, husat i lusim ka na ranawe i go insait long Kilakila Hai skul. Tupela man em plis i holim pasim na sasim em Joe Malowak na Lazarus Woraru. Joe em i hap blut bilong Madang na ples Tubuseria long Sentrel provins. Na Lazarus i bilong Kovape long Yangoru, Is Sepik provins.

Plis i bin holim pasim na sasim tu tupela man long stilim wanpela ka long Erima.

Ripota Kakas winim top niuspepa awod



• Dominic Kakas na Ruth Waram, husat i winim 1996 "Ripota bilong Yia" awod long Niuspepa na Megesin seksen.

EDITA bilong *The Independent*, sista niuspepa bilong *Wantok*, i winim pinis wanpla top awod olsem 1996 "Ripota bilong Yia" long Niuspepa na Megesin seksen.

Dominic Kakas i winim dispela awod long wok painimaut na ripot i go insait long paul pasin em isave kamap long ol bikpela gavman opis insait long Papua Niugini.

Dominic i tilim dispela awod wantaim sinia Bisnis ripota bilong *Post Courier* niuspepa, Ruth Waram. Ol bin kolim nem bilong tupela long winim dispela awod long Pasifik Ailan Nius Asosiesen (PINA) media awod nait long biksiti bilong Tonga, Nuku'alofa long Fraide Ogas 9. Awod nait i bin kamap bihain long kibung bilong PINA. media awards night in the Tongan capital, Nuku'alofa last Friday, following the annual conference.

Dominic na Ruth em tupela namba wan ripota long tilim dispela awod. Bihain long tupela i givim sampela ripot em tupela bin raitim, we i toktok long ol developmen bilong Papua Niugini. Na sampela sinia niusman em PINA eksekutiv i makim i glasim. Na givim dispela awod long tupela wantaim. Bikbos bilong Word Publishing Kampani, Anna Solomon i tok Dominic na Ruth i bin ripot long planti gutpela samting, em i kamap insait long kantri. Olsem na em i amamas tru long tupela i winim dispela awod.

Tasol em i tok moa olsem ol nius kampani i mas sapotim ol ripota bilong ol long raitim ol gutpela ripot, bihain long gutpela wok painimaut. Na tu ol nius kampani i mas redi long sapotim ripota bilong ol.

"Sampela taim, taim ol ripota i painimaut long wanpela bikpela man o biknem kampani, ol bikbos bilong nius kampani bai tok nogat long prinim dispela stori. Bikos ol ip ret olsem nogut dispela bikman o kampani i no inap edvetais long niuspepa, redio o televisen bilong ol. Mipela olgeta save bungim dispela kain pasin," em i tok.

Ol stori bilong Dominic we i winim dispela awod em long wok bilong ol ministra long abrusim pawa bilong ol na helpim ol yet. Na tu long ripot bilong Pablik Opisas Suparunuesen Fan (POSF) i baim wanpela opis spes long Kens, Ostrelia.

Ilimo lukluk long narapela we long kamapim Haus Kakaruk

MICHAEL MIISE i raitim


PAPA kampani bilong Ilimo poltri, Invesmen Koporesin i lukluk nau long wokim wanpela liklik haus bilong kilim na putim kakaruk bilong salim. Dispela haus em i bilong liklik taim tasol i nap long taim ol i wokim bek gen, nupela kain haus.

Namba tu bos menesa bilong Invesmen Koporesin Jon Ruimb i tok haus ya bai i gat olgeta samting bilong redim ol kakaruk bilong salim. "Hamas mani long wokim dispela haus em i samting bilong menesa bilong Ilimo, Mak Compton," Mista Ruimb i tok. Mista Compton i tok wok i stat pinis long dispela niupela haus tasol bai em i kisim sampela taim long pinisim na bisnis i ken stat gen.

"I gat plenti samting tru bilong wokim na sampela samting bai ol i mas baim long ol narapela kantri," em i tok. Sampela long ol dispela samting bai kamap long tumora Fraide i kam long Australia.

Em i tok tu olsem dispela haus i no nap long karamapim dispela 50 tan we Ilimo i bin save mekim taim ol i kisim taim nogut yet. Mista Compton i tok plenti long ol man i wok long wokim haus ya em ol wokman yet bilong ol yet bikos ol i no laikim ol wokman bilong ol i no gat wok. Em i tok moa olsem hamas mani bai ol i tromei long dispela nupela haus em i no save tasol plenti kampani i soim laik pinis long wokim dispela haus.

Iukluk insait



long dispela Can long

WINIM wanpela

'SLAP ON' WATCH

SAPOS YU PAINIM DISPELA TOK



YU WANPELA

WINNER!

SENISIM DISPELA WIN CAN LONG WANPELA COCA-COLA AMATIL DEPO INSAIT LONG PAPA NIUGINI LONG KISIM FRI WATCH BILONG YU

OL WINA MAS KISIM PRAI BILONG OL TAIM OL COKE CAN YA I STAP YET NA BIPO LONG NOVEMBA 29TH, 1996.

LO BILONG GO INSAIT

- 1) Long stap insait long dispela promosen em yu yesa pinis long olgeta rut na lo
Wei bilong stap insait na ol prais em hap bilong ol dispela rut na lo
- 2) Promosen em bilong Coca-Cola Amatil (PNG) Pty Ltd, P O Box 92 Lao
- 3) Yu mas kleim olgeta prais long Coca-Cola opte kleistu long yu
- 4) Ol wokman bilong Coca-Cola Amatil (PNG) Pty Ltd wantaim ol femel bilong ol i no nap pilal long dispela rests.



PNG LAIPSTAIL



Sevis bilong Air Niugini balus em tops

DAMIEN JOHN i raitim

WANPELA bikpela kros em ol pasindia i gat long Air Niugini em bikpela fi tumas long baim tiket. "Em i wanpela ekspensiv balus stret long ron insait long wol," wanpela pasindia meri, Jacinta Kuma i tok. Tasol Air Niugini i winim nem long sampela samting olsem long sevis em i save givim.

Mi bin ron long Air Niugini balus planti taim insait long kantri yet. Dispela em long ol f28 o smok balus.


Long go long ovasis em mi no go yet. Mi no save wanem taim bai mi gat dispela sans.

Tasol long ol toktok mi harim long planti wantok na pren bilong mi, sevis Air Niugini i save givim long ol ron bilong em i go long ovasis olsem long Manila (Filipin), Singapo, Hong Kong, Brisben, Sidni, Kens, Solomon Ailans, na sampela moa i winim tru sevis em ol arapela balus i save givim.

Dispela em wanpela gutpela nius long sait bilong promotim turis bisbis insait long Papua Niugini. Na bikpela tenkyu i mas go long menesmen, na ol wokman meri bilong ron bilong Air Niugini balus i go long ol ovasis kantri.

Long ekspiriens bilong mi long ron i go long ol arapela provins, mi ken tok ol wokman meri bilong balus o ea hostes na hostes i save givim namba wan sevis. Dispela em long givim loliwara, kaikai, na ol arapela samting long ol pasindia.

Tripela wik i go pinis, mi bin bungim wanpela olupela tisa bilong mi long Mosbi siti. Na mitupela i stori long limlimbur bilong em i go long ovasis na bihain em kam bek.



Na tisa ya i tokim mi long sevis em ol yangpela wokman meri bilong Air Niugini balus save givim long ol pasindia. Bikpela samting em long sait bilong bia na ol strongpela dring.

Em i tok sapos yu laik dring, ol wokman meri bai saplaim bia o wanem kain dring yu laikim i go inap balus i pundaun. "Tasol Damien, long kaikai tu, sapos yu laik kaikai moa, ol bai skelim na lukim sapos i gat wanpela ekstra, bai ol givim yu wanpela moa raun kaikai," tisa Johnson Mile i tokim mi.

Em i tok taim em kism bikpela 747 smok balus bilong Cathay Pacific long Inglen i kam pundaun long Hong Kong, em dringim moa long 10-pela klas wara tasol.

"Ol wokmeri bilong balus givim mi tupela botol bia, na i no givim mi sampela moa. Na tu long sait bilong kaikai, ol i givim mipela liklik kaikai tasol," Mista Mile i tok.

Edita bilong Wantok, Leo Wafiwa i mekim wankain toktok tu taim mi kism tingting bilong em. Em i tok long ron bilong em long las yia long Inglen i kam long Hong Kong, Cathay Pasifik

i mekim wankain.

Na bihain em painimaut olsem bikpela as bilong dispela em ol balus i mekim olsem i laik sevim mani, bihainim oda bilong menesmen.

Leo tok tupela wik i go pinis, em kism Air Niugini F28 balus long Honiara i kam long Mosbi, na apim stret nem bilong ol wokman meri bilong dispela flait o ron bilong balus.

Sevis ol i givim em i tok i no nupela long em. Em i tok em dring inap bia bipo balus pundaun long Jacksons ples balus. Na em amamas tru long wok bilong ol yangpela wokman meri bilong balus.

"Mi no raun tumas long planti hap bilong wol olsem sampela manmeri. Tasol long liklik limlimbur bilong mi, mi ken makim olsem sevis em Air Niugini save givim long ol pasindia em i winim sevis em pasindia bilong ol arapela balus save givim," Leo i pinisim tok olsem.

Johnson Simon em wanpela poroman husat i save ron long Qantas balus long Brisben i kam long Mosbi planti taim. Em i tok ol wokmeri na wokman bilong balus ya i save sevim gut

ol kastoma.

"Tasol wanpela samting mi no amamas em, ol save givim mipela wanpela o tupela klas bia, na bai i no inap givim moa. Ating ol i save olsem mipela ol Papua Niugini lain save spak ya. Na bai mekim nabaut long ol pasindia insait long balus. Sapos ol i gat dispela kain tingting, em ol i rong." em i tok.

Tasol wanpela samting em planti pasindia i save komplem long Air Niugini em long senisim taim bilong ron long balus. Dispela em ron bilong ol balus insait long kantri yet.

Ol i tok ol bai kamap long ples balus na bai wet longpela taim tru. Bikos toksave long komyuta save tok ol i skruim ron bilong balus i go long wanpela o tupela aua bihain.

Narapela samting tu em long kos bilong baim tiket. Nau yet prais bilong tiket i go antap tru. Na dispela i givim hat taim stret long planti manmeri long i go i kam.

Tasol i nogat narapela balus bilong yusim, olsem na ol i pasim tit na yusim tasol Air Niugini balus. Jacinta Kuta i tok, wanpela moa balus kampani i mas kamap. Na dispela bai salensim Air Niugini long daunim kos bilong baim tiket.

"Dispela Air Niugini i no sore liklik long mipela ol trangu manmeri bilong Papua Niugini. Man ol i apim prais bilong tiket i go antap moa, na mipela bai kism mani we long baim tiket," em i tok.

Jacinta i askim nau nesanel gavman long lukluk i go insait long dispela samting. Taim ol arapela pasindia long Jacksons ples balus i harim dispela hap toktok bilong Jacinta, olgeta i bikmaus na sapot olsem "em tru ya!

□ Kanage prenim wanpela kum katim meri Simbu. Ol lain bilong meri baim 20 pig na K20,000 mani. Na Kanage baim wanpela sampela katen bia.

Ol tambu i no bekim sampela samting i kam bek long Kanage. Ol wok long spak na singsing amamas i stap. Na Kanage wanpela sindaun na wari long ol samting bilong em i stap.

Daling bilong em lukim olsem na kam tokim Kanage: Yu noken wari tumas long ol pig, mani na katen bia yu westim. Amamas bilong ol em bilong nau tasol. Long tumora na hap tumora, ol bai sindaun slip wantaim wari. Yu wanpela bai stap amamas i go inap yu lapun. Bikos mi kism wanpela presen bilong yu i kam pinis. Long nait bai mi givim yu.

Long moning, daling i askim Kanage: Yu wari yet long ol samting bilong yu. Na Kanage i bekim: Yu toktok long ol pipia rabis samting ya. Mi no wari moa. Mi lus tingting pinis, asde yet.

John Gambu Kera, MOSBI

■ Kanage stori long Baibel long ol pikinini long wanpela Sande moning. Em stori long Jona, we ol tromoi em long wanpela sip i go daun long biksolwara. Na wanpela bikpela pis i kam daunim em, na swim i go trautilm em long nambis.

Kanage i stori olsem long ol pikinini: Jona em i daiman pinis sapos sak i kism em. Tasol wanpela bikpela mama bilong pis i kam lukim na daunim Jona. Na swim i go long nambis ...


Kanage lus tingting nau long nem bilong nambis em pis i trautilm Jona. Mekim nogat na em skruim stori yet olsem pis na raun i kam long nambis go swim i go bek long biksolwara. Em stori i go na kamap long hap taim pis i kam long nambis, em lus tingting long nem bilong nambis. Na bai tok pis swim i go bek long biksolwara.

Kanage mekim olsem i go na wanpela pikinini i kirap na tokples Niniwe, na kwiktaim Kanage kirap na tok: Laki boi, em nau pis i kam na trautilm Jona long Niniwe nambis. Sapos nogat, pis bai swim i go bek gen long biksolwara. Man olgeta pikinini i kilim skin stret long lap long Kanage.

Jerry Los, MADANG

• Lukim moa tokplai wantaim Kanage long pes 20

NEW AXION LEMON GREASE STRIPPER



**ISI WE LONG
KLINIM OL DIS
NA SOSPEN
BILONG YU!**



Nem: Jeffrey

Sendiwo

Krismas: 20

Adres: Passa No. 2
Village, Po Box 752,
Wewak, East Sepik
Province.

Save Laikim: Mi
save laikim tru long
mekim penpren wantaim ol yangpela manmeri
bilong Papua Niugini. Olsem na mi raitim pas
long nem bilong mi i kamap long dispela pes
long niuspepa.

Ol samting mi save laikim long mekim em long
pilai soka, lukim EM TV, harim reggae musik,
danis na go long lotu.

Nem: Wesley Basiuhum

Krismas: 18

Adres: Mindip Cons, PO Box 246, Vanimo,
Sandaun Province.

Save Laikim: Masel Ats, harim musik bilong
olwaitman, pilai soka na volibal, draivim ka,
go long lotu na pilai gita.

Nem: Ferry Aema Male

Krismas: 15

Adres: PO Box 2764, Boroko-NCD.

Save Laikim: Ol spot mi save laikim long pilai
long fri taim bilong mi em ragbi, basketbal na
volibal. Mi save laikim tu long mekim ol wok
bilong lotu, harim musik, na raitim pas long ol
penpren bilong mi. Mi bai amamas tasol long
bekim olgeta pas em mi kisim.

Nem: Barry Nolabo

Krismas: 18

Adres: PO Box 5384, Boroko-NCD.

Save Laikim: Mi save laikim long pilai
volibal, mekim fani wantaim ol pren, na go
long lotu na singim lotu singsing. Mi bai
bekim olgeta pas em mi kisim.

Nem: Miss Alice
Ghartey

Krismas: 25 (singel)

Adres: PO Box A-
341, Oguua State,
C/R, Ghana, West
Africa.

Save Laikim: Kukim
kaikai, lukluk raun
long ol nupela ples,
harim kainkain musik,
prenim narapela
man, na bikpela samting mi laikim em long
painim gutpela man long maritim.

Nem: Miss Lucy
Walker

Krismas: 25 (sin-
gel)

Adres: PO Box 647,
Cape Coast, Ghana,
West Africa.

Save Laikim: Ritim
Baibel, kukim
kaikai, swim long
wara o solwara, na painim gutpela man long
maritim.

Nem: Maroxly Sar

Krismas: 18


Adres: C/- Peter Serry, Madang Bookmakers,
PO Box 538, Madang.

Save Laikim: Lukim EM TV, harim reggae na
lokol PNG musik, limlimbur wantaim ol pren na
mekim fani stori, ritim niuspepa na megesin o ol
piksa buk, pilai volibal na go long lotu. Mi no
save laikim ol manmeri husat i save tok beksait
long narapela.

TOKSAVE KAM LONG EDITA:

Wantok i prinim nau leta bilong ol manmeri
wantaim potu we i soim kila pes bilong
yupela. Olsem na yupela ken salim tu potu
bilong yupela i kam long dispela adres:
Painim Penpren, Wantok, P. O. Box 1982,
Boroko, National Capital District.

Pasin bilong helpim arapela mekim kastom long stap laip



• Ol pipel bilong ples Kurumul long Westen Hailans i bungim ol taro na banana we i kos K2,000 long baim meri. Dispela em wanpela kain pasin bilong helpim narapela we i strongim kastom pasin long tude. Dispela kain helpim pasin i stap long ol hailans, nambis na ailan eria tu bilong Papua Niugini.

TUDE insait long Mosbi siti bai
yu painim pipel bilong kainkain
eria long Papua Niugini i stap.

I gat ol Sepik, Morobe,
Hailans, Tolai, ol papagraun
bilong Mosbi na planti arapela
pipel tu i stap long Mosbi.

Dispela ol lain i gat wanwan
bisnis, as o wok bilong ol long
stap long hia. Tasol wanpela
samting mi wok long lukim em
olsem taim ol manmeri i kam
stap hia, ol i save tingting long
kastom o tumbuna pasin
bilong ol tu o nogat?

Mi no ting i gat wanpela
stretpela bekim long dispela
kain askim. Tasol wanem
samting mi save em i nogat
taim bilong ol wantok long sin-
daun wantaim ol yet.

I gat wanwan taim ol i save
sindaun o bung wantaim.
Tasol dispela i no inap long ol
long mekim planti samting ol i
laikim. Long wanem i mas gat
sampela samting ol i mas
wokim long painim kaikai.

Tasol wanpela samting mi
lukim i wok long kamap long
siti, na mi laikim i mas stap
oltaim em dispela pasin blong
givim sapat o helpim i go long
ol wantok long taim blong tra-
bel o hevi. Dispela em pasin
bilong mipela ol Melanesia
pipel.

Wanpela wik i go pinis, mi
wantaim ol wanpisin bilong mi
long Yalibu eria bilong Sauten
Hailans provins i bin bungim
sampela mani. Na mipela i bin
karim i go long haus bilong
wanpela wantok bilong mipela
long Gerehu.

Trangu wantok ya long
Gerehu i bin wari i stap long
wanem meri bilong em i bin
indai. Na mipela i go long tok-
sore long em, na sindaun wan-
taim em.

Long dispela taim sampela
moa wantok tu i bin kamap. Na
mipela i sindaun wantaim man
ya.

JOE KANEKANE i raitim

Mi bin kirap nogut tru long
lukim planti wantok bilong
mipela long kainkain hap
bilong Mosbi siti i kam pulap
long haus o eria bilong man
ya. Na mipela i givim mani i go
long han bilong dispela man.

Wanem samting i bin
kirapim tingting blong mi em,
ol kain toktok na pasin mipela i
bin wokim long dispela haus
krai.

Ol pasin mipela wokim i
wankain tru long kain sindaun
sore bilong mipela long ol
wanwan ples bilong mipela.
Na long karim kain pasin
olsem i kam long siti, em i
strongim tumbuna pasin bilong
mipela.

Pasin bilong sore

Taim bilong go long ol haus
krai, mipela i save karim ol
kaikai i go wantaim mipela,
wantaim ol arapela lain wan-
pisin long go long kain sindaun
olsem.

Wankain long ples mipela i
save kraik na i go wantaim ol
lain wanpisin bilong mipela.
Olsem bai ol lain long haus
krai i ken save olsem mipela tu
i stap long bikpela sore wan-
taim ol.

Long sem taim tu mipela i
save bungim sampela liklik
hap makmak na karim i go.
Bihain tasol long liklik toksore,
mipela i save givim mani i go
long han bilong ol lain i lusim
wanpela lain o famili memba
bilong ol.

Taim ol dispela lain i kisim
mani bilong ol, namba wan
samting tru ol i save mekim
em ol i save luksave long
namba bilong mani ol lain i
save karim i go long taim
bilong hevi.

Ol i save mekim olsem long
wanem, taim dispela ol lain i

bungim sampela hevi, bai ol i
ken bekim dispela kain mak
bilong mani.

Tru long taim blong hevi, bai
ol wanlain bilong yumi i save
kam na helpim mipela. Tasol i
gat sampela lain ol i no wan-
lain blong mipela, tasol ol i
save laikim mipela. Na ol tu i
save kam na givim sampela
helpim long mipela.

Long dispela pasin em yumi
save skruim namba bilong ol
pren bilong mipela. Na sam-
pela taim ol birua lain bilong
yumi long ples i save kamap
pren gen bilong mipela.

Kain pasin bilong helpim
narapela i no nupela samting.
Dispela gutpela pasin i stap
long tumbuna bilong mipela na
i kam long taim bilong mipela.
Olsem na taim mipela i mekim
dispela pasin, yumi yet i
strongim dispela pasin tum-
buna bilong mipela.

Em i tru olsem long siti, ol
manmeri i save putim moa
taim long ol wok bilong painim
mani na stap amamas. Bikos
laip long Mosbi siti i hangamap
long mani tasol. Tasol taim ol i
kamap long haus bilong wan-
pela wantok husat i gat hevi, ol
i save givim helpim tru.

Bikos long ples bilong
mipela, kain samting olsem i
save strongim pasin tumbuna
bilong mipela. Na wanem kain
liklik samting ol pipel husat i
stap long taur na wokim i save
strongim dispela pasin.

Ol narapela eria bilong helpim

Pasin bilong helpim i no
stap long taim bilong haus
krai tasol. Nogat. Tasol ka
bilong wanpela man i
kurungutim wanpela man, i
save gat singaut bilong baim
kompensesen mani long stre-
tim dispela hevi.

Long kain hevi olsem, i gat
luksave long helpim ol wan-
lain, na tu long stretim sindaun
bilong ples. Em i tru olsem i
gat ol kot i stap long mekim
disisen long husat i asua.
Tasol namba wan samting tru
em pasin kastom o tumbuna
pasin i kam pastaim long stre-
tim ol hevi.

Narapela eria bilong helpim
em taim wanpela wanpisin i
painim hevi long kisim sut
marasin long ovasis kantri.
Long kain hevi olsem tu, em
pipel tu i save givim luksave
na putim sampela liklik mak-
mak o mani.

O sapos man o meri i dai na
famili bilong em i laik salim
bodi i go bek long ples, mipela
i save bungim mani long salim
dispela bodi i go bek long ples.

Bikpela helpim save kamap
tu long taim bilong baim meri.
Ol famili o wanpisin bai kam
na bungim mani na kaikai. Na
karim i go long wanpisin bilong
meri em man bai maritim.

Pasin kastom em i stap long
tingting bilong mipela, em i rut
bilong mipela, maski sapos
yumi no go long ples o yumi no
laikim sampela pasin tumbuna
bilong mipela.

Yumi bai traim long haitim.
Tasol trupela kala o pasin
bilong mipela bai kam aut yet.
Maski sapos yumi laikim o
nogat, long wanem em sam-
ting i save mekim mipela luk
narakain long ol arapela.

Ol pipel bilong mipela long
Mosbi siti i mas luksave olsem
pasin bilong helpim ol arapela
lain em i gutpela. Long wanem
yumi yet i no inap sanap long
strong bilong mipela wanwan.

Ol hap bilong graun i save
gat ol lain i stap husat i save
helpim mipela i stap. Na dis-
pela luksave i mas stap strong.
Bikos wanpela taim bai yumi i
ken go long kain ol pipel long
kisim helpim long ol.

Meri gat bel long 8-pela bebi

MANDY Allwood, wan-pela mama husat i gat 31 krismas i klostu nau long karim 8-pela pikinini bebi. Em i tok hat long dispela wik olsem em i laik karim olgeta 8-pela bebi bikos long laikim bilong em na i no long mani.

Mandy i tokaut long Britis niuspepa olsem em i gat bikpela laik tru long karim dispela olgeta 8-pela bebi, nau i wok long mekim nois long bel bilong em i stap. Em i tok em i gat strong na i redi long taim bilong karim.

Planti toktok i bin kamap pinis long askim em long rausim 6-pela bilong ol dispela pikinini long bel. Na em i ken karim tupela tasol. Mis Mandy i tok strong olsem taim i sot pinis long mekim dispela. Dispela em bikos pikinini long bel i bikpela pinis.

Ol bikpela nius kam-

pani long Briten i baim meri ya long mani olsem \$700,000 na \$2 milien long kisim dispela stori bilong em na putim long nius.

"Mi save olsem mi gat bikpela wok i stap long mekim bihain. Bikos mi mas olgeta taim was long wasim ol na senisim tawel bilong ol na tu redi long givim kaikai long ol". Taim mi save slip long bet long nait, mi save slip na harim ol bedi ya i save mekim nois, meri ya i tok.

Mi save putim han long bel bilong mi na tokim ol, no ken wari, bai yumi olgeta i go insait dispela hevi wantaim, na olgeta samting bai go orait, Mis Mandy i tok.

Nius ripot i tok planti ausait toktok i mekim na meri ya wantaim pren man bilong em Paul Hudson, husat i papa long ol dispela 8-pela bebi i no save sin-

daun gut. Bikos planti manmeri i tok tupela i lak larim olgeta 8-pela bebi i kamap wantaim bikos long mani tasol.

Mis Mandy i tok em i laik karim olgeta 8-pela pikinini bikos em wantaim Paul i laikim tupela yet moa na ol pikinini ya i bilong tupela stret. Olsem na em bai karim olgeta pikinini bihainim laikim bilong em na Paul. Tupela i pren tasol na i no marit tru yet.

"Ol bebi bilong mitupela i kamap bihainim laikim (love) bilong mitupela long narapela. Olsem na olgeta bai kamap long stap na lukim dispela ples graun", meri ya i tok. Mi no amamas long ol pren na famili lain bilong mitupela husat i mekim ol kain kain toktok nabaut long mitupela, em i tok.

Mis Mandy i tok ol toktok bilong rausim sampela bebi long bel

bilong em i no gutpela tumas. Bikos em i np klia sapos ol i laik rausim sampela na no gut arapela tu bai bungim hevi o birua long dispela.

Em i tok olsem olgeta mama husat i save gat bel, em i save pilim skin les, sotwin liklik, sik liklik na het pen. Tasol dokta i tok olgeta skin bilong mi i stap orait tasol, olsem na mi save amamas tru.

I gat bel wantaim 8-pela bebi em nupela na bikpela samting long mi, em i tok.

Mis Mandy i rabisim ol toktok olsem ol manmeri i tok em i laik karim olgeta dispela 8-pela pikinini long holim bek Paul long em yet. Paul i gat narapela pren meri we em i gat tupela pikinini man long em. Mis Mandy i tok Paul em fri man. Na sapos em i laik i go long narapela pren meri bilong em, Maria



• (lephan) Mandy Allwood i holim bikpela susa bilong em na tupela i sanap. Bikpela susa bilong em i karim pikinini man bilong em. Mandy i gat bel long 8-pela pikinini olgeta.

Edward em laik bilong em tasol, Mis Mandy i tok.


Ripot bilong planti

dokta i tok i luk olsem olgeta 8-pela bebi ya bai i no inap stap laip.

Mis Mandy tu i gat

wanpela bikpela pikinini boi husat i gat 5-pela krismas long olpela marit bilong em.

gap



Bridge the **gap** between
buyer and seller

by Advertising in...

THE SATURDAY
Independent

WANTOK

PNG BUSINESS

CALL OUR ADVERTISING SALES TEAM

Telephone: **325 2500**



■ Kanage i stap long Mosbi na teliponim wanpela meri Sepik. Dispela meri, Kanage i bin askim em long pilpilai long em na em i tokim Kanage olsem em i save les long pilpilai, em i save laikim long sek-sekim tasol.

Kanage i rinim meri ya na tupela i mekimsave long tromoi Tok Pisin i go i kam na stori i stap. Tupela stori i go na meri ya i kus liklik na Kanage i askim em: I nogat marasin long Wewak haus sik?

Sepik meri ya harim olsem na tokim Kanage: Mi traim olgeta marasin bilong haus sik i go na i no inap tru ya.

Kanage i harim meri ya i tok olsem na em i mekim wanpela hap tok. Na meri ya i ting olsem Kanage i tok long givim em sampela kus marasin. Olsem na meri ya i tokim Kanage: Mi bai amamas tru long helpim bilong yu.

Taim Kanage i harim Sepik meri ya i tok olsem, Kanage i lap nogut tru. Na meri ya i askim Kanage: Yu lap long wanem samting?

Kanage go het yet long lap na tokim em: Tok Pisin i save paulim na kotim man tu ya.

Father Kanage
MOSBI

□ Wanpela apinun Kanage i wokabautim Junia, husat i gat 4-pela krismas, i go long rot na tupela i bungim wanpela pater i wokabaut i kam.

Kanage wantaim Junia i wokabaut i go na pater ya i kam kamap long tupela na Kanage i tok "halo pater" long pater ya.

Junia Kanage tu i tromoi halo bilong em. Tasol em i no tok "halo pater." Em i tok olsem "halo Peter God."

Kanage wantaim Junia bilong em i wokabaut i go liklik na Kanage i askim Junia: Junia, watpo na yu tok "halo Peter God" long pater?

Junia smail long papa bilong em na tokim em: Na paps yu no save ah, em nem bilong em ya.

Samting tru i olsem Junia i ting olsem nem bilong pater ya em Peter God. Bikos olgeta taim ol i save go long lotu na taim lotu i pinis, Junia i save harim ol kongrigesen i tok olsem "Thanks be to God" na em i save ting olsem ol i save tok "Thanks Peter God" long pater. Olsem na em i save ting olsem nem bilong pater em Peter God.

Brother Paul
GOROKA

■ Kanage em i wanpela gred 10 sumatin bilong wanpela hai skul long Lae siti. Olgeta painun taim skul i pinis, Kanage i save go eksasais long bodi bilding senta.

Kanage mekim dispela wok i go na em i kamap wanpela masol stret. Na em i stap insait long skwat bilong Lae long ol bodi bilding tonamen.

Taim tisa i save givim tes long skul, Kanage oltaim i save kam las. Mekim i go na klostu krismas bihain long gred 10 eksam na tisa i givim risal long sumatin na painim aut olsem Kanage i kam las gen. Tisa i belhat na tokim Kanage olsem: You are too good in building your body but your are not good enough in building up your brain. Your body looks tough but your brain is too weak.

Taim tisa i tokim em olsem, Kanage i sem pipia na stret na lusim skul na go olgeta.

Toughest Kanage
MOSBI

┘ Kanage i gat 24 krismas na em i joinim ami na stap long trening long Goldie Bareks long Mosbi.

Wanpela Sarere em i go raun long Boroko na bungim wanpela poroman bilong em husat i wanpela eks soldia boi. Tupela stori i go na poroman i tokim Kanage long tripela kwesten na ansa we em i mas bekim long taim trening i pinis na em wantaim wanlain bilong emi sanap long lain long greduesen seremoni.

Poroman i askim "how old are you?" na Kanage i tok "24 years old." Poroman i askim "how long have you been training?" na Kanage i bekim "6 months." Poroman i askim "do you like European or PNG food?" na Kanage i tok "both of them."

Pinis bilong 6-pela mun trening na Kanage i redi long pas aut. Em i sanap long pereid fil na inspekta bilong ami i go askim em. Tasol inspekta i stat long seken kwesten.

Inspekta: How long have you been training?
Kanage i paul na givim namba wan ansa: 24 years sir.

Inspekta: How old are you?
Kanage: 6 solid months.

Inspekta harim olsem na em i belhat na askim Kanage: Are you trying to play up with me or the defence force?

Kanage singaut wantaim na bekim: Both sir.
Inspekta belhat nogut tru na odaim militari polis long mekimsave long Kanage.

Soldia Kanage
MOSBI

Bilong wanem na man i bos

LONG bipo, bipo tru wanpela lapun meri wantaim 5-pela pikinini man bilong em i stap long wanpela ples ol i kolim Nebira.

Long wanpela de, ol pikinini ya i tokim mama bilong ol olsem: Mama yu go na kisim sampela Nonu i kam. Mipela olgeta bai i go long bus na painim abus.

Dispela kaikai ol i kolim "Nonu" em i wanpela gutpela prut bilong kukim na kaikai.

Long moning nau lapun meri ya i go long bus long kisim ol dispela prut ol i kolim Nonu. Na ol pikinini bilong em i go na painim abus. Lapun meri ya i wokabaut i go na lukim wanpela Nonu diwai i sanap i stap. Em i go klostu na lukluk tasol i nogat Nonu i pundaun long graun. Olsem na em i sindaun na mekim singsing bilong Nonu.

Lapun meri ya i singsing olsem: "Nonu Rua Nonu Toi, Taura rua Taura Toi, Nou O Moru Moru O."

Long taim em i mekim dispela singsing, planti Nonu i pundaun i kam daun long graun. Em i lukim na em i amamas nogut tru.

Lapun meri ya kirap na bungim olgeta Nonu na karim i go long ples. Long taim em i go kamap long ples, ol pikinini bilong em tu i go kamap. Tasol long dispela taim, ol i nogat paia olsem na ol i putim olgeta Nonu na mit bilong sikau long san. Taim ol Nonu na sikau i tan pinis long san, ol i sindaun na kaikai wantaim mama bilong ol.

Long olgeta de, ol i mekim olsem tasol na i stap. Tasol long wanpela de nau, ol pikinini i askim mama bilong ol: "Mama i gat sampela Nonu i stap yet o nogat?"

Mama i bekim na tok: "Sori ol pikinini, Nonu i pinis olgeta."

Nau ol pikinini i kirap na tokim mama olsem: "Mama, i gat sampela Sana (taro) i gro arere long wara. Bai yu go na kisim ol."

Dispela nem "Sana" i min olsem taro long tok ples Koitabu.

Long moning nau mama i go long wara long kamautim taro. Na ol pikinini bilong em i go long bus na painim abus. Lapun meri



ya i kamautim planti taro na karim i go long ples. Ol pikinini bilong em tu i kilim planti sikau tru. Ol i putim long san na taim ol taro na sikau i tan pinis, ol i kaikai.

Ol i mekim olsem tasol long olgeta de.

Tasol long wanpela moning nau, ol pikinini i askim mama olsem: "Mama, i gat sampela taro i stap yet o nogat?" Mama i bekim na tok: "Sori ol pikinini, i gat wanpela taro tasol i stap."

Nau ol pikinini i tok long mama: "Mama, yu go na kamautim dispela tasol. Mipela bai i go na painim abus." Olsem na long moning nau mama i lusim ol na i go long wara long kamautim dispela taro.

Long taim lapun meri laik kamautim dispela taro, graun i bruk na em i pundaun i go long wara. Em i traim long swim tasol i no inap. Long wanem, wara i ron strong tumas. Olsem na wara i karim em i go olgeta.

Lapun meri ya i drip long wara i go na em i kamap long wanpela ples. Tasol ol i mekim wankain pasin tasol. Ol i no helpim em, olsem na wara i karim em i go yet. Em i drip i go i go na kamap long wanpela ples i stap daunbilo tru. Em i apim het na lukim 5-pela yangplea meri i sanap arere long wara i stap.

Nau lapun meri ya i singaut: "Hei ol pikinini, helpim mi." Ol meri ya i kirap nogut tru long taim lapun meri i singaut. Taim namba 5 susa i lukim lapun meri, em i kirap na tromoi stik i go long wara. Nau lapun meri i kirap na holim hap stik orait namba 5 susa i stat long pulim



em i kam klostu long arere bilong wara.

Em nau ol yangpela meri ya i kisim em i go long ples bilong ol. Ol i wasim em gut tru na givim kaikai long em. Na bihain nau ol i mekim bikpela paia na lapun meri ya i go sindaun klostu long paia i stap.

Lapun meri i kirap tokim 5-pela meri ya olsem: "Mi gat 5-pela pikinini man. Yupela i lukluk long wara, liklik taim bai ol i kam long painim mi." Taim ol meri ya i harim dispela tok, ol i amamas nogut tru.

Ol pikinini man bilong lapun meri ya i wari nogut tru. Long wanem ol i no painim em. Olsem na ol i kirap na bilas na bihain nau ol i pasim ol diwai wantaim olsem kanu na ol i pul i go daun long wara.

Ol i pul i go na kamap long namba wan ples. Long taim ol i lukim 5-pela meri, ol i singaut: "Mama bilong mipela i stap, ol nogat?" Namba 5susa i bekim na tok: "Mi bin laik helpim mama bilong yupela tasol 4-pela susa bilong mi i no laik. Olsem na wara i karim em i go daunbilo long narapela ples."

Ol i pul i go na kamap long planti ples tasol ol pipel i tok: "Nogat, mipela i no lukim mama bilong yupela." Olsem na ol i pul yet i go na ol i kamap long ples mama bilong ol i stap long em.

Ol i lukim 5-pela meri na ol i singatu: "Hei, mama bilong

mipela i stap o rogat?" Na ol meri i hariap na tok: "Yes, mama bilong yupela i stap." Taim ol meri i lukim ol pikinini man bilong lapun meri, ol i aigris nogut tru.

Taim ol man ya i lukim mama bilong ol, ol i krai nogut tru. Namel long dispela 5-pela brata, namba wan brata i luks-mat moa. Olsem na mama i kirap na tokim namba wan pikinini man olsem: "Pikinini, yu bai maritim namba 5 susa. Long wanem, em i helpim mi na pulim mi na mi kamaut long wara."

Olsem na namba wan brata i maritim namba 5 susa. Ol 4-pela arapela susa bilong meri ya i wari nogut tru. Tasol bihain nau 4-pela brata ya i kirap na maritim arapela 4-pela susa.

Ol i stap long dispela ples olsem wan mun samting. Tasol lapun meri i no amamas tumas. Olsem na long nait nau em i kirap na daunim olgeta pikinini bilong em wantaim ol meri bilong ol i go insait long bel bilong em. Long taim em i daunim ol pinis, em i kirap na wok-abaut long nait yet.

Taim lapun meri ya i kamap long asples bilong ol Nebira, em i kirap na trautilim ol pikinini na meri bilong ol i kam ausait long maus bilong em. Long moning nau, ol meri i kirap nogut tru long harim nais bilong Toaro.

"Toaro" em i wanpela kain samting ol pipel i save yusim long mekim-singsing. Ol meri ya i harim nais bilong Taru na ol i wari nogut tru. Ol i

stap long dispela ples na kamapim planti pipel. Olsem nau mipela i save kolim dispela wanpisin bilong mipela long ples olsem "larohaga". Planti pipel bilong larogaha wanpisin nau i stap long Korobosea viles insait long Mosbi.

Olsem na nau mipela i save bihainim pasin bilong tumbuna bilong mipela. Sapos mipela ol man bilong larogaha Wanpisin long Papua i maritim meri bilong ol narapela ples. Mipela i no save stap long ples bilong meri. Nogat. Mipela i save baim ol meri na kisim ol go long ples bilong mipela stret. Em bikos tumbuna bilong mipela tu i bin mekim olsem bipo.

Kuruku Tabu
Korobosea/N.C.P



Dia Laiplain,

Tokorait i stap pinis olsem mi bai maritim meri long arapela provins. Papamama bilong em na bilong mi i tokorait na wanbel pinis long mitupela i mas marit.

Tasol mi wari bikos mi wanpela Kristen bilong wanpela Pentikostel sios na prenmeri bilong mi em i wanpela Kristen bilong wanpela Protesten.

Mitupela i luvim na laikim mitupela yet moa moa yet na tokorait long marit. Tasol wanem samting bai kamap long sait bilong go long lotu, Kristen bilip, mekim disisen long spesim ol pikinini na tu lukautim ol?

Mi gat tingting olsem taim mitupela i marit, em i mas joinim sios bilong mi bikos mi bai stap olsem hetman bilong famili.

PRESUMING

Dia Pren,

Yu tok tru olsem bikos yu na

Pentikostel sios man i wari long prenimeri Protesten meri

prenmeri bilong yu i bilong arapela arapela sios, yutupela bai bungim hevi sapos yutupela i marit na holimpas sios bilong yutupela. Mipela i save kisim planti pas i kam long ol yangpela pipel husat i gat wankain hevi olsem bilong yutupela-we man na meri i bilong arapela arapela sios.

I tru olsem dispela kain marit we man na meri bilong arapela arapela sios, marit laip bilong tupela bai no inap brinjim gutpela amamas. Dispela em sapos wanwan bilong tupela i gat strongpela tingting na laik long stap yet long sios bilong tupela na bihainim ol lo bilong sios. Tasol em i no hat long dispela kain marit long painim gutpela amamas na sindaun sapos i gat gutpela pasin bilong luk-save long tupela sait wantaim. Wanpela gutpela samting long mekim em long pastaim long marit i kamap, man na meri i ken sindaun na paitim toktok na stretim ol samting namel long tupela yet na kamapim tokorait.

Mipela i laikim olsem yu wan-

taim prenmeri bilong yu i mas toktok na stretim ol samting namel long yutupela yet pastaim long yutupela i ken marit. Yutupela i mas kisim tingting bilong famili bilong yutupela wantaim. Yutupela i mas toktok tu long wanem rot o we yutupela bai stretim ol hevi sapos i gat ol hevi i kamap long bihain.

Mipela i tingting long toktok bilong yu we yu tok olsem sapos yutupela i marit, meri bilong yu i mas lusim lotu bilong em na joinim lotu bilong yu bikos yu bai stap olsem hetman bilong famili. Dispela kain pasin i ken kamapim moa hevi insait long marit laip bilong yutupela. Long stap hetman bilong famili i no min olsem yu bai mekim olgeta disisen na i no kisim tingting bilong meri bilong yu.

Mipela i laikim olsem yu mas painim aut long ol plen bilong God long yutupela. Bikos ol plen bilong God i moa gutpela long plen bilong wanpela man. Long mekim dispela, yu wantaim meri bilong yu i mas beten wantaim long dispela samting. Namba

wan samting i olsem yutupela i mas paitim toktok long hevi bilong yutupela. Ritim Efesian Saptu 3, ves 21-23.

Dispela hevi em i wanpela bikpela hevi. Olsem na yu mas stretim gut pastaim bipo long yu ken go het na maritim prenmeri bilong yu.

Wanpela gutpela samting long mekim em long brukim prensip bilong yu wantaim em na painim arapela patna. Tasol long go het wantaim plen bilong yutupela long marit, yu na prenmeri bilong yu na ol famili bilong yutupela i mas redi long mekim sampela samting o disisen we i gutpela long kamapim amamas long marit laip bilong yutupela bihain.

Mipela i beten olsem wantaim helpim na save bilong God, yu wantaim prenmeri bilong yu na ol famili bilong yutupela na ol pasto bai painim wanpela gutpela rot long stretim hevi bilong yutupela. Na yutupela i ken go het na marit.

Laiplain

Makim nupela na gutpela lida bilong Maprik

Dia Edita,
Mi wanpela manki Maprik tasol nau mi stap long Wes Nu Briten provins.

Mi laik autim komplem bilong mi i go long ol pipel bilong Maprik olsem. Nau klostu bai nesenel ileksen bai kamap. Yupela mas lukluk gut na luksave nau wanem samting i kamap long Maprik bikos Maprik taun i kamap bus na kolta wok long bruk bruk.

Na yupela mas lukluk gut na votim gutpela man long bikpela skul olsem Yunivesiti na tisa.

Olpela memba i no mekim gutpela wok tumas long developim Maprik na ples bilong yumi.

Na mi no harim olsem memba bilong Maprik i brukim NDF moni na helpim ol pipel bilong Maprik. Mi save ritim Wantok Niuspepa ol memba bilong Morobe, Madang, ol save brukim dispela moni i go long yut o sampela developmen. Mi laik tokim yupela ol pipel bilong Maprik.

Nau em klostu long nesenel ileksen long 1997. Lukluk gut na vot. Mi laikim yumi mas votim gutpela na nupela lida bilong

karim hevi bilong yumi. Man i gat gutpela save long mekim wok. Bikos Maprik i no kamap gutpela na i no gat gutpela gavman sevis i stap long dispela hap.

Lukluk gut na votim man bikos yumi i no inap sindaun tasol na lukluk long samting i no nogut long ai bilong yumi. Yumi mas mekim eksen long bringim gutpela na nupela senis long Maprik long helpim sindaun bilong yumi.

Em tasol komplem bilong mi na husat i laik sapatim mi rait tasol.

**Rency N.T. Mangu
Kimbe**

Kampani i no baim gut wokman



Dia Edita,

Mi wanpela boi Mendi tasol new mi stap long Kudjip tea plentesin tasol dispela kampani pasim tumas long moni na ol manmeri hat wok nating tru. Ol save kisim K20, K25 na K30 long fotnait na dispela kain moni inap tru long ol lebas bilong haus boi.

Dispela WR Carpenters kampani i no tingim ol pipol, ol hat wok nating tru na wokim bikpela moni bilong kampani tru. Plis gavman mas sekim gut dispela WRC Kampani. Memba bilong Saut Waghi mas sekim gut long dispela plantasin.

Mipela ol man na mipela i mas baim kaikai bilong mipela na ol famili bilong mipela tu. Mipela i mas baim ol bilas na ol samting bilong haus o helpim arapela famili memba long bungim mani samting long hevi o baim skul fi na arapela moa.

Mi ting dispela kampani i mas skelim gut dispela pasin em i mekim long i wokman na kamapim gutpela senis gen long en. Em tasol bikpela bel wari bilong mi na mi laikim bai gavman na ol lida bilong Saut Waghi i lukluk tu long dispela.

**SOS Naik
Mendi**

Daunim prais bilong ol kaikai

Dia Edita,

Mi laik komplem long prais bilong kaikai na bilas samting, i save go antap moa gavman i mas tingting long ol trangu pipel long ples na daunim prais bilong ol samting i mas go daun bek.

Trangu ol lain long ples i no save wok bai ol i ken baim samting long bikpela moni. Olsem orait apim pei o potnait moni bilong ol wokman i mas go antap tu K100 tasol i no inap wantaim ol maritman long fidim femili

bilong em papamama, tambu, susa o husat ol famili memba.

Na ol singel man tu ol mas kisim bikpela moni em bai orait. Olsem orait ol bikman na politisen lida yupela mas tingting gut na opim prais bilong samting. Yupela mas apim prais bilong bilas o radio na ol masin na ol samting save i stap longpela taim, ol kaikai en save pinis long wan minit. Wan de olsem na yupela mas yusim het bilong yupela na daunim prais bilong

kaikai i go daun bek na apim prais bilong siot, trausis, su, redio, oil samting bai i stap longpela taim long man.

Sampela bilong kaikai em maski long apim prais. Bikos em ol manmeri bai kisim na stap laip long en na mekim wok bilong pulim moa mani bilong gavman gen.

Em tasol komplem bilong husat laik bekim laik tasol.

**Patrick T. Gambia
Is Sepik provins**

Hailans bagarapim gutpela taun bilong ol nambis

Dia Edita,

Mi wanpela manki bilong lalibu SHP.

Mi sapatim dispela tok bilong brata Goung Hulin yu bin kamap long Wantok Niuspepa long Februari 29, 1996.

Brata em i tru mipela ol hailans i save kam long nambis na mipela save moa yet na daunim ol asples em i no gutpela tumas long ol bikman na save man bilong yumi long hailans yumi save bagarapim nem bilong ol bikman long hailans.

Olsem na mi tok mi manki bilong lalibu SHP tasol mi no wanpela long ol hailans kam so op o apim skin long siti na taun bilong ol nambis.

Sapos yu ken lukluk gut tru, planti bikhet pasin na ol trabel olsem pait, stil, brukim samting, pulim samting bilong arapela man, brukim lo na oda em hap wok tru bilong yumi ol hailans. Yumi save go stap nating long taun na kamapim ol dispela kain hevi na bagarapim gutpela ples bilong ol nambis manmeri.

Yupela i mas tingting bikos yupela em ol man i karim yupela na i no ol pik na dok. Sapos yu pilim olsem laip long taun i go hat long yu, isi tasol kalap long balus o sip o pmv na go bek long ples bilong yu. Bikos nogut yu stap nating na gutpela tingting bilong yu i paul na yu wokim trabel.

Em tasol na tenkyu tru brata mi sapat long yu Goung Hulin.

Na mi stap yet long 8 Mail Mosbi.

**Lazarus Raiea
SHP**

Sepik yet i no lukautim taun bilong em

Dia Edita,

Mi laik komplem long pasin we ol man na meri long Sepik save mekim mi lukim long ai bilong mi i no gutpela tumas.

Mi bin sanap long Kreer maket long belo taim na wanpela yangpela mama i no lapun o liklik meri em wok long tromoi pipia na sapim skin mango insait long maket na sekyuriti wok long sanap na lukluk long em.

Na mi tokim em siki em wok bilong yu long tokim em tasol sekyuriti em pretim meri em.

Siki save laik long toktok long lapun tasol ol save pretim ol yangpela man na meri. Plis stopim kain pasin na klinim taun bilong yumi Sepik stap gut. Sepik yet i rausim waitman, na Sepik yet i kisim independens yusim het bilong yupela plis noken tromoi pipia nabaut. Putim stret long pipia bin. Hau na yupela save klinim taun bilong narapela man, Madang, Lae, arapela provins yu go bai lukim Sepik-katim gras, klinim taun.

Sepik bai sanap sekyuriti na yu tromoi pipia bai em i holim yu. Tasol long Sepik provins yet hau na yupela ol sekyuriti save pret long holim ol man yu man save pret maski long giaman wok long moni tasol yu mas mekim samting na mekim wok bilong yu. Yupela ol Sepik yupela nogat graun na painim i go long narapela provins na kirapim taun bilong ol maski yu noken tok yu Sepik yupela arere Sepik go salim skin na kisim moni.

Em tasol komplem bilong mi. Husat i laik bekim em laik tasol.

**Patrick T. Gambia
Wewak**

Makim nupela memba bilong Pomio

Dia Edita,

Yes, wari bilong mi em long sait bilong miemba bilong mipela Alois Koki.

Planti yia em i sanap na i nogat wanpela wok developmen i kam insait long Mamosi 1 na Mamosi 2. Olsem wanem tru na mipela ol pipol bilong Mamosi nau i stap olsem ol wel enimal bilong bus yet. Arapela provins igat gutpela developmen i kamap tasol mipela long Pomio i nogat tru.

Bikos nau olgeta manmeri bilong Mamosi nau pulumapim Wes Nu Briten long painim mani.

Na plis brata na susa, papa na mama bikpela toksave bilong mi i go long yupela ol pipel long Mamosi olsem yupela mas lukluk gut long 1997 na sanapim wanpela gutpela maus man bilong yumi. Maski long harim tok gris bilong Alois Koki moa.

Nogut yumi stap yet long wankain hevi yumi i stap pinis long en. Em tasol na husat brata i laik egensim o sapatim mi gat bikpela amamas tasol long lukim.

**Philip Kavagale
Silali Ples
Oil Palm provins**

Yangoru-Saussia sia i no bilong Jaminen tasol

Dia Edita,

Mi laik stretim sampela tingting bilong Barry Turami. Long Wantok Niuspepa bilong March 21, 1996 yu bin rait olsem: "Yangoru pipel laikim olpela memba yet." Mista Turami yu ting wanem, dispela sia bilong Yangoru-Saussia Open Ilektolet i bilong tupela tumbuna bilong yu wantaim John Jaminen o em pablik sia? Sori tumas sia ya em i no royal throne bilong wanpela man tasol.

Dispela em pablik opis na husat trupela sitisen bilong Yangoru/PNG i laik resisim em laik na fridom bilong em, na em Konstitusenel rait bilong husat intending candidate. Olsem na mi laik tokim yu, dispela pas bilong yu i nogat gutpela na stretpela tingting long en.

Yu bin tok Yangoru pipel em i no tru. Yu save olsem i gat Is na Wes Yangoru o nogat? Ol saveman bilong taun na siti i wok long kam long ples na toktok long ol bai sanap long ileksen long 1997 i kamap long yupela long Wes Yangoru na i no long Is, olsem na maski long tok Yangoru olgeta.

Mi laik askim: "Yusim save bilong yupela long wok moni bilong yupela na i no ken sikirap long sanap long ileksen. Bikos mipela bai makim

John Jaminen yet." Brata yu stap long olpela tingting yet, olsem brata ating yu wok long belhat nating na mi no save, yu save slip gut long nait o nogat?

Yu wantaim memba i hambak bikos PNG i no develop gut yet na tu i nogat pablik opinion poll long kantri bilong yumi. Sapos kain standed na politiks bilong Australia na ol narapela kantri olsem, Jaminen em long taim yet em i mas aut. Sampela pasin bilong em inap rausim em pinis. Aste tasol em i givim wanpela yia i go long Yangoru polis, dispela i no wanpela mirakel. Ol narapela lida tu inap long mekim olsem.

Klostu olgeta pipel bilong Is Yangoru i no save long Jaminen, na mipela i no inap votim em. Sapos em i wokim wanem kain wei na em i win olsem long 1992 nesenel ileksen em wari bilong em. Tasol em mas save olsem em pilaim politiks "aninit long san." Mipela ol narapela votas bai makim wanem kandidat long laik bilong mipela, olsem mipela i no nidim yu (Turami) long kempen long mipela long husat man.

**M. Hwalikduo
Port Moresby**

Yunifom bilong woda i pulim ai

Dia Edita,

Mi laik bekim pas bilong brata Eakali Kiso i bin tok long yunifom bilong ol woda i sain narakain na pulim ai bilong ol manmeri.

Mi laik tok olsem dispela i trupela toktok bikos mipela ol woda manmeri i no sain tasol yunifom tu i gat kik na sain moa moa yet olsem wel bilong ol stoa.

Mi i gat bikpela amamas long Eakali Kiso long sapatim yunifom bilong mipela i sain na pulim ai bilong manmeri long pablik na tu mipela mekim hatpela na bikpela wok mipela wokim long kantri.

Mi laik askim ol manmeri long pablik na sapatim naispela yunifom bilong mipela ol woda na mekim gutpela wok long kantri.

Em tasol na husat i laik sapat o againsim em laik tasol.

**Woda
Bop Mex
Boman
Haus
Kalabus**



Henganofi Open memba i no helpim tumas

Dia Edita,

Mi mangi Fayantina tasol nao mi stap harim long Mosbi siti long 2mail hil. Mi laik tromoi dispela hap tok long minista John Giheno, Henganofi memba.

15 yia yu stap long palamen tasol yu no save kisim sevis i go long Fayantina constituensi. Husat tok na yu go long palamen na stap olsem memba.

Tu yet yu win na go o ol pipol long kominiti votim yu na yu go. Rot bilong Fayantina i bagarap na nogut olgeta. Olsem wanem, bai yut tingim ol long wokim wok long ilektoret bilong ol long moni gavman givim yu long kisim developmen i go insait. Yu no bin wokim wanpela wok taim yu go long haus palamen.

Inap yu kam aut na tok save long ol pipol long Henganofi na Fayantina ol nogat.

Ating, Viviso, Seravo em rait man tasol em lus long bai ileksen. Husat brata ol susa laik sapotim o go agensim em laik tasol.

Ave Asi

Mosbi Siti

Ovasis lain mas bihainim lo bilong Papua Niugini

Dia Edita,

Mi laik autim bel wari o komplem bilong mi i go long ol man bilong narapela kantri husat i kam stap long PNG olsem ol Esia na sampela waitman tu.

Ol Kong Kong o Saina ol i kam long kantri bilong yumi PNG na wokim bisnis bilong ol.

Taim ol ronim bisnis bilong ol, ol i no gat malolo bilong ol, ol wok yet i go i go long wiken i go wiken o long Sarere na Sande.

Long lukluk bilong mi dispela pasin em i no moa gutpela, long wanem kantri bilong yumi PNG i gat dispela nem kristen

kantri, na yumi mas soim o rispektim dispela nem kristen kantri.

Yumi mas save olsem olgeta samting yumi i gat ol holim long dispela graun em ol gift o presen God i givim yumi long lukautim na yusim.

Olsem na insait long ol wiken yumi i gat wok long tok tenkyu na givim glori na ona long husat em i wokim olgeta dispela samting. "Em God i gat olgeta strong."

Mi save olsem ol dispela man bilong narapela kantri ol i no bihainim wanem pasin ol lo

bilong kantri bilong yumi Papua Niugini.

Tru, ol i ken i kam wantaim pasin bilong wokim bisnis tasol i mas bihainim wanem pasin o lo i stap long kantri bilong yumi PNG.

Em tasol bel wari o komplem bilong mi.

Yu, husait brata Susa yu laik sapotim na

egensim em laik bilong yu tasol. Mi bai wetim sapot na egensim.

Lucas Yaruwalei

Mosbi

Memba noken hait long kapa haus

Dia Edita,

Mi laik autim komplem bilong mi long pasin we gavman memba wok long hatim ol yet long mipela ol pipel bilong dispela kantri.

Mipela planti pipel bilong Papua Niugini paul nabaut. Bikos mipela i no save gut o klia long wanem samting i wok long kamap.

Sampela manmeri i kam long ples na i laik lukim memba bilong ol tasol, sekuriti rausim ol taim ol i laik i go long opis o haus bilong memba na lukim em.

Tasol bikpela banis kapa i stap long haus bilong memba. Ol i save gat bikpela wari na kros long memba na i go bek long ples. Orait Papa mama yupela makim man i stap amamas na helpim ol pipel.

Yu no ken makim man i go hait insait long bikpela haus banis. Mi laik tingting bilong tupela brata em gutpela tru long pipel bilong Papua Niugini.

Haus no gat banis em op i stap long lukim dispela brata na mi no ken putim nem bilong tupela brata long pepa.

Em tasol liklik wari bilong mi na husat i laik bekim em laik tasol.

Ben Kenori
Mosbi NCD

No laikim komplem tumas long ol lida

Dia Edita,

Mi wanpela pikinini bilong Papua Niugini na mi laik egensim ol Papua Niugini manmeri husat oltaim save komplem tumas long ol lida long nesanel na provin-sal gavman i save kamap ol taim long Wantok na bagarapim nem na lidasip bilong ol.

Mi komplem olsem, watpo na yumi makim ol lida long senisim ples bilong yumi na kam long haus bung long toktok long gavman salim samting i kam long helpim eria bilong yumi. Tasol no gat, yumi kirap na barapim, laik bilong yumi gen. Em i no stret. Bikos yumi save bagarapim lida we yumi yet makim ol. Mi wanpela strit mangi long Agau Draiv Boroko tasol mi no laik long komplem tumas long ol lida bilong yumi long kantri.

Husat laik sapotim mi o engensim mi em laik bilong yu tasol.

Nalis Kawa
Mosbi

Yupela ol memba i mas yusim het

Dia Edita,

Mi wanpela manki bilong Okapa distrik long Isten Hailens provins laik autim wari bilong mi long ol memba bilong yumi na bilong kantri bilong yumi PNG. Mi i save lukim ol memba, ol save olsem, taim ol winim ileksen na kisim posisen long palamen pinis ol i save tok o askim ol yet olsem, mi "husat?"

Dispela askim ol memba yet i kamapim i save spoilim ol distrik, pipel na olgeta bilong Papua Niugini inap gut dispela kantri Papua Niugini. Na mipela ol pipol we i givim ol vot long kisim dispela bikpela posisen bilong ol i save dai o safe bilong wanem ol i no save kisim gutpela senis olsem ol aid post na wokim gut rot bilong painim gut bikpela ol haus sik bilong taun na kisim ol marasin we i gutpela long yumi long pisinim sik o hevi bilong yumi. Dispela em i no gutpela pasin we ol i save mekim long yumi ol pipel bilong dispela kantri stret. Ol i mekim olsem yumi pipel bilong narapela kantri.

Mi larim dispela askim wantaim yupela ol paplik manmeri.

Em tasol na husat man o meri i laik ageinsim mi ol sapotim mi welkam na rait i go long wantok Niuspepa.

Dannya JR MSL
PNG MPS

Nesanel Pak mas kamap long Finsafen na Kabwum

Dia Edita,

Mi laik autim tingting bilong mi i go long tupela memba ya Yaip Awini Finschhafen MP na Ginson G. Saonu Kabwum MP.

Inap yutupela memba i givim sampela moni bilong kamapim nesanel pak antap long ol maunten bilong Kromwel Bangeta na Saruwaget. Na tu Fandim Sampela moni tu bilong wokim ol Turis Senta long nambis bilong Finsafen Sialum na Wasu. Na givim tu mani bilong wokim rot stat long ol nambis i go antap raunim ol maunten bilong Kromwel Bangeta na Saruwaget.

Yutupela memba i mas save olsem Finsafen Sialum na Kabwum em ol les develop eria. Na tu ol dispela hap eria bilong yumi nogat ol timba wel palm, Raba, Gold, Kopa, na oil. Na tu i nogat ol kampni we yumi inap wok long ol na kisim liklik toea bilong lukautim sindaun bilong yumi ol ples lain. Olsem na planti ol yangpela i lusim ples na i raun painim wok long ol taun na plantesen insait long Papua Niugini.

Tasol yumi gat maunten na bus bilong yumi i pulap tru long kainkain naispela samting olsem, raun wara na wara i raun antap long ol maunten wara i kalap long ol maunten kainkain ol naispela wail flawa kainkain kala bilong ol planti pisin, i gat ol kain bataflai i gat naispela kala na kainkain eni-mol na binatang inap pulim ai bilong planti turis long wol.

Bihain long idependen 21 yia i go pinis i no gat wanpela ol foma open memba bilong tupela distrik finschhafen na kabwum ol i bin opim ai na luk save long dispela kain tingtring na yusim risos bilong kamapim nesanel pak na turis senta. Dispela i ken kamapim moa wok na holim ol yangpela i stap bek long ples na kirapim dispela ol wok kamap insait long eria bilong finsafen na Kabwum we yumi bai lukim tru mining bilong developmen na sevis.

Husat ilektet memba long 1997 nesanel ileksen long Finsafen na kabwum mas traime givim moni bilong dispela projek.

Em tasol na husat brata long Finsafen o Kabwum i laik sapotim o egensim rait tasol i go long wantok nius bai mi lukim.

Steven B Iyo
Kabwum Distrik
Morobe Provins

TOKSAVE:

Sapos yu laik salim ol pas bilong yu salim i kam long dispela adres:
Edita Wantok niuspepa P O Box
1982, Boroko, National Capital
District

Toilet em bikpela hevi long Wewak taun

Dia Edita,

Mi laik sapotim pas bilong brata Stanley Kumu ya i toktok long paplik toilet insait long Wewak.

Taun tru mi yet i lukim bikpela bagarap tru, maket ples bilong salim kaikai i stap klostu long bus we ol pipel i save go rausim o rabis long bus, na sampela taim lang i bihainim ol i kam insait long maket ples, na

sindaun antap long ol kaikai bilong maket.

Olsem na plis tru taun atoriti kansol lukluk na wokim planti paplik toilet.

Husat i laik sapotim moa yet laik tasol na yu wekam.

Sineye T Motz
Wewak. ESP.

Pik poket insait long Wewak taun

Dia Edita,

Mi laik autim komplem bilong mi, long pasin bilong ol manki long pik poket o subim han long bilum, han bek na poket bilong narapela manmeri insait long Wewak taun. Plis mi laik tok kain pasin olsem i no stret tumas.

Papamama karim ol ating nogat bisnis bilong ol long ples. Olsem ol i mekim dispela wok bilong pik poket

bai ol i gat mani bilong lukautim ol na papamama tu. Plis traime na go sindaun long ples na wokim sampela wok bisnis bai yu gat moni long poket.

Em tasol na husait i laik sapotim o egensim em laik tasol

Sineye T Motz
Wewak ESP

Yunifom bilong woda kik o bilong ol ami na polis?

Dia Edita,

Mi wanpela grasrut manki, na mi laik bekim pas bilong tupela brata, we mi bin ridim long Wantok Niuspepa bilong mun mas 7, we narapela i tok yunifom bilong woda i kik.

Na narapela brata ya Eakali Kiso i bin tok gen olsem yunifom bilong ol woda i sain moa, we mi bin ridim long niuspepa bilong las wek Fonde 21. Wanpela tok tupela i tok em yunifom bilong woda i save sain, na i save paulim ai bilong ol yangpela meri. Na yutupela i tok tu olsem i winim dispela bilong ol soldia boi na polisman. Tasol mi laik tokim yutupela olsem yutupela save was gut long ol kalabus man, o yutupela save hambak tasol long yunifom bilong woda i sain, na save lukluk long ol

yangpela meri i lukluk long yellow-pela yunifom bilong yupela woda.

Maski long daunim nating namba bilong ol soldia boi na polisman. Brata yutupela save pinis olsem ol soldia boi, i gat moa powa o stail bilong paulim ai bilong ol yangpela meri, wankain olsem ol polisman tu.

Na narapela samting ol ami na polisman i save mekim bikpela wok long kantri. Maski long daunim yunifom bilong polis na ami. Na yunifom bilong polis na ami save sain moa long olgeta hap long PNG. Maski long daunim wanpela na narapela. Olsem na yu husat brata o susa i laik egensim mi, o sapotim mi em orait tasol.

Lesley M.K
Wewak
East Sepik provins

Votim trupela lida bilong Kabwum

Dia Edita

Taim bilong nesanel ileksen i kam klostu, nau mi laik autim sampela tingting i go long ol manmeri insait long Kabwum Distrik.

Hia em sampela poin mi laik autim i sut long wanem kain lida yumi bai makim ol long 1997 Nesanel Ileksen.

Lida i mas 1. Hones o tok tru na man bilong soim rispek.

2. Man bilong daunim em yet na sindaun long ples na kirapim pinis sampela wok bilong helpim komuniti na pipel.

3. Man i no save pilai kas na dring bia na raun.

4. Man inap long opim maus na tok pait strong insait long palamen haus na bringim developmen na sevis long pipel.

5. Man i gat gutpela save long painim sampela rot long stretim ol ekonomik hevi bilong PNG.

Mipela ol Kabwum pipel i nidim dispela kain rait lida i sanap makim maus bilong mipela insait long nesanel palamen.

Yumi ol pipel bilong kabwum mas yusim gut het na noken kirap nogut na kisim gris moni bilong vot em husat ol kendidet i laik baim vot. Tingting na harim gut. Graun bilong

yumi, Risos bilong yumi na laip bilong yumi em namba wan na bikpela samting. Na noken bel sut long kisim gris moni bilong vot.

Yumi mas save olsem husat ol kendidet i strong long baim wot em ol dispela lain ol gridi long kisim pawa na biknem long kamapim gutpela sindaun bilong famili na wan lain bilong ol.

Yumi ol pipel i mas luk save long sindaun na laip bilong ol foma memba bilong kabwum bifo. Ol i wok long kamap ris na maniman tasol yumi ol turangu lain long ples i stap rabis na kamap kago boi nating bilong ol.

Yumi ol Kabwum traime opim ai lukluk na skelim gut na votim trupela rait lida bai makim kabwum pipel i go insait long nesanel palamen na tok pait hat na bringim developmen na sevis i kam long yumi grasrut lain long ples.

Em tasol na husat brata long kabwum i laik sapotim o egensim tingting bilong mi, faitim pas tasol kam long wantok nius.

Steven B Iyo
Kabwun Distrik
Morobe Provins



WANTOK PABLIK NOTIS

Sapo yu laik advertais, telepon 325 2500 na askim long

Miri Aiori Ext. 214
Jeffrey Maliou Ext. 215
Jack Mahuru Ext. 217



PABLIK NOTIS

1995 DIVIDEND

Toksave i go long olgeta seaholda bilong Invesmen Koporesen Fan bilong Papua Niugini olsem Fan i wokim K3.8 milien winmani (unaudited) long pinis bilong 1995 (Disemba 31). Fan i tokorait long dividen long 16t long wanwan sea bilong ol seaholda husat i stap long sea rejistri long Disemba 31, 1995.

Fan i wetim wok bilong stretim 1995 fainensal ripot pastaim long Fan i ken baim dividen. Dispela em long bihainim ol lo bilong Odit.

Mipela i toksori long kisim longpela taim long baim dividen tasol dispela i gutpela bilong olgeta lain husat i kam aninit long Fan. Olsem na mipela i askim long belisi na wanbel bilong yupela long givim mipela taim long stretim olgeta samting na wok pastaim.

Mipela i bilip olsem mipela bai baim 1995 dividen bipo long pinis bilong 1996.

MEAKORO OPA
Ekting Menesing Dairekta
Invesmen Koporesen bilong Papua Niugini
(Menesa bilong Fan)

**OL KAIN KAIN MAN
SAVE RITIM
WANTOK NIUSPEPA
LONG OLGETA HAP
LONG WOL.**



NA YU?

..Baim Wanpela Nau!

50t
Tasol

**PEPA BILONG
YUMI STRET..!**

MIPELA I SALIM

THE Independent



**BAIM WANPELA KOPI TETE NA LUKIM OL
NIUS BILONG PNG, WOL NA KAIN KAIN
NIUS BILONG SPOT TU.**

Pepa bilong yumi stret!

BAIM NA RITIM!

PORT MORESBY SOCCER ASSOCIATION
POINTS LADDER

As Of August 16, 1996

Team	P	W	D	L	F	A	PT
Premier Division							
Babaka	16	10	4	2	40	21	34
University	16	9	4	3	31	13	31
FBH Defence	16	7	6	3	23	19	27
Rapatona	16	7	4	5	28	17	25
Kurti-Andra	16	7	4	5	23	16	25
Blue Kumuls	16	8	1	7	24	20	25
Ela United	16	7	3	6	22	21	24
Guria	16	7	1	8	21	17	22
Momase	16	5	6	5	17	18	22
Hoods	16	6	3	7	21	32	21
PS Rutz	16	4	4	8	18	16	16
Telikom	16	3	3	12	23	35	12
GFC	16	3	1	12	22	36	10
Sunam	16	2	3	13	21	39	9
First Division							
Sobou	14	8	5	1	37	18	29
Tarangau	14	9	2	3	21	7	29
Shell Eastenders	13	8	4	1	34	18	28
Sians	13	6	6	1	27	16	24
Keweh	14	5	4	5	18	19	19
Ilimo Boomers	14	4	5	5	16	16	17
Wanzesi	14	4	4	6	12	19	16
Buresong	14	5	4	5	17	16	16
Murat	14	4	2	8	9	14	14
Nomads	14	4	2	9	10	25	14
Kuminindo	14	3	3	8	13	23	12
Kenmore	14	2	3	9	11	25	9
Second Division							
Tarangau	15	11	2	2	30	3	35
Tawala	14	10	3	1	33	17	33
City Kings	14	8	2	4	20	12	26
Ilimo Boomers	14	6	4	4	16	15	22
Bell United	15	6	1	8	14	14	19
Cyclone	14	6	-	8	20	15	18
Nomads	14	5	3	5	18	13	18
Togelu	15	6	3	6	18	15	17
Kutu	13	3	4	6	10	9	13
H. W. Haus	12	2	4	5	12	14	10
Kenmore	14	2	2	10	8	21	8
Maen	13	-	-	13	4	37	0
Premier Reserve							
Ela United	16	13	2	1	36	11	41
University	16	13	2	1	29	9	41
Momase	16	9	3	4	25	16	30
Rapatona	15	9	2	4	18	9	29
Babaka	16	6	4	6	29	21	22
Kurti-Andra	15	6	4	5	18	18	22
Blue Kumuls	13	5	5	3	18	16	20
FBH Defence	16	6	2	8	15	14	20
Sunam	14	3	6	5	14	14	12
GFC	15	2	4	9	11	18	12
Telikom	15	1	3	11	4	21	6
Guria	14	1	2	11	4	17	5
Hoods	15	-	2	13	3	33	2
Women Division One							
Telikom	13	12	-	1	46	5	36
University	13	10	3	-	40	6	33
Wanzesi	13	9	1	3	21	10	28
Nomads	13	6	2	5	14	14	20
Guria	13	5	3	5	16	13	18
FBH Defence	13	5	4	4	10	9	16
GFC	13	3	3	7	7	27	11
Sunam	13	2	2	9	11	18	9
Sobou	13	2	1	10	7	33	37
Kurti-Andra	13	1	1	11	4	35	4

Team	P	W	D	L	F	A	PT
Women Division Two							
Tarangau	15	12	-	3	27	8	36
Ilimo Boomers	15	10	2	3	36	10	35
Keweh	15	11	2	2	26	8	35
Momase	16	9	4	3	25	12	31
Tawala	15	9	2	4	28	9	29
Blue Kumuls	14	4	3	7	10	14	15
Togelu	14	4	3	7	10	16	15
Murat	15	3	5	7	11	24	14
Kutu	15	3	3	9	14	28	12
City Kings	13	2	4	7	7	22	10
PS Rutz	14	2	2	10	7	18	8
Rapatona	12	1	4	7	3	17	7
Under 19 Division							
Momase	16	11	2	2	40	9	35
Ela United	16	8	4	4	13	10	28
Kurti-Andra	14	8	2	4	12	10	26
Guria	15	8	2	5	21	16	25
Blue Kumuls	13	8	1	4	13	15	25
FBH Defence	16	7	1	8	10	15	22
Rapatona	14	6	4	4	18	17	22
GFC	16	6	4	6	12	10	22
University	16	5	4	8	13	15	19
Babaka	15	4	3	8	13	17	15
Telikom	13	4	3	6	10	14	15
PS Rutz	15	3	5	7	13	22	14
Sunam	15	1	5	9	5	16	8
Hoods	15	1	2	11	4	24	5



SUNKIST LAHI SOCCER ASSOCIATION

1996- SOCCER SEASON
WEEKEND GAMES ROUND: TWO
DATE: 24/8/96 WEEK: 22
VENUE: UNIVERSITY GROUND ONE

TIME	DIVISION	FIXTURES
10-11.00	W2	Lae Biscuit v Sikambu
11-12.00	U/19 2	Late Fanzun v Sikambu
12-13.00	P2	Asiaws v Eicom
13-15.00	D1	K/Andra v Late Fanzun
15-17.00	D1	Asosip v Gum
9-10.00	U/19 1	Dazz M/United v Sobou
10-11.00	U/19 1	Gaziga v Wullet
11-12.00	P2	Sun Striders v Sobou
12-13.00	D 1	Table Biads v Wullet
13-15.00	D 1	University v Notnas
15-17.00	D 1	Muna v Rapatona

UNIVERSITY GROUND 3

8-9.00	U/19 2	Guria	v	Late Business
8-10.00	W2	Tosin	v	Rapatona
10-11.00	W1	Gaziga	v	Defence
11-12.00	U/19 1	Gee Otton	v	K/Andra
12-13.00	W2	Sun Striders	v	Mairipo
13-15.00	P1	Mairipo	v	Rapatona
15-17.00	P1	Sikambu	v	Tosin

BYE - Premier 2 - Sikambu

SUNDAY 25/8/96 - UNIVERSITY GROUN 1

8-9.00	U/19 2	Defence	v	Tosin
8-10.00	U/19 2	Crew Stars	v	S/Striders
10-11.00	W2	K/Andra	v	Wullet
11-12.00	P2	Gaziga	v	Dazz M/United
12-13.00	P2	Guria	v	Defence
13-15.00	P1	Guria	v	Defence
15-17.00	P1	Sobou	v	S/Striders

UNIVERSITY GROUND 2

8-9.00	W1	Eicom	v	Gum
8-10.00	W1	Guria	v	Dazz/United
10-11.00	U/19 1	Gum	v	Mairipo
11-12.00	W1	Asiawe	v	Sobou
12-13.00	P1	Asiawe	v	Eicom
13-15.00	P1	Dazzie M/United	v	Gaziga
15-17.00	P1	Rapatona	v	Mairipo

UNIVERSITY GROUND 3

8-9.00	U/19 2	Asiawe	v	M/Bay United
8-10.00	U/19 1	Eicom	v	Rapatona
10-11.00	D1	Lae Biscuit	v	M/Bay United
11-12.00	D1	Gee Otton	v	Crew Stars

ROUND U/17 CHAMPIONSHIPS BOYS

SATURDAY 24/8/96 VENUE: MARKHAM ROAD COM SCH 1

8-8.45	Pool 1	Amba	v	Omili
8.45-9.30	1	M/Roard	v	Buimo Rd
9.30-10.15	1	Amba	v	Buimo Rd
10.15-11.00	1	Omili	v	Mark Rd
11-11.45	1	Amba	v	Mark Rd
11.45-12.30	1	Omili	v	Buimo Rd

SIR IGNATIUS KILAGE STADIUM

8-8.45	Pool 2	Bowali	v	St. Mary
8.45-9.30	2	St Martins	v	Ten City
9.30-10.15	2	Bowali	v	Ten City
10.15-11.00	2	St Marys	v	St. Martins
11-11.45	2	Bowali	v	St. Martins
11.45-12.30	2	St Marys	v	Ten City
3-5.00	Challenge	PNG Team	v	Lahi Squad

8-8.45	Pool 3	Tisol	v	Busu
8.45-9.30	3	Huonville	v	M/Haven
9.30-10.15	3	Tisol	v	M/Haven
10.15-11.00	3	Busu	v	Huonville
11-11.45	3	Tisol	v	Huonville
11.45-12.30	3	Busu	v	M/Haven

SIR IGNATIUS KILAGE STADIUM - SUNDAY 25/8/96

09.30-10.15	Semi final
11.45-12.30	Grand final

U/17 CHAMPIONSHIPS GIRLS
SATURDAY 24/8/96 BULAE 1

8-8.45	Pool 1	Amba	v	Omili
8.45-9.30	1	Markham Rd	v	Buimo Rd
9.30-10.15	1	Amba	v	Buimo Rd
10.15-11.00	1	Omili	v	Markham Rd
11-11.45	1	Amba	v	Markham Rd
11.45-12.30	1	Omili	v	Buimo Rd

BULAE 2

8-8.45	Pool 2	Bowali	v	St. Mary
8.45-9.30	2	St Martins	v	Ten City
9.30-10.15	2	Bowali	v	Ten City
10.15-11.00	2	St Marys	v	St. Martins
11-11.45	2	Bowali	v	St. Martins
11.45-12.30	2	St Marys	v	Ten City

TISOL 2

8-8.45	Pool 3	Tisol	v	Busu
8.45-9.30	3	Huonville	v	M/Haven
9.30-10.15	3	Tisol	v	M/Haven
10.15-11.00	3	Busu	v	Huonville
11-11.45	3	Tisol	v	Huonville
11.45-12.30	3	Busu	v	M/Haven

SUNDAY 25/8/96

08.00-08.45	Semi final
11.00-11.45	Grand final

PORT MORESBY SOCCER ASSOCIATION INC.
GAME FIXTURES

Saturday August 24, 1996.

Time	Division	Fixture
12.00	U19	Guria vs Ela United
01.30	Reserve	Guria vs Ela United
Bisini One		
08.00	U19	Momase vs PS Rutz
09.15	Reserve	Momase vs PS Rutz
10.30	D2	Kenmore vs Tarangau
11.45	W1	Wanzesi vs Defence
13.00	D1	Wanzesi vs Buresong
14.15	D1	Ilimo Boomers vs Kenmore
16.00	Premier	Defence vs Sunam
Bisini Two		
08.00	U19	Uni vs Babaka



Soka i gat planti tokpilai tu

Sikambu em nem bilong wanpela wara long Lae. Wanpela soka klap long Lae i kisim nem bihainim dispela wara. Dispela wara i stap ausait tasol long Lae siti na em i gat nem long dringim blut bilong planti man long Lae siti. Wara ya i pulap long blut bilong ol man bikos em ples bilong ol moskito stret. Man i givim nem long dispela klap ya i mas bos bilong ol moskito ya. Pondo, yu ting wanem?

Long dispela wik trening skwat bilong PNGFA i bung gen long Lae long holim namba tu trening kem bilong ol aninit long kosa bilong het kosa Richard Nagai na asisten kosa Robert Popat. Ol pilaia bilong Mosbi i lusim Mosbi long Sande moning na i go pinis long Lae na olsem wanem long Francis Moyap na Adam Lema?. Tupela mekim wanem na i no save long Mosbi skwat i go long Lae. Mi lukim tupela i no isi long kik long Sande long Bisini soka graun las wiken. Tingim trening na go na lusim Bisini gem i stap pas-taim. Yutupela yet nau, Lema na Moyap.

A. soka pilaia i kisim telefon na ringim M. soka pilaia. M. i no stap olsem na A lusim toksave. "kam hariap long Lahara Sevis stesin long dring sampela fri bia, 5.00pm sain GM (Jeneral Menesa) M kam lukim toksave na das i go long Lahara na tokim GM, mi kam pinis, where's my 6's?. GM paul na tokim M. yu mas paul ya sekim yu yet. M. go bek na tingting i go na em save long husat i trikim em. Olsem na em i apim telefon na ringim opis bilong A. A i no stap olsem na M lusim toksave. "pren bilong yu M i dai pinis, kam hariap". A kam lukim toksave na ai wara pundaun na tanim ka na tekov. A kamap long opis bilong M na lukim M i pulim smok na kaikai buai i stap. M tokim A, kam kisim hangisip na klinim ai wara bilong yu.

Kain bilong yupela ol wanples, Manus na Sepik

Kirap nogut tu, Blue Kumuls long Mosbi i painim golkipa na sanapim yangpela Gibson long las wiken gem egens Kurti Andra. Blue Kumuls i kirap nogut olsem kipa bilong ol i no kam olsem na ol mekim nating long yangpela Gibson olsem na long dispela as, Kurti Andra bomim em wantaim tupela gol stret. Abiang yu stap we?. Traim na toksave na bihain yu ken lus long laik.

Asisten seketeri bilong Mosbi Soka Asosiesen (PMSA) i stap we?. Ating PMSA i bilasim nem bilong em nating. Em i lus long stat bilong dispela yia na em lus olgeta. I mas long sevis liv gen ya. Sekim em long ples Werei.

Wanem kain rot bai Wantok inap kisim poin lata na dro bilong ol pilai i kam long Lae Futbol Asosiesen (LFA). Planti man tumas long LFA na mi paul tu long husat em rait man bilong kisim ol dispela samting. David Joseph, Igoriom Kuarion, John Peka, Eric Niwo na husat moa?.

Mi bin kalap nogut taim naispepa nek bilong meri i krai long telefon bilong seketeri long PNGFA opis long Mosbi. Ia bilong mi i save oltaim pen long harim dispela lapun nek bilong paps Don. Nau krai bilong telefon i orait nau wantaim dispela nupela nek. Mi no save long em tasol wanpela spaiman i tokim mi olsem em nupela kuskus meri bilong PNGFA. Gutwan PNGFA, paps Don i no taipis o risepsenis bilong yu. Em seketeri ya.

Presiden bilong wanpela soka klap long Mosbi em wanpela top man tru. Yu save, em i presiden, em i seketeri, em i trësera na em yet i kosa bilong tim. Man ya i mas wanpela spesel man tru i kam long wanpela hap. O ating em i mas angre long pawa ya. Mi ting kain man olsem i fit long holim wanpela bikpela ministri long palamen bikos em i gat bikpela eksperiens tru long holim planti wok na posisen. No waris pren, 1997 nesenel ileksen i klostu nau. Bisini Open o Taurama Open?. Yu yet nau.

5 wik bihain, PMSA katim klap

DISISEN bilong Mosbi Soka Asosiesen (PMSA) long skruim 5-pela wik moa long ol klap i baim fi bilong em long helpim ol klap. Presiden bilong PMSA Mark Kelep i tok.

Kelep i tok long dispela yia taim nupela eksekutiv bilong em i kam insait long lukautim PMSA, planti samting i no bin stap gut. Ol i traime long mekim planti wok long stretim ol hevi long stretim PMSA long dispela yia. Em i tok pilaia rejistresen bilong ol pilaia na arapela samting tu i hevi long PMSA na arapela samting tu i hevi we i bin stap long las yia i kam.

"Dispela yia yumi bai traime long stretim olgeta dispela hevi long mekim neks yia i mas gutpela yia we bai i no hevi long yumi (PMSA)", Kelep i tok.

Kelep i tok PMSA i no laik mekim ol samting i go hat long ol klap olsem na ol i givim dispela 5-pela wik moa long ol klap i ken painim mani bilong stretim fi bilong ol pilaia bilong ol.

Presiden i tok mipela i no inap toktok long developmen yet inap olgeta samting i stap long gutpela oda. Yumi ken lukim olsem planti klap i no stap gut long redim ol yet long ol wok na hevi ol inap bungim long pilai bilong ol. Em' wan-wan klap tasol ol i ron gut bikos ol i redim ol samting gut bilong lukautim na ronim klap bilong ol, em i tok. Planti klap i wok long mekim wankain toktok o poin tasol long hevi bilong ol long planti krismas i kam. Bikpela toktok ol i save toktok oltaim long PMSA em, planti pilaia bilong ol i no wokman. Tasol i gat planti rot bilong klap i pulim mani na



• Nama Kila bilong Babaka givim bikpela salens tru tasol Paniu Karol bilong Rapatona i stopim em taim em i laik kikim bal. Tupela dro 2-2.

helpim ol dispela kain pilaia i stap, Kelep i tok.

PMSA i givim narapela 5-pela wik long ol klap husat i no baim pilaia rejistresen bilong ol long baim dispela fi. Bihain long 5-pela wik ya i pinis, bai ol i stat long rausim ol klap ya long pilai long Bisini.

Ol dispela klap ya em Sunam, Blue Kumuls, PS Rutz, Hoods na Guria. Olgeta em ol primia klap tasol na ol i gat wimens divisien, junia divisien na primia risev. Dispela i min olsem olgeta wantaim em i kamapim 20 tim olgeta. Insait long dispela 5-pela wik, bai ol dispela klap i ken pilai na win bilong ol i ken

mapim 3 poin. Ol bai i no inap long lusim poin.

Tasol long tupela wiken gem we sampela klap ya i lusim ol poin pinis, PMSA presiden i tok ol bai i no inap long kisim bek dispela poin. Bikos dispela poin ol i lusim i bihainim olpela resolusen o toktok ol i bin pasim pinis long bipo insait long miting.

Kelep i tok ol dispela klap em ol primia klap na ol i baim tasol pilaia rejistresen bilong ol primia pilaia na ol primia risev. Ol i no tingting long baim fi bilong ol meri na junia divisien bilong ol. Tasol bikos ol i stap insait long wanpela klap, klap i mas kisim taim long i no stretim fi bilong ol

junia na wimens divisien bilong ol. Bikos olgeta i pilai olsem wanpela klap, Kelep i tok.

PMSA soka nau i go insait long raun 2 bilong gem na planti klap i wok long soim strong long winim ol pilai bilong ol. Ol klap husat i stap aninit liklik long poin lata i wok long pait hat nau long win long apim skoa bilong ol i go antap.

Kurti Andra i autim Blue Kumuls 2-0, GFC autim Guria 2-1 na PTC autim Sunam 6-1. Momase na Hoods dro 1-1, Yunivesiti dro wantaim Difens 1-1, Rapatona dro wantaim Babaka 2-2 na PS Rutz autim Ela Yunaited 4-3.

Lahi Anda 17 soka tonamen bai kukim Lae

LAHI Soka Asosiesen (LSA) long Lae bai holim bikpela anda 17 soka tonamen bilong ol skul manki long dispela wiken.

Lahi em wanpela asosiesen insait long kantri husat i wok long bungim ol skul pikinini na go pas long soka resis bilong ol.

Long dispela wiken bai olgeta skul pikinini husat i stap aninit long lukaut bilong Lahi bai kamapim dispela soka tonamen. Soka resis bai stap long Makam Rot Komyuniti na graun na tu long Sir Ignatius Kilage Stedum. Long Sande bai fainel i kamap long stedum.

Insait long ol primia soka resis bilong Lahi yet em bikpela salens tru bai kamap namel long Dazzle Morobe Yunaitet na Gaziga. Dispela bai wanpela strongpela gem bikos ol manki bilong Morobe Yunaitet bai pait strong long traime kisim skoa bilong ol long poin lata i go antap.

Tasol long winim dispela gem, em i mas putim kamap bikpela salens tru egens Gaziga bikos ol manki Makam i no save givim sans long husat strongpela tim.

Gaziga tu em wanpela strongpela tim na i gat planti gutpela eksperiens long kik insait long primia resis. Ol dispela yangpela manki Makam i gat ol split na strong bilong ron

na sapos Morobe Yunaitet i no was gut, bai ol manki Makam i teksi i go wantaim bal na bomim umben bilong ol.

Tasol Morobe Yunaitet i mas holim strong na bihainim gut gem plen bilong em long winim dispela gem. Sapos ol straike na fowet lain i ken was gut long ol yet na givim sapot long ol yet, bai ol i ken winim gem ya egens Gaziga.

Dazzle Morobe Yunaitet i gat bikpela sans long winim dispela gem tasol sapos em yet i yusim gut ol sans bilong em, bai em i ken givim gem i go long han bilong ol manki Gaziga.

Long arapela primia gem, Rapatona bai traime Mairipo na tupela tim wantaim i gat wankain strong liklik. Tasol tim husat i traime long abrusim ol mistek na i no wokim planti faul long gem inap winim dispela gem.

Gem bilong Asiawe na Elcom tu wanpela strongpela gem long lukim. Ol pawa manki bilong Elcom i gat gutpela fowet bilong ol na ol i ken skoa long mak bilong Asiawe. Tasol Asiawe tu i save kamapim gutpela kik resis long ol wiken na sapos dispela gutpela gem bilong em i stap wankain yet, bai em i ken wilwilim ol pawa manki bilong Elcom. Sapos gem bilong

Asiawe i senis, bai Elcom i ken katim pawa long Asiawe.

Pilai bilong Guria na Difens em wanpela gutpela gem tu tasol Guria i gat sans moa sans long bomim mak bilong Difens. Tasol sapos Difens i sanap strong long gem plen bilong em, inap long em i ken sekim Guria i go bek.

Guria i gat sans long winim dispela gem sapos em yet i ronim gut bal na winim moa bal egens Difens.

Sobou long narapela pilai tu i gat bikpela sans moa long salim ol boi bilong Sun Striders i go long haus. Sobou em tim bilong ol manki long PTC na stail bilong ol i save moa yet taim ol i ronim bal long fil.

Long kik resis bilong ol meri, bai ol susa bilong Elcom i katim tru pawa bilong ol meri Gum. Ol susa bilong Guria tasol bai bungim bikpela woa wantaim ol yangpela bilong Morobe Yunaitet. Tasol ol meri Morobe tu i gat strong na ol i ken mekim golmak bilong ol meri Guria i guria.

Ol meri ami bilong Difens i mas redi long traime bun bilong ol meri Gaziga bikos ol meri Makam em ol strongpela meri tru bilong kik soka. Difens i gat moa sans long winim Gaziga. Asiawe tu i gat sans long givim gutpela skul long ol meri Sobou long dispela wiken gem.

Narokobi na Zeming helpim Momase klap

MOMASE Soka Klap long Mosbi i mekim bikpela tok amamas i go long tupela nesenel lida Bernard Narokobi, memba bilong Wewak na Mao Zeming, memba bilong Tawai Siassi.

Momase klap i mekim dispela tok amamas i go long Mista Narokobi na Mista Zeming long helpim klap wantaim K200 bilong salim bodi bilong wanpela pilaia husat i bin dai long mun Julai.

Mista Narokobi i givim K100 na Mista Zeming i givim narapela K100. Yangpela pilaia Martin Kara i bin dai long 8 Mail insait long Mosbi.

Leit Martin Kara em wanpela papa bilong Momase Soka Klap bikos em i bin namba wan lain husat i bin statim Momase klap wantaim ol arapela yangpela boi long 1992. Ripot bilong klap i tok Leit Martin Kara em wanpela boi bilong harim tok na soim rispek long ol arapela na tu ol bikman bilong klap. Na em i man bilong harim gut tok.

Klap presiden bilong Momase John Manau na tim menesa Simon Koima i salim bikpela tok amamas i go long tupela nesenel memba long dispela helpim bilong tupela long dispela taim bilong hevi.

Momase klap tu i salim bikpela toksori i go long famili bilong Martin Kara long dispela hevi.

Soka eksen
bilong Mosbi

PNGFA laikim nem bilong ol rejista pilaia

LAHI na Hagen Soka Asosiesen tasol i pinisim nem bilong olgeta rejista pilaia na salim pinis long het opis (PNGFA) long Mosbi.

PNGFA opis i laikim olgeta soka asosiesen long pinisim nem bilong olgeta rejistresen bilong ol pilaia na salim ol dispela nem i go. Bikos presiden, Peter Mommers bai kisim ol dispela nem i go soim long bikpela soka bung bilong OFC long neks mun.

Seketeri bilong PNGFA, Don Sigamata i tokaut olsem long mun Jun yet, em i bin salim toksave long ol asosiesen long stretim ol dispela nem na givim i go long em.

Dispela em nem bilong olgeta pilaia insait long wanwan asosiesen long kantri husat i rejista pinis wantaim asosiesen. Nem bilong ol junia divisen, wimens divisen na sinia divisen bilong ol man.

Sigamata i tok as tingting bilong givim ol dispela nem em bikos OFC, Osenai Futbol Konfederesen i laik luksave long amas pilaia i save rejista na pilai soka insait long wanwan kantri. Mama bodi bilong wol soka, FIFA i laik save long amas manmeri i pilai soka insait long wanwan kantri. FIFA i laik save tru long namba bilong ol manmeri i save kik soka insait long wanwan rijen insait long wol husat i stap memba bilong bikpela soka bodi FIFA.

Long las wik ripot, presiden bilong PNGFA Peter Mommers i tok em i mas kisim dispela nem taim em bai i go long kibung bilong OFC. Na OFC i laikim ol dispela nem i mas go long em long pinis bilong dispela mun Ogas.

Mommers i bin tokaut pinis olsem sapos PNGFA i no givim ol dispela nem i go long OFC,

bai ol sans bilong PNG long pilai insait long ol Osenia tonamen bai bagarap. Ol tonamen olsem Osenia Anda 17, wimens na Klap sempionsip tonamen long neks yia.

OFC inap stopim PNG long kik insait long ol dispela tonamen neks yia sapos mipela i no salim ol nem bilong ol rejista pilaia insait long Papua Niugini i go, Mommers i tok.

Em i tok long bipo, PNGFA i save tokaut long OFC kibung tasol long namba bilong ol manmeri ol i ting i save kik soka insait long Papua Niugini. Em i no save soim pepa o rekot bilong amas manmeri i kik insait long kantri. Tasol nau, OFC i laik lukim stret nem bilong olgeta pilaia long pepa. Bikos FIFA i askim long dispela samting.


Seketeri Don Sigamata i tok em i traim long toktok wantaim olgeta arapela asosiesen

husat i no givim nem bilong ol yet.

Tasol long nau yet, em i no kisim wanpela gutpela bekim i kam long ol. Tupela asosiesen tasol em Hagen na Lahi husat i stretim nem bilong olgeta rejista pilaia bilong ol na salim long em.

I gat luksave olsem sampela asosiesen i no inap stretim ol nem bilong ol pilaia yet bikos sampela klap insait long asosiesen bilong ol i no baim yet pilaia rejistresen fi bilong ol. Na dispela em wanpela as, ol asosiesen bai toktok long en.

Sampela asosiesen tu i no bin afiliat long PNGFA long dispela yia olsem na ol i no ting bai ol i givim wanpela samting i go long PNGFA yet. Planti i afiliat pinis tasol ol pilaia i no pinisim rejistresen fi bilong ol yet.



• Kas bilong Hoods i pulim bal abrusim pilaia bilong Pepsi Momase. Tupela tim dro long 1-1.

Pele kot egens pikinini meri

...Misis Pele bai
karim twins

BIKNEM soka pilaia bilong Brasil, Pele bai meri bilong em i karim tupela pikinini twins. Tasol long nau yet, em (Pele) i kot wantaim wanpela yangpela meri bikos meri ya tok Pele em papa tru bilong em.

Tru nem bilong Pele em Edson Arantes do Nascimento tasol em i save yusim nem Pele bikos dispela em nem olgeta manmeri i save kolim em bipo taim em i save kik soka.

Pele em i namba wan soka sta insait long wol na em i bin wokim nem bilong em long 1963 wantaim Santos soka klap long Brasil yet.

Long tude Pele em minista bilong Spot long Brasil.

Em i bin sanap long kot egens Sandra Regina Machado long dispela yia bikos meri ya i tok Pele em papa tru bilong em.

Sandra i tokim Suprim Kot bilong Jastis long Brasil olsem taim Pele i bin kamap soka sta long 1963, em (Pele) i bin slip wantaim mama bilong em husat i wok olsem haus meri bilong Pele.

Long mun Jun long dispela yia, meri ya (Sandra) i bin kisim nupela nem long setifiket bilong em we nem bilong Pele i stap bihain long nem bilong em long makim olsem Pele em papa bilong em.

Pele i bin traim long apil egensim kot bilong meri ya na i askim kot long givim taim gen long ol i mas sekim na mekim moa tes long meri ya. Em i laikim ol i mas mekim moa tes long meri ya long painimaut sapos em i papa tru bilong dispela meri.

Tasol Suprim Kot i rausim dispela apil bilong Pele.

Pele nau i gat 55 krismas na em i bin risain long pilai soka long 1977 na nau em i kamap minista bilong Spot.

Em i bin marit gen long 1994 na meri bilong em Assiria i redi long karim tupela twins pikinini-long klostu taim.

Maradona laik rausim drag

...na em bai
pilai gen



DEIGO Maradona, biknem soka pilaia bilong Ajentina i kisim balus i go pinis long Swiselen long wanpela praivet haus sik long rausim ol marasin nogut (drag) em i gat long blut bilong em.

Maradona husat i gat 35 krismas nau i laik rausim dispela drag long blut bilong em. Tasol em i no laik tokaut long wanem as tru na em i mekim dispela.

Maradona, wanpela taim ol i kolim biknem soka pilaia long wol, tupela taim olgeta ol i bin rausim em long pilai bikos em i gat dispela drag long bodi bilong em. Ol i bin rausim em long pilai long 1992 taim em i kik wantaim Napoli soka klap long Itali. Em i makim kantri bilong em Ajentina long 1994 Wol Kap long Amerika tasol ol i rausim em gen.

Swis televisen i ripot olsem Maradona i kalap long ka na i go olsem long hap bilong La Prairie klinik long rausim dispela marasin bilong drag long blut bilong em.

Mausmeri bilong dispela haus sik i tok haus sik bilong ol i no save tokaut long nem bilong ol sikmanmeri bilong ol na wanem as ol i kam long kisim marasin na wanem kain sik o hevi bilong ol.

Polis i bin holim em gen long Ajentina yet bikos em i bin kisim dispela Kokein drag wantaim em raun.

Maradona i tokaut long dispela wik olsem em i laik rausim dispela samting long blut bilong em bikos long gutpela nem bilong tupela pikinini meri bilong em.

"Mi harim olsem i gat bikpela sans long ol bai rausim dispela poisin long mi we i save pusim mi long kisim drag. Mi yet bai stretim ol arapela samting bihainim wantaim strongpela tingting na bilip bilong mi", em i tokaut long televisen ripot.

"Wanpela pren i tokim mi long dispela Swis haus sik olsem na mi laik go long em. Long Ajentina, ol dokta i save kisim mani bilong ol manmeri tasol na ol i no save stretim gut sik bilong ol manmeri", em i tok.

Maradona i tok bihain long dispela 12-pela de long haus sik ya, em bai go gen long Kanada long lukim liklik brata bilong em, Raoul na bihain go gen long Kuba long bungim ol arapela spotmanmeri husat i bin go pilai long Olimpik Gems long Atlanta.

Maradona i tok em i lusim klap bilong em Boca bihain tasol long ol i lus 2-1 long las wik gem bilong ol. Dispela lus tu i bagarapim sans bilong ol long holim bek taitel bilong ol.

Em i bin lusim 5-pela penalti kik olgeta insait long 5-pela gem na dispela tu i bin wanpela as em i laik lusim klap bilong em.

"Sapos yu no kikim penalti kik i go insait long golmak, bai ol manmeri i tokim yu stret olsem yu nogat het sapos ol bungim yu long rot".

Tasol presiden bilong Boca klap i tok em i no ting bai Maradona i lusim ol. Bikos sampela poroman bilong em i toktok wantaim em pinis na save long tingting bilong em. Em i tok Maradona i no save mekim samting olsem. Em bai mekim tasol sapos em i kros.

Boca klap i bin winim lig sempionsip taitel inap 5-pela krismas nau. Inap dispela yia, em i lusim pinis tupela gem bilong em. Maradona husat i bin kisim kantri bilong em Ajentina i go winim Wol Kap taitel long 1986 i no man bilong abrusim ol penalti kik. Tasol em i abrusim wanpela penalti bilong em las wik Trinde we tim bilong em i bin win 1-0. Dispela em namba 5 mis bilong em long kikim penalti.

Maradona i tokaut olsem em i wok long lukluk long ol sans bilong em long pilai yet long Ajentina o long ovasis.

Em i tok long las mun, wanpela soka klap long Japan i laik baim em long bikpela milien dola kontrak long pilai long Japan. Tasol em i laik stap yet wantaim Boca klap bilong em na helim ol long winim gen dispela lig taitel.

Maradona i bin joinim gen Boca klap bilong em long 1995 bihain long ol i bin stapim em long pilai 15 mun olgeta bikos ol i painim em i gat drag long blut bilong em long Amerika Wol Kap resis long 1994.

Taim em i bin gat 18 krismas, em i save pilai long Buenos Aires long 1980. Bihain em i go pilai gen long Spenis klap Baselia na bihain long Itali Napoli klap.

Hailans rijen tonamen i redi gen

PAULUS TALI i raitim

GOROKA bai lukautim bikpela soka tonamen bilong Hailans rijen long 30 Ogas na pinis long 1 Septemba long dispela yia.

Dispela em wanpela rijenal soka tonamen we ol hailans rijens i save holim long olgeta yia. Las yia em tonamen ya i bin kamap long biktaun Hagen. Na Goroka i bin winim dispela hailans rijen taitel.

Long dispela wik, presiden bilong Goroka Soka Asosiesen (GSA) Cliffson Asaiah i tokaut olsem Goroka i redi long lukautim tonamen ya. Pilai bai kamap long bikpela pilai graun bilong Nesenel Spoting Institut (NSI).

Asaiah i tokaut olsem ol senta husat bai kamap long dispela tonamen em Mendi, Hagen, Simbu na Goroka. Nogat ripot i kam yet long Wabeg long em bai joinim tu ol arapela hailans long dispela tonamen o nogat.

Goroka i makim pinis ol skwat bilong ol man na meri na ol i mekimsave long trenin na redim ol yet long dispela bikpela soka tonamen.

Goroka man na meri wantaim i sempion bilong dispela tonamen long las yia na ol bai pait gen long win na holim bek taitel bilong Hailans rijen tonamen long Goroka.



I nogat ripot i kam yet long tripela hailans senta ya long ol i redim pinis skwat bilong ol yet o nogat. Tasol i gat bilip bai ol i salim nem bilong skwat i go long niuspepa long neks wik na wik bihain. Bikos ol dispela asosiesen tu i wok long redim ol yet long tonamen.

Long dispela wik, Goroka Soka Asosiesen bai i go insait long ol fainal bilong soka resis bilong ol.

Presiden Asaiah i tok liklik wok tasol ol bai redim em long ol poin lata na dro bilong fainal.

Goroka i gat tasol 5-pela klap i pilai soka long dispela yia. Ol klap ya em Murat, Rapatona, Morobe Yunaitet, Elcom na PTC. Olsem na presiden i tok i luk olsem bai olgeta 5-pela tim i go insait long nokaut na bihain painim ol top tupela tim bilong kik long gren fainal. Tasol dispela em disisen we ol klap eksekutiv na GSA opisel i mas kamapim wantaim, Asaiah i tok.

WANTOK SPOT



MOSBI LIG RIPOT

West inap autim wari bilong Hawks

RODNEY KAMUS i raitim

BIKNEM ragbi lig tim bilong Pot Mosbi Ragbi Lig(PRL) resis West bai bungim bikpela taim bilong em long dispela wiken, taim em i bungim Hawks long mesa semi fainel.

Long narapela sait, Hawks tu i mas pilai strong na winim ol West long wanem husat tim i lus long dispela pilai bai aut olgeta long ol resis bilong fainel.

West long stat bilong 1994 i kam antap i wok long go insait long semi fainels tasol bilogn PRL na i no wanpela taim i mekim i go olgeta long gran fainel pilai.

Olsem na dispela wiken, em bai bikpela taim bilong ol tru long painimaut olsem inap ol i kamap long gren fainel long dispela yia o nogat.

Na wanpela tim tasol inap long stopim ol long mekim dispela em nupela pes Hawks.

Hawks husat em PRL i bin pinisim ol long las yia i kam insait gen long resis bilong dispela yia na soim olsem ol bai wanpela strongpela tim tru long winim. Ol i soim dispela long wanem ol i mekim i kam olgeta na sindaun long top 3 posisen long poin lata.

Las wik, ol West i bin kamapim wanpela strongpela pilai stret na rausim trausis bilong ol Post Puma long semi fainel resis. Hawks i no pilai gut na ol Defence i nekim ol.

Olsem na tupela tim wantaim ya i mas traim hat tru long winim tupela yet long wanem lusa long dispela pilai bai aut olgeta long resis.

Narapela bikpela pilai em bai kamap namel long maina primia tim Paga Panthers na Defence. Husat bilong dispela tupela tim i win bai go stret long gren fainel na lusa bai bungim wina bilong Hawks na West. Ol tip bilong mi em Paga bai winim Defence na Hawks bai nekim West. Lukim full ripot insait long 8 Pes Ragbi Lig Nius



• Rapatona, Enoch Pakarop i bungim birua bilong Babaka long sait sait. Rapatona na Babaka pait strong tru long Mosbi soka resis las wiken. Tupela dro 2-2. Foto: Ivan Bayagau.

Lamond bai helpim PNG long win: Mommers

... Pilaia mas tingting long win: Turia

PRESIDEN bilong PNG Futbol Asosiesen (PNGFA) i tok taim Manis Lamond i ron long fran bilong PNG tim, bai PNG i gat bikpela sans long winim Wol Kap kwalifai soka tonamen long neks mun. Joe Turia askim ol pilaia olsem ol i mas tingim olsem ol i pilai long kantri bilong ol.

Manis Lamond husat i save pilai wantaim Sidni Yunaitet long Australia bai kamap long 11 Septemba na joinim PNG skwat long Lae. Manis bilong ples Tubuserea long Sentrel provins bai ron long fran wantaim PNG straika olsem Steven Mune na Francis Moyep.

Presiden Peter Mommers i tok em i gat bilip bai mipela i winim Wol Kap kwalifai resis egensim Solomon Ailan na Vanuatu long neks mun.

Mommers i tok bilip bilong em i strong tu bikos em i bin lukim ol boi i trening long Lae na save olsem olgeta i redi tru long dispela pilai. Em i lukim olsem ol i trening strong

na soim bikpela interes tu. Planti i stap long gutpela fom o fitnes.

Mommers i tok tu olsem long bipo, ol kosa i save wok strong long fitnes level bilong ol pilaia. Mak olsem 40 pesen bilong trening i save sut long sait bilong fitnes. Tasol nau dispela i no wanpela hevi nau long trening i sut long en. Bikos planti pilaia i fit na i stap.

Bai ol boi i pilaim sampela trening gem long Lae wantaim tupela lokel asosiesen, Lahi Soka Asosiesen (LSA) na Lae Futbol Asosiesen (LFA). Dispela em long traim aut ol trening na gem plen bilong ol long redim ol yet inap long taim bilong dispela pilai.

Presiden i tok bai kosa, Richard Nagai i tokaut long nem bilong fainel 20 pilai bilong skwat long pinis bilong dispela namba tu trening kem. Bikos em i mas salim nem bilong ol dispela fainel pilaia i go long FIFA pastaim long stat bilong Wol Kap kwalifai resis i kamap.

Em i tok FIFA i laikim ol dispela

nem tripela wik pastaim long pilai i stat. Olsem na nesenel kosa bai kolim aut fainel skwat long namba tu trening kem. Dispela i min olsem long namba tri trening kem, bai fainel 20 pilaia tasol i go het long trening inap ol i bungim taim bilong pilai.

Biknem kosa bilong Mosbi Joe Turia i tokaut tu long tingting bilong em olsem i gat tripela bikpela samting ol pilaia i mas i gat. Namba wan • eksperiens. Ol pilaia i mas gat eksperiens long pilai bai ol i ken sanap strong na pilai strong egensim arapela kantri long dispela kain bikpela tonamen olsem. Eksperiens inap holim tim i sanap strong wantaim long bikpela na hatpela gem. Namba tu • Ol pilaia i mas gat wil pawa, o bel kirap bilong putim tingting na strong i go insait long mekim samting i kamap. Kia toktok em olsem ol pilaia i mas gat dispela kain pawa o strong bilong pilai wantaim wanpela strongpela tingting tasol bilong brukim difens na skoa.


Namba tri • Ol pilaia i mas pilai long kantri bilong ol. Ol i mas tingim olsem ol i makim kantri bilong ol na pilai. Olsem na ol i mas pilai long bringim amamas long kantri bilong ol.

Turia i tok dispela em tripela bikpela samting ol pilaia i mas i gat long ol. Bikos sampela pilaia i save amamas tasol long ol i stap insait long skwat tasol i nogat as tingting tru long wanem bikpela wok tru bilong ol insait long skwat.


"Ol pilaia i tingting long amasim interes bilong ol tasol taim ol i stap long skwat. Na dispela i no gutpela bikos em bai i no inap putim wanpela bikpela pait long gem", em i tok.

Ol pilaia i mas tingting long win o kamapim gutpela risal long pilai bilong ol. Na ol i no ken amamas tasol long ol i stap insait long PNG skwat, Turia i tok.

Wantok i traim long kisim tingting bilong Posman Kisakui na Ludwig Peka long ol pilaia bilong yumi tasol tupela i no stap long bekim.



Ragbi Lig Nius



Mosbi Lig fainel on gen... • Pilaia bilong Hawks i autim bal taim wanpela Defence pilaia i laik takelim em long las wiken. Defence i win ba bai bung maina primia Paga Panthers. Hawks bai traim bun gen wantaim West. Lukim ful stori long pes 3.

Kumul kepten Lam i stap long lusim K100,000

OLPELA Kumul kepten Adrain Lam i sanap long lusim moa long mani inap long K100,000 sapos em i tok yesa na pilai long tes pilai bilogn Papua Niugini Kumuls egensim ol Great Britian na tu long wankain taim i makim ol PNG Kumuls long raun bilong ol long Nu Silan.

Dispela em strongpela toktok Lam wantaim ol narapela pilaia bilong Nu Silan na Great Britian husat i sainim kontrak wantaim Australian Ragbi, Lig(ARL) long pilai long ol resis bilong ol.

Papua Niugini, Nu Silan na Great Britian em ol i sain wantaim Supa Lig olsem na ARL i no nap

lusim ol ol pilaia bilong ol i go long dispela ol kantri.

ARL i mekim dispela strongpela lo long wanem taim em i laik holim tes pilai bilong em wantaim Fiji na i askim ol ol lain Supa Lig long pilai, ol i les olsem na ol ARL i kamap wantaim strongpela toktok tru.

Tasol ARL i gat bikipela tingting tru long holim wanpela tes pilai egensim wanpela Papua Niugini sait long mun Oktoba.

Na ol i tok olsem man husat bai go pas long dispela nupela Nesenel Ragbi Lig bilong Papua Niugini(NRL), Adrain Lam bai go

pas wantaim ol narapela pilaia na pilai.

Tasol Lam husat i paul yet namel long dispela ol toktok i tokaut olsem em i laikim olsem ARL i rilisim em na em bai go pas long ol Kumuls long bungim ol British Lions long mun Septemba 23 long Lae.

Menesa bilong Lam Sam Ayoub i tokaut long dispela olsem bikipela tingting bilong Lam em long pilai wantaim Papua Niugini Kumuls.

Toktok long dispela intenesenel tes pilaia namel long ARL tim na PNG NRL, siaman Tau Peruka i tokolsem sief eksekutiv bilong ARL John Quayle i tokaut na promis

olsem Australia bai salim wanpela top tim bilong ol i kam long pilai.

Bai i gat ol pilaia olsem Jason Smith, Andrew Johns, Mathew Johns, Brett Dallas, Gary Larson na planti moa ol biknem pilaia bai kamap.

Dispela pilai em ol i tok bai wankain olsem pilai namel long Fiji na Australia long Newcastle.

NRL em wanpela resis i kamap long em yet na i stap autsait long Papua Niugini Ragbi Futbol Lig husat i sain pinis wantaim Supa Lig.

Toktok i kamap olsem pilai ya bai kamap long Oktoba 5, long

wankain taim olsem Fiji na Great Britian bai pilai long Nadi.

Long narapela stori gen, ARL i no kisim yet wanpela aplikesen i kam long huka bilong British Lions Lee Jackson long raun i go long Papua Niugini, Nu Silan na Fiji long mun Oktoba.

Jackson i wanpela bilong ol pilaia em kontrak bilong ol i stap wantaim ARL tasol ARL i no tok yesa long ol long pilai.

Nu Silan Tes egensim Papua Niugin na Lions em bai stap long han bilong ARL sapos em i laik lusim ol pilaia bilong ol i go.

-AAP



PORT MORESBY RUGBY FOOTBALL LEAGUE DRAW

Saturday August 24, 1996.				
Time	Grade	Fixture	Referee	
10.00am	U17	Hawks vs Wests	V. Kera	
11.00am	U17	Royals vs Gabi	A. Tiui	
12.00noon	U17	Kone vs Souths	D. Cupa	
01.00pm	U17	DCA vs Magani	D. Dickson	
02.00pm	U19	Magani vs Hawks	A. Soikava	
03.00pm	U19	Wests vs Royals	G. Bahu	
Sunday August 25, 1996.				
09.00am	U21	Defence vs Magan/Souths	B. Oti	
10.00am	U21	Royals vs Paga	G. Peter	
11.30am	Reserve	Hawks vs Defence	D. Baiba	
12.45pm	Reserve	P/Puma vs Kone/Paga/Souths P. Roa	N. Kuman	
02.00pm	A	Paga vs Defence	N. Kuman	
03.30pm	A	Hawks vs Wests	P. Laka	

LAE PEPSI LEAGUE DRAWS

SUNDAY AUGUST 25, 1996
PRELIMINARY FINALS
(WINNERS ADVANCES TO GRAND FINAL AND LOSER DROPS OUT)

Time	Division	Team	Vs Team
11.00	U/17	Tigers	vs Spiders
12.15	B	Tigers	vs Brothers
2.00	A	Brothers	vs Panthers
4.00	I/C	L/Bombers	vs G/Lahanis

SUNKIST LAHI SOCCER ASSOCIATION

1996- SOCCER SEASON
WEEKEND GAMES ROUND: TWO
DATE: 24/8/96 WEEK: 22
VENUE: UNIVERSITY GROUND ONE

TIME	DIVISION	FIXTURES
10-11.00	W2	Lae Biscuit v Sikambu
11-12.00	U/19 2	Late Fanzun v Sikambu
12-13.00	P2	Asiaws v Elcom
13-15.00	D1	K/Andra v Late Fanzun
15-17.00	D1	Asosip v Gum
9-10.00	U/19 1	Dazz M/United v Sobou
10-11.00	U/19 1	Gaziga v Wullet
11-12.00	P2	Sun Striders v Sobou
12-13.00	D 1	Table Biads v Wullet
13-15.00	D 1	University v Notnas
15-17.00	D 1	Muna v Rapatona

UNIVERSITY GROUND 3

8-9.00	U/19 2	Guria v Late Business
8-10.00	W2	Tosin v Rapatona
10-11.00	W1	Gaziga v Defence
11-12.00	U/19 1	Gee Otton v K/Andra
12-13.00	W2	Sun Striders v Mairipo
13-15.00	P1	Mairipo v Rapatona
15-17.00	P1	Sikambu v Tosin

BYE - Premier 2 - Sikambu

SUNDAY 25/8/96 - UNIVERSITY GROUN 1

8-9.00	U/19 2	Defence v Tosin
8-10.00	19 2	Crew Stars v S/Striders
10-11.00	W2	K/Andra v Wullet
11-12.00	P2	Gaziga v Dazz M/United
12-13.00	P2	Guria v Defence
13-15.00	P1	Guria v Defence
15-17.00	P1	Sobou v S/Striders

UNIVERSITY GROUND 2

8-9.00	W1	Elcom v Gum
8-10.00	W1	Guria v Dazz/United
10-11.00	U/19 1	Gum v Mairipo
11-12.00	W1	Asiawe v Sobou
12-13.00	P1	Asiawe v Elcom
13-15.00	P1	Dazzle M/United v Gaziga
15-17.00	P1	Rapatona v Mairipo

UNIVERSITY GROUND 3

8-9.00	U/19 2	Asiawe v M/Bay United
8-10.00	U/19 1	Elcom v Rapatona
10-11.00	D1	Lae Biscuit v M/Bay United
11-12.00	D1	Gee Otton v Crew Stars

ROUND U/17 CHAMPIONSHIPS BOYS

SATURDAY 24/8/96 VENUE: MARKHAM ROAD COM SCH 1

8-8.45	Pool 1	Amba v Omili
8.45-9.30	1	M/Road v Buimo Rd
9.30-10.15	1	Amba v Buimo Rd
10.15-11.00	1	Omili v Mark Rd
11-11.45	1	Amba v Mark Rd
11.45-12.30	1	Omili v Buimo Rd

SIR IGNATIUS KILAGE STADIUM

8-8.45	Pool 2	Bowali v St. Mary
8.45-9.30	2	St Martins v Ten City
9.30-10.15	2	Bowali v Ten City
10.15-11.00	2	St Marys v St. Martins
11-11.45	2	Bowali v St. Martins
11.45-12.30	2	St Marys v Ten City
3-5.00	Challenge	PNG Team v Lahi Squad

8-8.45	Pool 3	Tisol v Busu
8.45-9.30	3	Huonville v M/Haven
9.30-10.15	3	Tisol v M/Haven
10.15-11.00	3	Busu v Huonville
11-11.45	3	Tisol v Huonville
11.45-12.30	3	Busu v M/Haven

SIR IGNATIUS KILAGE STADIUM - SUNDAY 25/8/96

09.30-10.15	Semi final	
11.45-12.30	Grand final	

U/17 CHAMPIONSHIPS GIRLS
SATURDAY 24/8/96 BULAE 1

8-8.45	Pool 1	Amba v Omili
8.45-9.30	1	Markham Rd v Buimo Rd
9.30-10.15	1	Amba v Buimo Rd
10.15-11.00	1	Omili v Markham Rd
11-11.45	1	Amba v Markham Rd
11.45-12.30	1	Omili v Buimo Rd

BULAE 2

8-8.45	Pool 2	Bowali v St. Mary
8.45-9.30	2	St Martins v Ten City
9.30-10.15	2	Bowali v Ten City
10.15-11.00	2	St Marys v St. Martins
11-11.45	2	Bowali v St. Martins
11.45-12.30	2	St Marys v Ten City

TISOL 2

8-8.45	Pool 3	Tisol v Busu
8.45-9.30	3	Huonville v M/Haven
9.30-10.15	3	Tisol v M/Haven
10.15-11.00	3	Busu v Huonville
11-11.45	3	Tisol v Huonville
11.45-12.30	3	Busu v M/Haven

SUNDAY 25/8/96 - SIR IGNATIUS KILAGE STADIUM

08.00-08.45	Semi final	
11.00-11.45	Grand final	

OPTUS CUP TABLE

TEAMS	W	D	L	F	A	PTS
MANLY	16	1	4	459	169	32
BRISBANE	15	-	5	531	247	30
SYDNEY CITY	14	1	5	487	293	29
NORTHS	13	3	4	492	290	28
CRONULLA	12	2	6	359	258	26
ST GEORGE	12	1	2	401	320	25
CANBERRA	11	1	8	472	368	23
WESTS	11	1	8	370	284	23
AUCKLAND	11	-	9	509	326	23
Newcastle	10	1	9	392	346	21
Paramatta	10	1	9	370	384	21
Tigers	10	-	10	283	421	20
Bulldogs	9	-	11	308	540	18
Illawarra	7	-	13	353	430	14
Penrith	6	1	13	337	406	13
Western Reds	6	1	13	277	874	13
Gold Coast	5	1	14	341	445	11
Souths	5	1	14	300	540	11
North Queensland	5	-	15	242	573	10
South Queensland	4	-	16	194	443	8

VFL TABLE

TEAMS	W	D	L	F	A	PTS
Sydney	15	4	1	1985	1587	62
North Melbourne	15	5	-	2289	1764	60
Brisbane	14	5	1	2052	1561	58
West Coast	14	6	-	2000	1595	56
Carlton	13	7	-	1913	1778	52
Geelong	12	7	1	2179	1844	50
Eastendon	12	7	1	2030	1865	50
Richmond	10	10	-	1986	1767	40
Hawthorn	9	10	1	1711	1757	38
St Kilda	9	11	-	1846	1878	36
Adelaide	8	12	-	2062	2030	32
Collingwood	7	13	-	1950	1995	28
Melbourne	7	13	-	1564	2210	28
Fremantle	6	14	-	1603	1841	24
Footscray	5	14	1	1512	1954	22
Fitzroy	1	19	-	1345	2591	4

Teams for round 21 matches of the Australian Rugby League premiership on August 23, 24, 25 and 26

FRIDAY:

CANBERRA v AUCKLAND at Bruce Stadium (7.30pm).

RAIDERS: Ken Nagas, Brett Mullins, David Boyle, Ruben Wiki, Noa Nadruku, Laurie Daley (c), Steve Stone, David Westley, David Furner, Brett Hetherington, John Lomax, Steve Walters, Luke Davico. res: Quentin Pongia, Bruce Mamando, Simon Woolford, Steve Collins.

WARRIORS: Greg Alexander (c), Sean Hoppe, Richie Blackmore, Tea Ropati, Marc Ellis, Gene Ngamu, Stacey Jones, Mark Horo, Denis Betts, Steve Kearney, Joe Vagana, Syd Eru, Andy Platt. res: John Kirwan, Phil Blake, Awen Guttenbeil, Hitro Okesene.

SATURDAY:

PARRAMATTA v SYDNEY TIGERS
at Parramatta Stadium (2.40pm)

EELS: Rod Maybon, Scott Mahon, Jarrod McCracken, Stuart Kelly, Shane Russell, Chris Lawler, Gary Freeman, Jim Dymock, Justin Morgan, Jason Smith, Peter Johnston, Troy Campbell, Dean Pay (c). res: Matthew Spence, Marty McKenzie, Russell Wyer.

TIGERS: Tim Brasher, Gary Edwards, William Kennedy, Asa Milford, Tim Patterson, Ellery Hanley, Michael Gillett, Glen Morrison, Mark O'Neill, Mark Stimson, Dan Stains (c), Darren Senter, Adam Starr. res: Hudson Smith, Corey Pearson, Tony Brann.

NEWCASTLE v WESTERN REDS
at Marathon Stadium (5pm)

KNIGHTS: Robbie O'Davis, Matthew Gidley, Brett Grogan, Jamie Ainscough, Darren Albert, Matthew Johns, Andrew Johns, Marc Glanville, Adam Muir, Paul Marquet, Paul Harragon (c), Robbie McCormack, Tony Butterfield. res: Bill Peden, Troy Fletcher, Lee Jackson, Keith Beauchamp.

REDS: Greg Fleming, Paul Evans, Julian O'Neill, Chris Dever, Chris Ryan, Scott Wilson, Matthew Rodwell, Dale Fritz, Cameron Blair, Mark Geyer (c), Robbie Kearns, Matthew Fuller, Rodney Howe. res: Jon Grieve, David Boyd, Wayne Evans, Mick Potter, Jason Eade (one to be omitted).

SUNDAY:

MANLY v WESTERN SUBURBS at Brookvale Oval (3pm)

SEA EAGLES: Matthew Ridge, Danny Moore, Craig Innes, Terry Hill, Jack Elsegood or John Hopoate, Cliff Lyons, Geoff Toovey (c), Des Hasler, Nik Kosef, Daniel Gartner, Steve Menzies, Mark Carroll, Jim Serdaris, Owen Cunningham, Neil Tierney (two to be omitted). res: David Gillespie, Solomon Haumono.

MAGPIES: Andrew Leeds, Darren Willis, Aseri Laing, Brandon Pearson, Kevin McGuinness, Andrew Willis, Willie Newton, Paul Langmack (c), Damian Kennedy, Bill Dunn, Justin Dooley, Steve Georgallis, Harvey Howard. res: Darren Capovilla, Nathan Lakeman.

CANTERBURY v SOUTH QUEENSLAND
at Belmore Sports Ground (2.30pm)

BULLDOGS: Rod Silva, John Timu, Shane Marteene, Steven Hughes, Daryl Halligan, Terry Lamb, Craig Polla-Mounter, Glen Hughes, Robert Reif, Steven Price, Robert Tocco, Brett Clements, Darren Britt (c). res: Steve Reardon, Michael Smith, Jason Lidden, Scott Hill.

CRUSHERS: Travis Norton, Jason Hudson, Graham Mackay, Chris McKenna, Jason Wendt, Rod Doyle, Craig O'Dwyer, Anthony Bella, Craig Teevan, Grant Young, Trevor Gillmeister (c), Nigel Gaffey, Phil Lee. res: Kerry Carmichael, Jeff Wittenberg, John Jones.

NORTH SYDNEY v SOUTH SYDNEY
at North Sydney Oval (2.30pm)

BEARS: Matt Seers, Brett Dallas, Ben Ikin, Chris Caruana, David Hall, Michael Buettner, Jason Taylor (c), Billy Moore, David Fairleigh, Greg Florimo, Steve Trindall, Mark Soden, Gary Larson. res: Nigel Roy, Brenton Pomey, Danny Williams, Craig Wilson, Josh Stuart (one to be omitted).

RABBITHOHS: Phil Howlett, Danny O'Keefe, Marty Moore, Shane Wilson, Greg Clarke, Jason Bell, Dean Amos, Tyrann Smith, Jason Tassell, Damian Browne, Martin Masella, Shannon Donato, Craig Salvatori (c). res: Paul Quinn, Corin Ridding, Adam McEwen.

ILLAWARRA v PENRITH at Steelers Stadium (2.30pm)

STEELERS: Brendon Reeves, Rod Wishart, Brett Rodwell, Paul McGregor, Wayne Clifford, Shaun Timmins, Josh White, Neil Piccinelli, Wayne Richards, Darrien Doherty, David Walsh, John Cross (c), Darren Fritz. res: Craig Smith, Brad Mackay.

PANTHERS: Bobby Thompson, Fred Petersen, Ryan Girdler, Garen Casey, Andrew Hinson, Craig Gower, Gavin Clinch, Darren Brown, Matt Adamson, Jody Gall, John Cartwright (c), Brett Boyd, Carl MacNamara. res: Brad Drew, Ned Catic, Steve Waddell, Gordon Falcon.

ST GEORGE v NORTH QUEENSLAND
at Kogarah Oval (2.30pm)

DRAGONS: Dean Raper, Ricky Walford, Mark Bell, Jim Lenihan, Adrian Brunker, Anthony Mundine, Noel Goldthorpe, Wayne Bartrim, David Barnhill (c), Kevin Campion, Luke Felsch, Nathan Brown, Troy Stone. res: Lance Thompson, Colin Ward, Chris Quinn, Jeff Hardy.

COWBOYS: Shane Howarth, Marshall Miller, Whetu Taewa, Paul Bowman, Justin Loomans, Andrew Dunemann, Ian Dunemann, Adrian Vowles (c), Glen Murphy, Wayne Sing, Martin Locke, Jason Death, Steve Edmed. res: Peter Jones, John Buttigieg, Michael Coorey, Liam Johnson.

BRISBANE v GOLD COAST at ANZ Stadium (2.30pm)

BRONCOS: Willie Carne, Wendell Sailor, Steve Renouf, Darren Smith, Robbie Ross, Kevin Walters, Allan Langer (c), Peter Ryan, Shane Webcke, Brad Thom, Andrew Gee, Kerrod Walters, Glenn Lazarus. res: John Plath, Brett Green, Chris Johns, Darren Lockyer.

CHARGERS: John McKelleher, Lee Oudenryn, Jason Nicol, Henry Suluale, David Baildon, Brendan Hurst (c), Craig Grauf, Chris Nahi, Des Clark, Tony Durheim, Gavin Whittaker, Jamie Goddard, Damian Driscoll. res: Martin Bella, Brett Plowman, Kris Currie, Jeremy Schloss, Tim Fuller.

MONDAY:

SYDNEY CITY v CRONULLA
at Sydney Football Stadium (7.30pm)

ROOSTERS: Ivan Cleary, Darren Junea, Matt Sing, Peter Clarke, Peter Jorgensen, Andrew Walker, John Simon, Brad Fittler, Tony Iro, Luke Ricketson, Terry Hermansson, Sean Garlick (c), Jason Lowrie. res: Shane Rigon, Paul Dunn, Tim Maddison.

SHARKS: David Peachey, Mat Rogers, Andrew Ettingshausen (c), Paul Donaghy, Richard Barnett, Mitch Healey, Paul Green, Tawera Nikau, Nathan Long, Craig Greenhill, Les Davidson, Dean Treister, Danny Lee. res: Andrew Pierce, Adam Dykes, Martin Lang, Allan Bateman. -AAP

Australia Kangaroos bai pilai egensim PNG

AUSTRALIAN Ragbi Futbol Lig i tokaut olsem em bai pilaim wanpela tes pilai egensim wanpela Papua Niugini nesanel tim long wanpela liklik raun bilong ol long kantri long mun Oktoba.

Tim bilong Papua Niugini em bai ol pilai i kam long nupela Nesanel Ragbi Lig of Papua Niugini(NRL).

NRL siaman Tau Peruka i tok ARL sief eksekutiv John Quayle i givim tok yesa bilong em pinis olsem wanpela namba wan

tim bilong Australia em planti bilong ol i pilai long wol kap resis bai kamap long pilaim dispela tes pilai wantaim ol lain Papua Niugini. Dispela Test pilai i luk olsem bai kamap long namba wan wik bilong mun Oktoba.

Dispela nupela Nesanel Ragbi Lig of Papua Niugini em bai stap aninit long ambrela bilong Pot Mosbi Ragbi Lig husat i kisim sait bilong Australia Ragbi Lig. Dispela sait bilong ol bai kisim ol pilai

bilong Mosbi Vipers, wantaim ol Mosbi lig pilai, na ol narapela liklik senta husat i afiliet bilong Mosbi olsem Nondugl, Morobe Country, Kiunga na Miline Bay. Pilai ya bai wankain olsem ol Fiji i pilai namel egensim ol Australia we i bin pulim planti manmeri tru long lukim long Newcastle Marathon Stadium.

Midia opisa bilog ARL John Brady i tok olsem ARL sait bai pilaim yet dispela tes tasol ol i kalap nogut tru long lukim olsem

dispela toktok i kamap hariap tru long Mosbi pinis.

Pilai ya em ol i tok bai kamap long Oktoba 5 na i wankaim taim ol pilai bilong Fiji na Great Britian long Nadi.

"Mi kalap nogut olsem ol toktok i go aut pinis tasol long sotim ansa, em yes mipela bai go na pilai long hap," Brady i tok.

"Mipela i no makim wanpela deit yet bilong tes tasol mipela i wok long toktok long ol yet.



□ Kosa bilong ol Goroka Lahanis i givim toktok long ol pilai bilong em long wanpela gem bilong ol long inta-siti competition. Ol boi Goroka bai mitim ol Bombers long dispela wiken long Lae.

Warriors na Muruks bai kamapim bikpela pilai

INTA SITI RIPOT

WARRIORS VS MURUKS (MENDI)
COWBOYS VS EAGLES (HAGEN)
BOMBERS VS LAHANIS (LAE)
GURIA VS TROTTERS (KIMBE)

RODNEY KAMUS i raitim

TRIPELA moa raun bilong pilai long SP Inta Siti Kap resis i stap yet na i luk olsem ol top 5 tim i no holim gut posisen bilong ol long poin lata bai lukim ol daunbilo tim bai nekim ol na go antap long poin lata.

Ol top 5 tim long nau yet i sanap cilem ol Goroka Lahanis na Mendi Muruks i pas antap long 18 points, bihainim ol em Kundiawa Warriors long 16 points, Lae Bombers 13 na Hagen Eagles long 10 points.

Dispela ol top 5 tim i ken go het yet long fainels sapos ol i winim olgeta pilai bilong ol em nau yet i stap.

Sapos ol i lusim wanpela pilai bilong ol, i luk olsem ol tim husat i stap daunbilo olsem Rabaul Guria na Capital City Cowboys i ken abrusim ol na kam antap.

Long ol pilai bilong las wiken, Kundiawa Warriors i bin laki tru long winim ol Capital City Cowboys 18-17 taim Mt Hagen Eagles i lus long Goroka Lahanis 16-20.

Ol Mendi Muruks i bagarapim stret sindaun bilong ol Madang Globetrotters long Madang na Lae Bombers i mekim rot bilong em long go insait long ol fainels i op yet taim em i autim tiket bilong ol Rabaul Guria 14-8.

Ol lain olsem Cowboys na Guria i mas traim hat long winim ol pilai bilong ol i stap yet na fosim ol top tim long lusim ol pilai bilong ol.

Ol Cowboys i gat wanpela bikpela pilai tru long dispela wiken em ol i mas winim na dispela em bai egensim ol Mt Hagen Eagles long Hagens yet.

Ol Hagen bai gat bikpela sans long kisim sapot long ol lain bilong ol tasol inap ol Cowboys i tanim plet long ol.

Na bikpela pilai bilong raun tru em bai stap namel long Kundiawa Warriors na ol mendi Muruks long Mendi.

Tupela senta ya wantaim i save gat ol strongpela man long pilai na i luk olsem dispela bai wanpela bikpela pilai tru bilong tupela senta ya. Husat bilong tupela i win o lus i gat sans long go antap long lata.

Na sapos Goroka Lahanis i lusim pilai bilong ol egensim ol Lae Bombers long Lae na Warriors i winim ol Muruks, poin lata bai pas tru long wanem tripela tim wantaim bai stap namba wan long poin lata.

Tupela tim bilong daunbilo em Globetrotters na Guria bai bung long Kimbe long wanpela strongpela geim tru. Guria i mas winim dispela pilai sapos ol i laik opim ai bilong ol yet long ol fainels pilai.

Bikpela wiken bilong ol fainels long PRL

RODNEY KAMUS i raitim

POT MOSBI ragbi lig(PRL) i go insait nau long ol semi fainels bilong ol long las wiken na i gat 4-pela tim tasol i stap nau long pilai bihain long strongpela tim Post Puma i go aut long resis las wiken.

Post Puma long las yia i bin kamap long namba 5 ples tu tasol Paga Panthers i autim tikek bilong ol pinis na long dispela yia, ol i lus gen long West.

Long ol pilai bilong las wiken, West i bin strong tumas na autim ol mangi Post Puma long wanpela bikpela pilai tru.

Planti man husat i lukim dispela pilai i tok olsem pilai ya i bin wanpela strongpela geim stret tasol long bikpela ekspiens bilong ol West wantaim ol gutpela spitman ol i gat, i bin helpim ol tru long winim dispela pilai.

Dispela lus bilong ol Post Puma i putim ol aut olgeta long resis na West i surik i go antap.

Long narapela bikpela pilai gen long las wiken, ol soldia

WEST VS HAWKS DEFENCE VS PAGA

boi bilong Murray Bareks insait long Pot Mosbi i autim tiket bilong wanpela nupela pes Hawks.

Ol Hawks husat em Mosbi ragbi lig i bin pinisim ol long resis bilong las yia i kam insait gen long resis bilong dispela yia na kwiktam tru i mekim nem bilong ol i kamap bikpela long stap insait long top 3 tim.

Taim sisen i pinis, Paga Panthers i bin stap namba wan, bihain Hawks, Defence, West na Post Puma.

Olsem na ol Hawks husat i stap namba tu long poin lata i bin bungim namba tri ples Defence.

Na West husat i stap long namba 4 ples i traim ol Post Puma long namba 5 ples taim Paga Panthers i kisim laki sans long kamap maina primia tim na malolo long wanpela wiken pastaim.

Long pilai bilong Hawks na Defence, long gutpela ekspiens bilong ol Defence na planti ol biknem pilai bilong ol i kam bek long Vipers i mekim na ol i no bin givim wanpela sans liklik long ol Hawks.

Ol Hawks olsem dispela i namba wan taim bilong ol long pilai long wanpela bikpela semi fainel i painim hat tru long stopim ol soldia boi long dispela pilai.

Lukluk long ol pilai bilong dispela wiken gen, West bai bungim Hawks long namba wan bikpela semi fainel na wankain taim tu, Paga Panthers husat i maina primia tim bilong dispela yia bai bungim Defence.

I luk olsem planti man na meri tru wantaim ol sapota bai kamap long Lyold Robson pilai graun long lukim ol dispela bikpela pilai bai kamap.

West bai bungim Hawks i luk olsem em bai taim bilong ol Kerema na Papua long salens long singaut i go kam.

Tasol olgeta samting bai stap long ol pilai bilong ol yet.

Pilai namel long tupela tim ya West na Hawks em olsem do o dai na husat tim i lus em bai aut olgeta long pilai.

West i bin win daunbilo yet na kam antap na inap ol i go olgeta long fainel.

Na long sait bilong ol Hawks, inap ol i brukim rekot long kamap long gren fainel maski dispela i namba wan yia bilong ol long kam bek long lig.

Na bikpela pilai tru em bai kamap namel long Paga Panthers na Defence.

Dispela pilai em husat tim i win bai go stret long gren-fainel pilai.

Em bai malolo gen long wanpela wik na bihain i go insait long pilai long ol fainels.

Lusa bilong Paga na Defence pilai bai kam daun long bungim wina bilong West na Hawks.



Sapot mas go long ol op sisen lig resis

KLOSTU nau bai mipela i kamap long stat bilong ol fainel, mi wok long tingting strong long wanem samting bai kamap taim gren fainel i pinis.

Bai ol sapota, opisel, ol spona na ol pilaias bai i go we taim dispela ol fainel i pinis na bai ol i wokim wanem long dispela taim?

Wankain olsem bipo ating bai mipela olgeta bai putim was long ol op-sisen resis i stap long ol siti na long olgeta provins tu, long wanem ol lain i save bihainim ragbi bai strong long putim was long dispela kain ol geim.

Planti bilong mipela i no save luksave olsem ol kain resis olsem ol op-sisen i gat bikpela halivim long mekim geim blong mipela i wok long go bikpela.

Mi bilip olsem wankain sapot we i wok long kamap long ol tim i pilai long ol siti lig, i mas go long ol op sisen resis.

Ol spona i mas traim na givim sampela luksave long halivim long ol jesi na na liklik hap makmak long mekim dispela kain geim i ron gut.

Ol sinia pilias o ol kosa i gat sampela pepa long lainim ol pilaias long geim i mas stap insait tu long kain ol resis long givim sampela halivim i go long ol pilaias, o wei blong ronim wanpela resis pilai.

I gat planti as we yumi mas bihainim dispela kain resis, tasol mi laik surukim toktok long sampela bilong dispela ol as tingting we mi ting olsem yumi mas glásim gut.

Nambawan as tingting em ol sapota bilong geim, long ol wanem kain geim ol sapota tasol i save givim sapot long wanem ol i save go lukim ol geim na tu ol i save givim wanem kain sapot ol i ken givim.

Maski sapos ol resis long siti i pinis, ol i mas gat sampela narapela resis we ol i ken go na lukim na belpulap na mipela i mas klia olsem sapos i no gat sapota ating bai i nogat intres moa long stap long pilai.

Nambatu as mipela mas sapotim ol vilis geim em olsem, long dispela kain taim ol yangpela pilaias i save yusim dispela kain taim long soim ol stail bilong ol.

Traim na go lukim sampela bilong ol dispela geim, bai yu painim olsem bai i gat planti ol yangpela manki bai pulap tru na tu ol dispela manki bai soim ol kankain liklik stail bilong ol.

Ol klab opisel tu i ken lukluk long sampela bilong dispela ol pilaias long neks yia, na em bai gutpela sapos ol i ken pikim ol na larim ol i pilai long fitnes bilong ol.

Bihain long taim geim i pinis bai ol i ken stap long tim long pilai long taim i kam bihain.

Namba tri as long sapotim ol op sisen geim em olsem, nau yet olsem level bilong geim i wok long surik i go klostu long hap we bai ol pilias i kisim pei long geim bilong ol, yumi mas traim long halivim long olgeta rot i stap olsem bambai level bilong geim i ken surik i go antap.

Ol kain liklik eria olsem ol op-sisen resis tu i save pulim intres bilong planti ol pilaias na tu ol i save mekim kamap ragbi lig geim i go bikpela insait long kantri bilong mipela.

Sans bilong ol Eagles long fainels i pinis

SANS bilong Mt Hagen Eagles long go insait long ol semi fainel bilong Inta Siti ragbi lig resis i pinis taim ol Goroka Lahanis i winim ol 28-18 long fran bilong planti sapota tru long Danny Leahy pilai graun long las wiken.

Maski Goroka em ples bilong ol Lahanis, ol sapota bilong ol Eagles i pulamapim planti kar tru na go long lukim ol Eagles i pilai.

Long stat bilong pilai yet, tupela tim wantaim i go insait long bisnis stret na traim long putim skoa antap long poin lata

ROBERT BOMA i raitim

bilong tupela wantaim. Long wankain taim tu tupela i putim ol strongpela banis na narapela tim i no inap long skoa.

Long dispela kain pilai bilong tupela tim tasol ya i mekim na ol sapota i no sindaun gut long sia bilong ol. Tupela tim wantaim i no nap long brukim banis bilong wanpela na narapela. Tasol ol Lahanis i bin putim kamap wanpela strongpela pilai tru na ol i go pas long 12-8 long haptaim.

I go insait long namba tu hap bilong pilai, tupela tim wantaim i traim givim olgeta kain save ol i gat long givim ol sans long skoa moa. Mekim olsem na tupela tim wantaim i no bin putim skoa long planti gutpela minit.

Ol Eagles husat i gat bikpela laik tru long winim dispela pilai i nogat sans long wanem ol Lahanis i gat gutpela hom rekot na winim dispela pilai tu.

Dispela win bilong ol Goroka Lahanis i no kamap nating maski ol i dro wantaim ol

Muruks 14-14 long tupela wik i go pinis olsem na ol i holim ol Kange bilong Hagen long 28-18 taim fainel wisel i kra.

Kepten na biknem pilai bilong ol Eagles Max Tiri i bin pilai hat stret iong dispela pilai long sait bilong difens na atek na i kisim helpim long John Pasingan, David Gomia na Elias Kamiak taim fatty Buka, David Sari na John Markam wantaim Sam Karara i pilai gut tru long ol lain Isten Hailens Nokondis.



• David Williams long lephan pesentim nupela jesi long ol Provins polis comanda sief inspekta Robert Kalasim. Long beksait em sampela pilai werim jesi na sanap long kisim piksa.

Madang Royals gat nupela spona

ROYALS ragbi lig klab bilong Madang i kisim gutpela spona long raitpela taim stret i kam long Rothmans of Pall Mall (PNG) Pty.

Aninit long smok bilong kampani ya Winfield, ol i givim wanpela set jesi i go long ol Royals long resis bilong ol long dispela yia.

Ol jesi ya ol i baim long Sidni long mani inap long K2, 124.38 na i wankain olsem bilong ol Sidni Siti Roosters wantaim Winfield sain i stap fran long ol dispela jesi. Ol Royals bilong Madang em nem bilong ol bai stap olsem Winfield Royals. Rijinel Menesa bilogn Rothmans David Williams i tok bihain long presentesen olsem kampani bilong em i amamas tru long stap pas wantaim Royals ragbi lig klab long Madang.

Em i tok olsem kampani bilong em bai go het yet long sponaim ol Royals inap long spona ya

BEN TAUMAI i raitim

olgeta sapos pilai bilong ol i stap antap.

Taim em i kisim liklik stori olsem Royals i wanpela strongpela tim tru log Madang na ol i bin winim tripela primiasip stat long 1991 i kam inap long 1994, em i amamas nogut tru na tok olsem sapos ol i go insait logn fainel gen, ol i mas ringim em na em yet bai kam lukim ol i pilai.


Williams i bin go long ol wok bilong em long Wewak, Vanimo na Mt Hagen tasol em i stop long mekim dispela presentesen bipo long em i go long wok bilong em.

Dispela em i namba wan taim tru Royals i painim wanpela spona na i bin kamap long raitpela taim stret taim resis i wok long pinis klostu nau na ol fainels i stap klostu pinis. Provinsal Plis

Komanda Robert Kalasim husat i presiden bilong klab ya tu i tok olsem ol yunifom ya i kam long raitpela taim stret olsem na dispela bai kirapim tingting bilong ol pilai na ol bai pilai gut tru. Em i tenkim Rothmans long gutpela helpim ol i givim long

sponsaim Madang Royals. Royals klab em planti bilong ol pilaias em ol lain autsait long fos tasol ol i go insait gut tru na ol narapela em ol plisman.

Nau yet ol Royals i sindaun namba tru long poin lata bilog Madang ragbi lig resis.





• Huka bilong West Walter Taule i bungim strongpela banis tru long ol Post Puma. West i winim dispela bikpela pilai.



• Bikpela fowat bilong Defence Joe Gatana i laik brukim banis bilong ol Hawks tasol i no inap. Defence i go het long winim Hawks. Hawks bai bungim West long dispela wiken na Defence bai bungim Paga.

Ol fainels bilong Pot Mosbi ragbi lig..

Ol Poto: IVAN BAYAGAU



• RAITHAN: W an p e l a West pilaia i taitim bun stret long brukim banis bilong Post Puma. West i winim Post Puma na autim ol long resis bilong fainels.

• LEPHAN: Strongpela takel bilong ol lain Post Puma i mekim na dispela mangi West i no nap long holim bal.



• W an p e l a Hawks pilai i laik ranawe tasol ol mangi ami i holim pasim em pinis.



• Winga bilong West Iso Kouoru i nogat rot long go taim w an p e l a Post Puma pilaia i holim pasim em.

Ol biknem klab painim hevi na rot i op

KOSA bilong Many Bobby Fulton i tok olsem ol pilaia bilong em i no pilai olsem ol trupela profesinel pilai bihain long ol i lus long daunbilo tim Penrith 18-14 long ragbi lig resis we i opim dua bilong planti tim long surik isi i go insait long ol fainels pilai.

Taim ol Sea Eagles i lus long Penrith Stadium long wanpela bikipela bagarap tru, Newcastle tu i opim ai bilong ol lain Sidni Siti 28-12 long Marathon Stadium na putim ol yet i go bek long sans bilong go insait long top 8.

Auckland i stap insait long top 8 maski lus bilong ol 20-18

Penrith	18	def	Manly	14
Newcastle	28	def	Sydney City	12
West	23	def	Norths	22

egensim Canterbury na tu Cronulla i winim Parramatta 26-18 long Sarere.

Tasol ol Western Suburbs i ken kalapim ol Warriors sapos ol i nap long winim North Sidni na dispela i kamap tru long Mande nait taim ol Western Suburbs i Wantaim tupela moa primiasip pilai tasol i stap, Manly i luk olsem bai kisim yet maina primiasip taitel tasol kosa Bob Fulton i no amamas tumas long kain pilai

bilong sait bilong em egensim ol Penrith.

"Mipela i kamap wantaim sampela kain samting em mi lukim olsem mipela i no sapos long kamapim na i no profesinel stret," Fulton i tok.

"Em i go olsem yet long olgeta wik we yu mas save olsem tingting bilong yu i mas stap long wok na sampela ol pilaia i luk olsem ol i lus tingting long dispela olgeta.



Nogat we bilong yu... • Tripela Bulldog pilaia i bungim Canberra Raiders lok Bradley Clyde. Clyde i no pilai long dispela yia long wanem em i kisim bagarap. Dispela takel tasol em Clyde i painim bagarap na i no pilai moa long resis bilong dispela yia.

Cartwright bai joinim Salford neks yia

BIKNEM pilaia bilong Penrith Panthers John Cartwright i kisim tok orait pinis long klab bilong em long lusim ol na go pilai long Inglen long neks yia wantaim klab Salford.

Cartwright i tok orait long kontrak bilong em wantaim Salford taim tim bilong em Penrith Panthers i bagarapim sindaun bilong ol Manly 18-14 logn las wiken. Long dispela win, planti klab sapota i tok olsem em i wanpela gutpela win bihain long 1991 grenfainel win bilong ol.


Ol Panthers i tok orait long lusim Cartwright i go bihain long em bin stap 12-pela yia olgeta wantaim klab ya. Taim em i stap wantaim Penrith, em i pilai long 5-pela Stet ov Origin pilai na 6-pela Test pilai bilong Australia.

Manly long dispela pilai i putim tripela trai tasol i no bin inap wantaim ol Panthers husat i putim tupela tasol na kisim planti penalti long helpim ol long winim dispela pilai.

Tasol bikipela samting tru we i mekim na ol Panthers i winim dispela pilai em bipo long ol i go insait long pilai graun ol i kisim sampela gutpela toktok i kam long olpela pilaia bilong ol John Farragher husat i bin kisim bikipela bagarap na i no nap wokabaut gen long 1978.

"Johnny i kam insait na toktok long ol pilaia bipo long geim na dispela i bin gutpela tru," kosa Royce Simmons i tok.

"Em i tokim ol olsem sapos em i kisim 10 minits long lusim wil sia bilong em, em bai go insait stret na pilai futbol."



• John Cartwright.

Taim win bilong ol Panthers i bikipela tru, ol Newcastle tu i kamapim bikipela wari tru long taim ol i autim ol Sidni Siti na gat sans long pilai long fainels gen.

Newcastle gat sans bihain long ol autim Sidni Siti

Kosa bilong Newcastle Knights Malcolm Reilly i no laik toktok long sans bilong tim bilong em long go insait long top 8 na pilai long ol kwata fainels tasol hapbek Andrew Johns i gat bikipela tingting tru na tok olsem ol Knights i kam bek long ragbi lig fainels resis bihain long ol i autim tiket bilong Sidni Siti 28-12.

Wantaim fulbek Robbie O'Davies i go pas long ol, Newcastle i winim namba wan pilai bilong ol bihain long 8-pela olgeta ol i lusim na sans bilong ol long pilai long fainels i bin pinis na bihain long ol i rausim Sidni Siti long namba tu ples i kam daun long namba tri, i luk olsem ol Roosters bai nogat sans long stap insait long top 4.

Tasol Reilly husat i tokaut olsem ol bai sainim gen O' Davies long neks yia i tok olsem ol Knights i mas traun long pilai gut long olgeta wik i go klostu long fainels nau.

"I nogat wanpela samting i hat, olgeta samting mipela i mas mekim em long tingting long pilai na husat i save nogut ol driman i kamap tru," Reilly i tok.

Kepten bilong ol Newcastle Paul Harraggon tu i les long toktok hariap long ol fainels pilai bihain long



• Paul Harraggon.

lus bilong ol egensim ol Parramatta 18-16 tupela wik i go pinis.

"Mipela i laik pilai long olgeta strong bilong mipela na lusim ol samting i kamap long laik bilong ol yet," Harraggon i tok.

"Na sapos olgeta samting i kamap gut na mipela i go insait long top 8, em nau bai mipela i senisim gut tru tingting na lukluk long fainels tasol."

Tasol Johns husat i kikim 6-pela gol long 7-

pela sans na tu i wanpela strongpela pilaia baksait long ol fowat lain na i no bin tren wanpela wik olgeta long wanem em i gat sik i gat narapela kainkain tingting.

"Kamap long pinis bilong sisen em wanpela hap we yu laik soim olgeta kain stall pilai bilong yu na olsem Canterbury i soim long las yia na sapos mipela i go het strong moa em bai hat tru long ol narapela tim long winim mipela."

Gutpela pas bilong Kennedy helpim ol Tigers

WILLIAM BUBBA KENNEDY-em i olpela yangpela man insait long ragbi lig primiasip, resis - na em i tromoi wanpela gutpela pas long las minit stret long helpim ol Sidni Tigers long winim ol Illawara 16-14 long Parramatta Stadium long Sande.

Kennedy husat i gat 27 krismas i gat tupela moa pilai i stap long pinisim wanpela 12 mun pilai bilong em we i kamapim em long wanpela kantri pilaia nating i go insait long wanpela strongpela senta tru insait long strongpela lig pilai long wol.

Kosa Wayne Pearce i wok long lukim Video bilong risev gret huka Jamie Forbes long wanpela Western Divisen kantri pilai tasol liklik hap ai bilong em i kisim Kennedy na em i sainim em hariap tru. "Bubba" em i wanpela man we i no save mekim

planti toktok na tu Pearce i joinim ol lain niusman long painimaut hamas krismas tru bilong dispela man long dresing rum long wanem"mi no bin harim em i mekim wanpela toktok liklik na mi laik save hamas krismas bilong em tu."

Dispela win bilong ol Tigers i putim ol long bikipela sans long go insait long ol fainels tasol ol narapela tim olsem Auckland, West, Parramatta na Newcastle i mas lusim ol pilai bilong ol i stap yet.

Insait long laspela minit bilong pilai egensim ol Illawara, Kennedy i tromoi wanpela bikipela pas tru i go long winga Garry Edwards long go insait long senta bilong ol Steelers Paul McGregor na putim namba tu trai bilong em we i helpim ol long winim pilai tu.

St George nekim Crushers 26-8

SOUTH QUEENSLAND Crushers i gat bikipela wari tru long winim ragbi lig pilai bilong ol na wankain taim St George i laik winim moa pilai bilong ol na go yet long semi fainel pilai bihain long ol St George i winim ol 26-8.

Kosa bilong ol Crushers Bob Lindner, husat i tokaut olsem em i laikim wanpela moa yia long stap olsem kosa long neks sisen sapos klab ya i go autsait long mani hevi bilong ol i sapotim gen ol pilaia bilong em na tok olsem ol bin stap long wanpela hatpela wik stret.


"Nogat tok wanpela win long tudei bai helpim bikipela tru," Lindner i tok husat posisen bilong em bai ol lain KPMG i painim aut sapos em bai stap yet o nogat. "I luk olsem mi wok long tok wankain toktok long olgeta wik tasol ol pilaia tu i wok long traun hat

stret. Na lukluk long wanem samting i kamap long las wik na wanem samting bai kamap long mipela olgeta long bihain taim, ol pilaia i pilai hat tru."

Kosa bilong ol Dragons David Waite i no nap long tok wankain tasol em i amamas long kisim tupela primiasip points na kisiin wanpela ples bilong long semi fainels.

Ol lain ya i pilai long wanem rot mipela i save ol bai pilai long en, "Waite i tok.

Em i tok olsem ol pilaia bilong em i no pilai wantaim bikipela wari bilong pilai na dispela i no mekim em i amamas tumas na tu em i tok dispela pilai bilong ol egensim ol Crushers i sapos long go nogut long wanem kain hevi ol pilaia bilong ol i gat nau wantaim ol.



Namba tu taim laki

Saints rol i go long stori bilong ol

KOSA David Waite i gat bikpela bilip olsem wanpela ples long top 8 bai gutpela samting tru long stori bilong klab na i no olsem las yia. Long wanem las yia 1995 ol i no bin go klostu liklik.

Em i wei bilong Waite. Rot bilong em long kosim ol pilaia em i save go wantaim ol samting we em i ken kontrolim.

Long lukluk long las yia na dispela yia, pilai bilong ol St George wantaim Auckland long tupela wik i go pinis i no wankain olsem pilai bilong las yia taim tupela tim ya i bung wantaim.

Long dispela as tasol na Waite i nogat tok tok olsem las yia i no wankain olsem dispela yia long rot bilong pilai. Win bilong ol long las yia i nogat wanpela rot long helpim win bilong ol long dispela yia.

Waite i no bin stap wantaim ol Dragons long las yia na tu i nogat trabel long toktok long dispela samting.

Tasol long ol planti pilaia, em i hat tru long toktok olsem ol Saints i mas i kam insait long taim bilong ol fainels nau.

Dispela pait bilong Supa Lig i bin wanpela bikpela samting tru long ol St George tasol ol i strong tru na ron i go insait long ol fainels nau. Dispela win bilong ol egensim Auckland 47-14 long las yia i wanpela gutpela samting tru i opim ai bilong ol na givim ol strong long ron i go insait long fainels.

Dispela win bilong ol egensim ol Auckland las wik Fraide i soim olsem ol St George i winim 8-pela pilai bilong ol olgeta insait long 9-pela geim na wanpela rekot ol i mas holim yet taim ol i bungim ol North Kwinnslen, South Kwinnslen na Western Reds. Ol i winim ol South Kwinnslen pinis na redi long bungim ol Cowboys long dispela wiken. Na dispela geim bai kamap long asgraun bilong ol yet. Laspela pilai bilong ol bai egensim ol Western Reds.

Pait bilong Supa Lig long las yia i brukim daun St George olgeta tasol dispela tu i wanpela samting we i mekim ol long pilai strong na ron i go insait long ol fainels.

Na tu i gat ol narapela kain strongpela fos i stap baksait long ol long mekim ol i go antap. Lapun bilong ol Ricky Walford i tok olsem bipo long pilai bilong ol wantaim Auckland, ol pilaia i holim las kaikai long taim bilong trening we ol i toktok planti tru logn wanem samting ol bai mekim long ol lain Auckland.

Taim kosa i stap gut, Anthony Mundine, Troy Stone na Scott Gourley i redi long muvna i wankain tu long Jason Steven na Noel Goldthorpe. Dispela i wanpela bikpela samting tru long wanem taim ol i winim ol Auckland Goldthorpe i holim wanpela miting wantaim ol ruisman na tokaut long wanem rot tru em i helpim ol St George long win.

Dispela toktok bilong em long stap long klab i no wankain long wanem dispela taim long las yia, em i sainim wanpela Supa Lig kontrak na em i no save olsem em bai stap yet logn Saints o nogat.

Tasol em i tru olsem long las yia na laip



ABOVE: Try time! Saints hooker Nathan Brown gets into the act against the Warriors. BELOW: Skipper Mark Coyne — cornered this time. Photos: JOHN ELLIOTT, PAUL SEISER, ROBERT VIJSSMA

bilong em i bikpela tru long Koogorah long las wik Fraide. Na bihain em i tok em i sain wantaim Bulldogs, i luk olsem i gat bikpela sans bilong em long stap yet wantaim St George.

Wanpela samting i trupela, Goldthorpe i mas save wantaim ol narapela pilaia olsem ol i mas pilai hat tru logn hapim ol yet i go antap long wanem neks mun ol bai pilai wantaim ol sampela klab we i strong nogut tru.

Na dispela i mas wankain tu. Anthony Mundine i mas fit na strong. Mundine i kisim bagarap wantaim kepten bilongol Mark Coyne. Na Mundine i wanpela man husat i helpim ol Saints long winim ol Auckland.

Dispela gutpela faiv-eit ya i kisim dispela bagarap taim em i redi long pinisim na putim wanpela trai we bai kamap namba tri trai bilong em.

Fitnes bilong Mundine na Goldthorpe bai i wankain tru long Septemba na wanpela pilaia husat bai kambek long bagarap em nathan Brown.

Sapos St George i go insait long ol fainels na pilai, i luk olsem planti manmeri tru bai mas i go long lukim ol dispela lain nogut husat i wok hat tru long winim ol Auckland na kam kamap long dispela ples.

- Rugby League Week



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.